


XI  
LIBAV.  
et VOET.  
de Com.  
1665



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.322







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.322





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.322



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.322







XI  
LIBAV. en  
VOET. de  
Com.

222. 2.1.




1.6.322











ANDRÆ LIBAVII  
*Medici & Philosophi Celeberrimi*  
DECLAMATIO  
DE  
COMETA  
ANNI 1604  
ET  
GISBERTI VOETHII *Theol. in Acad.*  
*ULTRAJECTINA Professoris.*  
EXERCITATIO  
DE PROGNOSTICIS  
COMETARUM.



AMSTELÆDAMI,  
*Apud* JOHANNEM JANSSONIUM  
à WAESBERGE & ELIZEUM WEYERSTRATEN.  
A. D. cl b c Lxv.



ANDRE LIBAVII

Caract. & Philosoph. Chymicis

DECLAMATIO

DE

COMETA

ANNO 1684

ET

GISSERTI VOETII TROCI. in Chym.

ULTRAJECTINA Impens.

EXERCITATIO

DE PROGNOSTICIS

COMETARUM.



AMSTERDAMI  
Johannem Janssonium  
Wassenaer & Boonum Typographum  
A. B. de lae



*Clariss. Viris*

## GULIELMO STRATENO

*Medecinæ Doctori, ejusdemque in Acad.  
Ultrajectinâ antehac Professore, nunc  
Illustr. & Celsiss. Principis Arauso-  
nensis Archiatro.*

## ARNOLDO SENGUERDIO

*Philosophiæ Doctori, ejusdemque in Acad. Ultra-  
jectinâ antehac, nunc vero in Illustri  
Amstelodamensium Athenæo,  
Professore,*

*Viri Clarissimi, Collegæ & Amici Honorandi,*



Um nuper conspe-  
cto novo phasmate  
multus & varius esset  
sermo de Prognosti-  
cis Cometarum ; accidit ut

nescio



D E D I C A T I O.

nescio quâ occasione perlu-  
stranti mihi clariss. medici &  
philosophi ANDRÆÆ LI-  
BAV II tract. *de universitate & originibus*  
*rerum* in oculos & manus incide-  
ret declamatio ejus de Cometâ  
anni 1604. quæ ad finem libri 5.  
inserta est. Ea lecta & relecta  
ita mihi placuit, ut de eadem  
denuo typis evulgandâ cogita-  
rem. Dum in hoc sum, factum  
est, ut cogitatione aliâ aliam, ut  
fieri solet, trahente, ulterius de-  
liberatio subiret, an præsentî  
rerum statui, & veritatis ac pie-  
tatis promotioni non conveni-  
ret, si studiosi nostrates, quorum

aures



DEDICATIO.

aures ἀποβατέρας & volaticis super de Cometoscopiâ ratiunculæ tunc verberari contingeret, de innoxiiis & consensu sapientum comprobatis Prognosticis, quæ Libavius verbulo tantum attingit, perspicuè instruerentur: ut haberent, ubi pedem figerent. Quid fit! deliberatione habitâ decerno, scribo & hanc, quam videtis, exercitationem typographo typis describendam trado. Eam sub celeberrimi nominis vestri auspiciis exire volui: tum ut honestæ conspirationis & ἰσοψυχίας in novellæ tunc Academiae quam



DEDICATIO.

florentem satis reliquistis, utilibus studiis perpetuò augendis aliquod exstaret *μνημόσυρον*; atque unà amicitiae, quamdiu Deo visum, studiosè colendae & conservandae arrhabo.

Accipite ergo chartaceum hoc munusculum eo, quo offertur, animo; & in Domino Sospitatore nostro salвете.

ULTRAJECTI IV. Eid. Maj. MDCLXV.

*Vester omni officio*

GISBERTUS VOETIUS.

IN-



I N D E X  
C A P I T U M.

Prolegomena de D. LIBAVII Declamatione  
de Cometâ Anni 1604. in Octobri viso. pag. 1

C A P. I. **R**ECTè ut ex astris, sic etiam ex Cometis deductas speciales divinationes à LIBAVIO explodi pag. 12

II. An & qui sint, qui omnem omnino Cometarum significationem improbasse videntur? pag. 14

ANDRÆAS DUDITHIUS notatur.

pag. 21. 81. 93

III. Præmissis præcognitis, & rectè constituto controversiæ statu, ostenditur, hætenus omnium populorum & sapientum consensu, absque stultitiâ & superstitione, præsagium aliquod in apparitione Cometarum quæsitum fuisse. Pag. 23.

Affertiones duæ, quæ variis aphorismis explicantur. Pag. 25

Priore explicatâ, ea variis argumentis probatur. Pag. 26

IV. Quid de Timore ex apparitione & conspectu Cometarum concepto, judicandum sit? Pag. 45

JEREMIE cap. 10. vers. 2. explicatur & vindicatur. pag. 50

Objectionibus quibusdam fit satis. pag. 53. 54

Vni-



V. *Universali populorum, & sapientum consensu confirmatur sententia de prognosticis Cometarum.*

pag. 56

VI. *Objectionibus variis respondetur.*

pag. 79.



DE-



# DECLAMATIO

DE

## COMETAE

ANNI 1604. In Octobri viso.



Ravi admodum & digna memoratu sententia Seneca de Cometis acturus auspicatur orationem : „ Nemo „ usque eo tardus & hebes & demissus in terram est , „ inquit , ut ad divina non erigatur , ac tota mente „ consurgat , utique ubi novum aliquod è cœlo mira- „ culum fulsit. Nam quamdiu solita decurrunt , magni- „ tudinem rerum consuetudo subducit. Ita enim com- „ positi sumus , ut nos quotidiana , etiam si admiratione digna sint , transeant : „ contra minimarum quoque rerum , si insolitæ prodierunt , spectaculum „ dulce fiat.

„ Hic itaque coetus astrorum , quibus immensi corporis pulchritudo distin- „ guitur , populum non convocat : At cum aliquid ex more mutatum est , „ omnium vultus in cœlo est. Sol spectatorem , nisi cum deficit , non habet.

„ Nemo observat lunam , nisi laborantem. Idem (addit) in Cometis fit , si ra- „ rus & insolitæ figuræ ignis apparuit , nemo non scire quid sit , cupit , & obli- „ tus aliorum de adventitio quærit , ignarus , utrum debeat mirari , an time- „ re. Adeo naturale est magis nova , quam magna mirari. Hæc ille de suis temporibus quidem , sed non minus de nostris quoque vere disseruit. Ap- „ paruit anno superiore in mense Octobri sydus quoddam antea non visum in cœlo inter Saturni & Jovis stellam in Sagittario. Incredibile est , in quas spes metusque conjecerit doctos , indoctos , majores minoresque gentium etiamnum hodie. Hinc gloria ingeniorum quæritur , hinc vaticinandi pe- „ ritia. Qui annorum fata evolvunt , & literis fastisque publicis exponunt , de conjunctionibus Planetarum formidandis , de Ecclipsibus horrendis , aliisque ad mundi perniciem , ut ajunt , conspirantibus cœli signis dira pro- „ nunciant. Hæc omnia vilescunt audita Cometæ mentione. Non stupe- „ scimus mundi ruina imminente , non horrendis , qui in oculis omnium sunt , ad bellum apparatus : Non moribus in interitum bonæ disciplinæ pro- „ pendentibus : Non impietate execrabili multorum , non hæresium violen-

A

tia,



ria, non sacris profanisque circa nos omnibus malis : in solo Planeta hæremus.

Hoc dirum mortalibus sydus appellamus : Hoc quid significet futurorum solícite inquirimus, cumque divini essent libri ex quibus Ecclesiæ & Reipub. fata licet abunde petere, hos tamen aliqui non adeunt, nec consulunt prius, quam monente excelso cælo facie insolita. Sybillini olim apud Romanos libri lucem non aspiciabant, nisi cogentibus portentis. Tunc concurrere Pontifices, tunc sacraria recludi, tunc omnium animi in expectationem eventuum erigi. Videntur mihi similiter agere & agi nostri Astrologi, qui fortasse nunquam ne pagellam quidem divini codicis vertissent, nisi à Cometa inducti, unde tamen potius sibi laudem sagacitatis quærere, quam populorum saluti consulere velle, perhiberi possunt.

Nemiremini, me non de solis admirabili splendore, calore, cursu : non de cæli summi vertigine : non urfis, orione, & cæteris syderibus omnibus magnis & veneranda Dei omnipotentia præclaris testibus sermonem instituere : non de motibus aëris, & terrarum : non de maris prodigiis, & Ecclesiæ, rerumque publicarum consultis, actibus, eventisque, aut literatorum, & populorum conatibus, sed de Cometa disserere velle. Inusitati syderis quæstio occupatos tenet animos.

Illa tanquam vetustate obsoleta & pridem satis superque cognita, seponimus : Et tanquam inter manus oculosque nostros versantia alpernamus, quia ut Physici censent, à consueto nulla passio ; partim etiam quia videntur in potestate nostra & opinionum turbis versari, non magni pendimus : sydus prodigiosum in cælo præterire non possumus, facturi idem in igne focorum nostrorum, si in cælo appareret, & non nostris manibus ex filice excuteretur, aridoque nutrimento pinguique pasceretur. Sed ne suspensi diutius hæreant animi, de Cometa anni superioris ita confido me dicere posse, ut quomodocunque innotescat primum natura ejus : Deinde quid eum portendere seu homines arbitrentur, seu alicui verisimile videri possit.

Notum est litem hodie moveri Philosophorum antiquis illis, qui se Aristotelicos ab autore factionis aut Peripateticos à disputandi consuetudine appellant, de Cometa, quem prisca illi ex elementari exhalatione calida sicca nasci, & in aëris regione superiore consistere, conflagrareque instar ignium cæterorum inter meteora arbitrentur, & hujus suæ sententiæ fiducia, vetustiorum opiniones, qui secus de illo sunt locuti, & senserunt, non dubitant reprehendere, & confutare.

Negant autem recentes omnem Cometam sic fieri, & ex istiusmodi materia esse, putantque se demonstrare evidentium observationum argumentis posse, aliquos Cometas ultra aërem in regione æthereâ inter sydera vagantia



gantia exoriri, siue materia sit cœlestis quædam concretio, siue subiecta eo pars ignis purissimi, quem ajunt confinia lunæ occupare, siue etiam aliquid sit de aquis istis, quas sacræ paginæ ultra cœlum collocant, iisque ambitum mundi claudunt, siue quicquam aliud denuo creatum, aut tandem collustratio syderum in disposita cœli parte, non semper eodem modo circa raritatem & densitatem affecta.

Inter exempla vero hujusmodi Cometarum ponunt quidam plures, aliqui pauciores, differiturque nostra ætate ut plurimum de stella ista, quam patres nostri, & non pauci etiam ex vestro numero viderunt anno septuagesimo secundo & tertio ultra millesimum & quingentesimum, in sydere Cassiopeæ: affinem dicunt illam, quam mense Octobri anni nuper elapsi Astrologi annotarunt in signo Sagittarii inter Jovem & Saturnum boreales, & Martem australem, adeo cello loco refulgentem, ut credatur etiam superasse Saturnum, & terrenum globum nonagies semel magnitudine vicisse.

Hic Cometarum locus inauditus & incredibilis est illis, qui pro Aristotelica sententia arma capiunt, nec vobis obscuræ sunt, quibus utuntur, rationes. Æternis enim legibus disjunguntur elementaria & cœlestia, servantque unaquælibet stationes suas tam exacte, ut alterum in alterius locum ferri nequeant & prius formam suam exuat, quam alienam provinciam, ad quam ferri, dicunt ferri ad formam & perfectionem suam, ut ibi quies sit & finis lationi, invadat. At hæc cœlo inferri non potest: aut si potest, fatendum est in æterno esse aliquid non æternum, posseque pati turbas mutationum, id quod hæctenus à principio ab omnibus permanfit alienum, nec quicquam admisisse labis est deprehensum.

Observarunt sæcula conflagrari Cometas, & esse sydera repentina. In cœlo vero nihil est nisi purum & stabile. Corruptibile ibi nihil, nec quicquam generabile, imo ne qualitates quidem elementares, quas primas activas passivasque vocant, nec potentia corporum contrarii susceptivorum unquam ibi est animadvertenda. Quid ergo persuadeat, ut ibi ponantur Cometæ, ubi per naturam ut sint fieri non potest? Atqui evidentissima est demonstratio Astrologorum, qui id constanter asseverant.

Respondent Peripatetici, fieri posse, ut in æthereâ parte aliquid seu vere deprehenderint, seu putent deprehendisse, sed quod Cometam esse & appellari debere, longe dicunt incertissimum. Quid enim si deceptio vultus esset, & refraçtio quædam syderis alicujus potentis? Quid si stella quædam extra ordinem apparere jussa, ab eo, qui omnia in manu sua habet & voluntatis suæ legibus dispensat? Accedunt Theologi, \* angelum potius aliquem

A 2

specie

\* *Malsbielem vocant Ex. 13. 21. 22.*



Specie flammea apparentem existimantes, cum olim in deserto ignis columniformis Israelitarum dux eodem apparuerit nocte vultu, nec id alienum sit à divinis oraculis, \* quibus monemur, Deum facere angelos ministrosque suos flammam ardentem, qua specie angelus quoque Manohæ collocutor in cœlum subvolavit. Hæc in defensionem Aristotelicorum placitorum proferuntur cum aliis multis: Et sane quædam natura sunt consentanea, quædam Aristoteli physice loquenti, & in his, quæ ut plurimum vel semper eveniunt, moranti, contentoque si ea dixerit de remotis illis, quæ possibilia videri possunt, non adversantur. Si est angelus aliquis futurorum nuncius, aut de novo divinitus excitata stella, nihil detrahatur Philosophiæ peripateticæ, quæ genus naturale non excedit. Itaque ne Comeram quidem vocat ejusmodi apparitionem, nisi quis à simplici loquendi genere velit ad picturatum illud, quod tropicum vocant, discedere. Sed in hoc scientia non est, nec licet aliquid demonstrare figurationibus talibus. Quocirca non debuit quidam recens Astrologus nuper invecus esse in Aristotelicam disciplinam, ejusque Professores, quasi & cœci sint & obstinati, ut qui nec videant in cœlo quoque fieri Cometas, nec admittere demonstrantes, agnoscereve fortuitos ibi ignes velint. Ego quidem hujus litis arbiter nec volo esse, nec possum. Veruntamen audivi aliquando præceptorem nostrum ea de re ita differentem, ut facile videantur conciliari opiniones posse. Duplex enim genus Cometarum statuendum est, unum quod Aristoteli foret æquivocum (ut artis termino designem quod sic melius intelligitis, quam circuitione & ambagibus vocum) nempe ex affectione sydereæ naturæ natum, quæ effectio nullam invehit cœlo corruptionis aut similium passionum destructivarum necessitatem, sed potius est perfectionis quam ideo perfectivam vocant, circa raritatem & densitatem ejusdem corporis ætherei, quod aëris instar fluidum inter sphaeras vel circulos intelligimus, evenientem. Quocirca facile hoc admitti poterit, sive splendor densati sit refractio à sole, sive proprium lumen; cum Aristoteles ipse stellam densiorem partem sui orbis appellet, & luna satis indicet in alieno corpore per se non lucente, relucere alienum lumen: Sol vero, & fors etiam cæteræ stellæ proprium habeant. At inquires ista foret stella vera. Sit inquam, sed cur non possit Cometa cœlestis appellari, cum non sit, ut cæteræ stellæ, constans, & eternæ durationis? Verus Cometa est ex materia pereunte, non evanescente propter rarefactionem ex oculis, sed vere desinente & corrupta. Hæc quidni in cœlo sit, reponunt ii, qui Aristotelem carpunt. Ignoravit Aristoteles aquas esse ultra firmamentum. Quid si ignoraverit simul concretionem similem fieri posse in firmamento? Num ejus inciticia rem ipsam evertat?

Sed

\* Ebr. 1. 7. Psal. 103. 4. Job. 13. 20.



Sed nos Aristotelem excusamus. Philosophatus enim est de naturâ sic, ut eam jam institutam deprehendere potuit, non ut ab omnipotente movetur & disponitur: unde forte nec credidisset solis statum & reditum. Idem etiam de remotis istis à sensu nostro modice disseruit, venia dignam iudicans circa ista hallucinationem. \* *Partem illam æternam, inquit, & proinde nobilem ac divinam minus contemplari possumus, propterea quod admodum pauca illius sensui pateant, quorum beneficio tum de ea ipsa parte divina, tum de iis, quæ nosse cupimus, facultas nobis cogitandi indagandique suppeditetur.* Hæc & alia pulcherrima ibi Aristoteles, ex quibus colligimus eum non desperasse de sæculorum observationibus arbitrantem multa nos in cœlestibus latere propter sensuum hebetudinem, aut causam quandam cur non appareant, quæ tamen, si prope essemus, cerneremus: ex quo numero est affectio illa, qua dicimus emergere Cometas cœlestes; quanquam Aristotelici hujusmodi apparentes concretiones non facile nominaverint Cometas, utpote suis principiis inhærentes, nec vocabulum ultra rem suæ contemplationis extendentes, ita ut laborandum sit his, qui Aristoteli contradicunt. Aliud enim quid istud apparens in cœlo est. Cometa non est, si recte usurpare vocabulum volumus. Sed nec magnopere contendendum arbitror de nomine rei, modo in re sit consensus. Imitemur illud Canonicum: Quandoquidem Alexander vult esse Deus, sit sane Deus: Et similiter dicamus: Quandoquidem volunt aliqui istas in cœlo lucas esse Cometas, sint sane Cometæ; modo non damnentur Peripatetici, qui alterum tantum genus ex ignita halatione conflatum, certaque specie informatum, Cometam proprie nuncupant. Horum simulacra fieri quoque in nubibus vel coacta ætheris parte possunt per receptionem resplendentis à sole, tanquam in speculo, luminis, siquidem in cœlo tale quid sit, & non potius densatus æther per se lucet (non enim videtur omnium stellarum eadem conditio esse, quod maxime declarat dispar solis, lunæ, fixarumque & errantium natura.) Illud plus negotii facessit divinatoribus nostris. (Qui ex stella anni 1604. tanquam ex Cometa præfagia petunt, nisi prius probaverint Cometam esse, cui conveniunt illa effata, frustra præfagiunt.) Nam si in cœlo insolita lux stellæ instar apparens non est Cometa, frustra ex verorum Cometarum fatis & eventibus nobis futura pronunciant, sed adiguntur ad experientiam plane novam, quam si non habent, convincuntur imposturarum & fraudum in vaticinando. Quod enim non est Cometa, non includendum est significationibus Cometæ, cum palam sit, ubi res non est, non posse esse rei adjunctum. Et sic absolutam puto primam orationis meæ partem. De significatione, quod erat propositi membrum secundum, mal-



lem audire peritos, sapientelque quam ipse dicere. Necesse enim est eum: qui velit de syderum insolitorum fati pronunciare, divina humanaque sapientia instructissimum esse, & longo usu rerum diu exercitatum, tantaque memoria, ut præteritorum præsentiumque exquisitè meminerit, omnesque historias mundi in promptu habeat, nec minus possit dextre & industriè similia conferre similibus, consideratque omnibus rerum & eventuum circumstantiis aptissime collimare, ne quid de divino conjectandi dono loquar, quo Daniele Prophetam, Josephum & alios legimus præ cæteris fuisse præditos. Liquet statim quam multa in vatibus nostris, qui diaria scribunt, desideremus. Ex alienis pendent observationibus, & quod in Babylonia, Chaldæa, Ægypto & alibi observatum gestumque est, cælo & hominibus accommodant nostris, quasi non plus, quam loca ipsa, ingenia & res nostrorum ab illorum moribus distarent. Deinde non cogitant, quæ quibus cohæreant; sed cumulant facta ex diversissimis alienissimisque totius mundi partibus, concluduntque nobis imminere, quod aliquando post sydus accidit Indiæ, aut Africæ, aut Asiæ, idque ne totis quidem, sed pago vel oppido, quasi credendum foret ejus, quod evenit, causam fuisse antecedens astrum. *Longe vesaniores sunt, qui defectus solis & lune, & sydera magnasque conjunctiones negant jam, cum sunt, operari, sed post quatuor, quinque, triginta. Roslinus nunquam putavit Cometam anni 1572. nisi elapsis annis 30. operaturum, sed Crabbe omnia eventa in Belgio, Gallia, Hispania, Anglia, Polonia, aut plures annos, quibus fere & homines interierunt ipsi cum syderibus, aut saltem mores sunt in plane novos transformati, unde necesse est nova consilia & acta mergere magis, quam à syderibus. Vereor, viri reverendi & consulti, ne inter manus crescatoratio: Quam enim ampla sit & fecunda significationum astralium materia minime ignoratis. \* Sed in pauca contraham, compescamque orationis cursum. Significata Cometarum vel ex natura materiæ petuntur, vel observationibus. Astrologorum, quæ sunt ex parte artis ipsius, ex parte quorumlibet eventorum, ita ut quædam regulis artis sint inclusa, quædam vero colligantur ex populo: vel tandem ex sapientia divina & Theologiæ axiomatibus eliciuntur. Si stella anni sexcentissimi quarti super milleimum à nato Salvatore esset Cometa naturalis juxta sententiam Peripateticorum, Aristotele iudice naturaliter nihil usque adeo occultum & insuetum prænunciaret, utpote qui suos Cometas ait, si sint crebri aut magni, tempestatem ventorumque & imbrium in temperantiam signare, ut loquitur Seneca, seu ut est in textu Philosophi: Quando crebri & multi apparent ficci & spirituosos notabiles.*

*\* Ungarie ei ascribit, Tobias Mollerus a. 1600. prophetam novum expectavit in præfatione Calendarii a. 1584. sicut jam Iobannes Crabbe etiam novum prædixit.*



liter fiunt anni: Quando autem rariores & tenuiores magnitudine similiter quidem non sit tale, attamen frequenter sit quidam excessus spiritus, aut secundum tempus, aut secundum magnitudinem.

Hinc interdum dependent portentosa illa ut lapidum ex aëre, quo prius sublati impetu ventorum erant, casus: motus terrarum, inundationes & similes calamitates, sicut & ex siccitate nimia fames, ex aëre infecto pestis, huiusmodique multa, quæ ex materia halituosa Cometæ, fumis, reliquiis, ventis, motibus & aliis exoriuntur. At Aristotelicum Cometam istum non fuisse, contendunt Astrologi.

Quid ergo solliciti sumus de meteorico naturalique significato? Si ejus materia fuit cœlestis, & ætherea substantia, num metuendum est, ne cœlum ruat? Num rupturæ instant, & decubitus aquarum ultra cœlum, adeoque diluvium generale? Non sinunt nos ita ominari sacri Canones. Non enim aquis & diluvio, sed igni servatur mundus. Nihil elementare concludere ex eo possumus naturaliter ob materiam, quod nihil habet elementare. Quid si diceremus in eodem signo concursum trium summorum planetarum ætheris parte coacta resplenduisse sicque tanquam per speculum syderis novi phasma procreasse? Novum sydus novam potestatem habet, aut imitatur naturam primorum. Si novam habet, quia ut Physici ajunt, inferiorum omnis potestas cœlitus legitur, novorum effectorum expectandus ortus est.

Hic autem nihil certi est, sed suspenduntur animi metu alicujus futuri, si malum sit, aut spe, si bonum, incerti quicquid id tandem sit, nemine eximenter dubium, nisi divinitus excitato Propheta, aut fortuito conjectare, quales sunt illi, quibus sæpe in divinando falsa, forte contingit aliquando verum attingere, ut Calendariographis. Omnino ex natura nihil possumus demonstrationis de significatione aut firmitatis petere sed de materia specieque & distantia aliisque saltem nonnihil probabiliter disserere licitum est. Consulamus Astrologorum commentario & placita. Hic miscetur sæpe natura, artis observationibus, & causæ evidentes occultis junguntur. Porphyrius dixit Cometam ad austrum tendentem excitare pluvias: ad Boream, siccitates: ad ortum, pestes & mala maxima: ad occalum, optimam anni constitutionem.

Cardanus inter sex magnas in cœlo res (quæ sunt, conjunctio Ecclipticarum octavi & noni cœli, Cometa, Ecclipsis, conjunctio Saturni & Jovis, conjunctio luminarium cum fixis) Cometam ponens corrigit Porphyrium, & si tendat ab ortu in occalum, vult legis mutationem signari, quod is motus fiat contra ordinem signorum. Sed vana est etiam hæc consideratio, si nec Cometa fuit ista stella, nec multum progressa est adeo, ut etiam stare



stare iudicata sit. Vidimus Roslini Chartam, omnia secunda & felicia ex illa stella nobis promittentem: vidimus alium, qui nihil non mali tam ex illa colligit, quam ex anni Septuagesimi secundi astro, quod tamen Thobias Mollerus tunc in felicibus habuit, sicut Plinius sydus Julium, quod Augusto apparuit circa undecimam diei. Decernunt aliqui lætam omnium malorum catastrophem & faustum eventum bellorum in Pannonia, Belgio & alibi, simulque euangelii victoriam & cursum per orbem totum more fulguris.

Addunt & novum Prophetam. Aliqui ultimum diem prælagiunt & destructionem antichristi: jungunt autem stellæ isti annos jubileos, & hinc conficiunt mundum conflagraturum esse anno millesimo sexcentesimo quinquagesimo sexto. Hæc illi unde quæso? An non ex superstitione Astrologica & persuasione sapientiæ præ ceteris sagacissimæ? Non sic vultures bellum Julii & Pompei olfecerunt, quam hi ruinam cœli.

Qui magis accedunt ad Astrologorum decreta primum in cœlo notant trigonum igneum, cuius pars est Sagittarius: Deinde intuentur trium Planetarum conjunctionem in eodem signo. Trigonus iste dicitur res maximas significare: adhuc majores conjunctio trium summorum errorum. (Cardanus non magni æstimat conjunctionem Saturni & Jovis, quia principium congressus sit inobservabile. Thobias Mollerus & alii omnia summa inde divinarunt, præsertim anno 1583. cuius eventus imminuerit anno 1588. vel 1590. Et sane tunc classis Hispanica ab Anglis est superata.) His quia accessit Cometa, qui dicitur omnia turbare Cardano, necesse est ad summum omnium magnorum mentem advertere nisi fortasse, siquidem Cometa turbat omnia, etiam regulas astronomorum, & eorum mentem implicat & quod non stulte dixeris, Deus ideo adjecit planetam isti conjunctioni, ut vatum opiniones & præfagia eorum confunderet omnia, quo ipso portentosa ista ex magna conjunctione hominibus prædicta in incertum cadunt, id quod evenire videmus.

Nam Geometra quidem Johannes Crabbe Wolfenbutelius omnia dira pronunciat ex Cometa: *Eliseus Roslinus omnia fausta, tertius quidam miscet eventus: Nam adventum Christi*, Euangelii in toto orbe receptionem, mortem principis (fortasse Papæ) & exortum novi, qui religionem sit propagaturus ex cometa vidit, qui Poëtis est sanguineus, tristis, feralis, infelix horrificus, exitialis. Jam siletur de conjunctionis istius horrendis effectis, & hæretur in cometa. Hunc ajunt fausta indicare, quia ad Jovem propius accessit, quam ad Saturnum: Et fortasse dicendum est, quod illa felicia sint ex bellis proventura à meridie, hoc est, Italia, Africa & vicinis excitata, quia Mars à meridie aspexit Jovem. Sed in qua re erunt illa fausta? in legibus sacris  
&



& politicis, quia conjunctio ista de legibus decernere creditur. Quocirca si quid veri in astrorum judicio est mutabitur status *politicus & Ecclesiasticus ex malo in bonum, sed non sine precedentibus turbis.* Unde fortasse uterque recte dixit, tum qui fausta, tum qui infausta respondit.

Nullum enim bonum magnum magno malo succedens sine mutatione in terris grandi est: Et mutationes tales sunt periculorum plenissimæ. Id autem historiis declarari potest amplissimis, quas ego cujuscunque diligentia evoluendas, & huc referendas committo. *Ad prognosticum Theologicum accedo.*

*Quid itaque sacri Canones nobis de insolitis in cælo seu stellis, seu ignibus suppeditant judicii? Primum monemur quidem in cælo futura esse signa & prodigia minime vilipendenda, sed nec metuenda his qui redemptionem à pessimis mundi moribus expectant quam desideratissime. Notum est illud: A signis cæli nolite timere: Apud Esaïam iridentur Babylonii, qui syderum contemplationi tam multum tribuebant, ut omnia hinc sibi explorata pollicerentur, sicut nec nostro tempore desunt, qui nobis obtrudunt chartas Astrologicas ab aliquo syderum perito in India, Babylonia, Ægypto, Chaldæa, confectas, in quibus terris tamen hodie, nihil est præter barbariem immanem, mirumque est aliquem Mahometicolam non sanæ mentis astromanem jus accipere in fata nostra, eique plus tribui, quam peritissimis totius Europæ Astrologis. Sed noster Propheta sic: \* *Desecisti in multitudine consiliorum tuorum.* Stent & salvent te vates cæli, qui contemplabantur sydera & designabant menses, ut ex eis annuntiarent ventura tibi. Ecce facti sunt quasi stipula, &c. Hæc puta dicta esse etiam illi, qui Germaniæ fata digessit juxta Deos sphærarum gubernatores, audacter præmittens divinationi suæ versum hunc: Frustra hominum sortes explorat, qui astra non consuluerit: Imo, inquam, non frustra. Falleris enim ô Astrologe vane, nobisque ex astris putas depromere ea, quæ pridem legebamur in prophetia Carionis. Sed nostrum Prophetam attendimus magis, qui non jubet adire vates, ariolos, augures, Pythones, mortuos, Astrologos, sed legem & testimonium.*

Cæteri Ptolemæum qui in Ægypto cælum est contemplatus & descripsit vaticinia, quanquam mirifice à Cardano illo vanissimo exagiretur, tamen tanquam Deum sequuntur, & nobis ex ejus decretis dira recitant. Jerem. 10. 2. *Juxta vias gentium nolite discere & à signis cæli nolite metuere: quia leges populorum* (Arabum, Ægyptiorum, Chaldæorum, Ptolemæi, Cardani, &c.) *vanæ sunt, &c.*

At nos vatem verioresem Esaïam consulimus qui de Ægyptiis hæc habet: *Evacuabitur spiritus Ægypti in visceribus ejus & consilium ejus dissipabo: Et in-*

B

ter-

\* Cap. 4. 13.



terrogabunt simulacra sua, divinos suos, & Pythones, & ariolos. Et concludam Egyptum in manu dominorum crudelium: Item: Stulti principes Taneos: Sapientes consilarii Pharaonis dederunt consilium insipiens: Ubi nunc sunt sapientes tui? Annuncient tibi & indicent, quid cogitaverit Dominus exercituum: Item, Dominus miscuit in medio eius spiritum vertiginis. Facessant ergo ista vaticinia Ptolemaica nolque ad alia vertamus solidiora minimeque fallentia, Dei veri nimirum oracula.

Num autem nihil seu mali seu boni eventus ex illo sydere est pronunciantum? Ego quidem, viri reverendi & prudentes, assensum hic cohibendum esse puto, Christumque verbumque eius amplectentibus, & fideliter sequentibus hominibus, quos oportet contentos esse prædictionibus Spiritus Sancti infallibilibus. *Signa sunt in cælo: sed quid hæc in specie (nota) prænunciant non scrupulose inquirimus. Satis est nobis qui indicent malitiam, & pericula ultimorum temporum, sintque piis instantis liberationis præsagia, non naturalia, sed divina voluntate (nota) ordinata: malis autem exitiis pessimi præludia & præmonitiones, ut qui sapere velint, sciant horam instare correctionis? qui nolint, suo periculo experiantur exitum.*

Alioquin qui scire cupit de Ecclesia, de regnis mundanis, de studiis sapientiæ, de populo, & aliis, non opus habet caput ad cælum astriferum levare, sed ad cælum Biblicum, in quo invenitur sydera futurorum certissimi indices. *Qui mundo bona ex illa stella vaticinantur, & Prophetas novos promittunt, incidunt in iudicium Spiritus Sancti de falsis vatibus qui dicent, pax & securitas, cum tamen neutrum possit esse ultimis diebus, juxta oracula salvatoris, quæ descripta habemus in Euangelis, \*ubi ipse Dei filius querit, num qui putet se fidem inventurum in terris, cum venerit? D. Paulus in 2 Timoth. 3. hoc scito, inquit, quod in novissimis diebus instabunt tempora periculosa: Et erunt homines semetipsos amantes, avari, elati, superbi, blasphemæ, parentibus non obedientes, ingrati, scelesti, sine affectione, irreconciliabiles, criminatores, incontinentes, immites, negligentes bonorum, proditores, precipites, timidi, & voluptatum amatores magis, quam Dei. Ecce tibi stellam vaticidam. In tanta impiorum colluvie quid boni sperare possumus, nisi ultimam abolitionem? Si citra ultimum finem malorum tanta bona eventura sunt, aut non sumus in ultimis temporibus, aut redarguitur Spiritus Sanctus: quorum illud evidenter falsum: hoc etiam blasphemum.*

Optamus quidem & sedulo precamur, ne quid adversi eveniat, politiæ & Ecclesiæ: sed fataliter prædicta iniquitate pergente publice non avertuntur. Itaque sustentemus nos consolatione & spe, quam Spiritus Sanctus suppe-

\* Matt. 23. 26.



DE COMETA Anni 1604.

TE

suppeditat, nimirum ferendam esse in fece mundi calamitatem, quam tamen Deus ita sit mitigaturus, & dispositurus, ne in malum nobis, sed potius in bonum cedat, & ubicunque sane quocunque vultu futura sit, mansuram tamen Ecclesiam esse usque ad ultimam flammam: quam ut aequilinis oculis videamus, & membra ejus vera simus, maneamusque in vera fide & confessione constantes, faxit omnium factorum summus moderator Jesus Christus Dominus & Salvator noster cum Patre & Spiritu Sancto in æternum benedictus. Amen.



B 2

EXER-



# EXERCITATIO

## DE

### PROGNOSTICIS COMETARUM.

#### C A P. I.

*Rectè ut ex astris, sic etiam ex Cometis deductas speciales Divinationes  
à Libavio explodi.*



Ommuni rectè sentientium consensu constat duos in religione scopulos evitandos, Epicureismum & superstitionem. Quia autem vera rerum vocabula amitti, & pro vitio sæpe virtutem crimina ferre, omnium sæculorum experientiâ comprobatum est: piis mentibus accuratè inquirendum, quænam cogitata, dicta, facta ad alterutram extremorum istorum categoriam reducenda sint.

Quod uti in quibuscunque casibus & eventis, sic imprimis in divinationum generibus, agendum: ut ab omni astrorum ac phasmatum in cœlis, & portentorum in terris vacuâ secundum Ægyptiorum, Chaldæorum, Hetruscorum disciplinam observatione & interpretatione, quam longissimè recedant, quotquot glorioso Christianorum nomine insigniri volunt. Et certè, non obstante tristissima Christiani orbis per tot ac tanta religionis *discrepantia* & controversa divulsione, hoc tamen admirabili Dei nostri providentiæ debemus, quod astrologicæ & genethliacæ divinationes communibus sapientum suffragiis ex Christianorum ecclesiis ac scholis jam dudum ita profligatæ sint; ut contra si quis sentiat, nil sentire judicetur. Infinita fere huic rei comprobandæ testimonia, ex philosophis, Jureconsultis, theologis cujuscunque sub nomine Christiano professionis ut accumularentur, haut operæ pretium ducimus. Suffecerit, si aliqui indicentur, qui ex professio contra vanitates illas disseruerunt: quales *Joh. Picus Mirandulæ comes libris 12.* ejusque ex fratre nepos *Joh. Franciscus Picus libris 7.* Hieronymus Savonarola libris 3. quem Thomas Erasmus tract. peculiari contra *Stathmionem medicum Coburgensem* defendit. *Beza epist. 29.* Hieron. Zanchius de divinatione. *Gul. Perkinsus in tract. de Prognosticationibus, & in Bascanologiâ cap. 3.* *Molineus lib. 3. Vatis cap. 7.* *Pererius lib. 2. comment. in Genesim cap. 2. 3. 4. 5.* ubi octo

ra-



rationibus divinationem illam oppugnat. Idem in peculiari tract. de Magiâ, &c. *Divinatione Astrologicâ*. Georgius Ragusens philosophus Patavinus, de divinatione. Andr. Rivetus in comment. ad decalogum. Tobias Wagnerus theologus Tubingensis peculiari tractatu. *Casmannus part. 2. astrologia cap. 9.* Si qui paradoxo nostro hoc & uno atque altero anteriori sæculo contra torrentem Doctorum caput efferre ausi fuerint: ii omnium condemnatoriis calculis obruti fuerunt. Qualis celebris Cardinalis de Aliaco, Episcopus Cameracensis; Paulus tertius, ab Astrologo suo Luca Gaurico in omnibus consiliis & actionibus suis suspensus; & ante annos aliquot sacerdos quis in Galliâ J. Gaffarellus, qui præter abdita divinæ calabæ mysteria, a. 1631. librum de curiositatibus inauditis patrio sermone ediderat, sed à Sorbonâ condemnatum: ubi cap. 12. & 13. adductis rationibus & autoritatibus contendit, ex figuris Cometarum & stellarum tanquam mysticis characteribus & hieroglyphis posse legi notabilia quæque in hoc mundo eventa, & bona ac mala, quæ hominibus obtingunt. Ne quid dicam de publico in scholâ Parisiensi mathesios professore, cujus opera astronomica ante triennium, ni fallor, in fol. edita: ubi ex professo astrologiam judicariam defendit, & ex propriâ praxi suâ eventus prædictionibus suis respondisse ostendit. An & quid Sorbonna aut quævis alia publica potestas de libro illo statuerit, hæcenus ignoro. Nec est diffitendum inter protestantes & reformatos Rud. Goclenium medicum celeberrimi Philosophi R. Goclenii filium, & ante eum Stathmionem medicum Coburgensem insanienti illi astrologiæ publicis scriptis patrocinium præstitisse. Quorum posterior ab alio quodam celebri philosopho & medico Thoma Erasmo anno 1564. peculiari scripto eruditè refutatus est. Non defuerunt etiam omni tempore iâter dictos astrologos & vulgares prognosticorum scriptores, qui una cum astrorum observationibus, præsertim & Cometarum, tanquam insolitorum in coelo aut in aëre phasmatum, artem divinandi de futuris quibusque magnarum rerum eventibus sibi demandatam putârunt. Ne scil. deessent hodierno Christianismo sui portentorum interpretes; quales olim inter Gentiles existisse, testes sunt Pausanias in *Eliacorum* 1. & *Halicarnass.* lib. 2. Sed istorum vanitates iisdem ferè argumentis, quibus divinationes ex astris, explodi posse jam pridem aliqui ostenderunt: inter quos celebris philosophus Libavius; cujus declamationem, occasione Cometæ nuper hic conspecti, recudendam dedimus: minime dubitantes, quin moderatis & piis ingeniis ea placitura sit. Sic enim vanitates divinationum astrologicarum & cometicarum insectatur; ut interim ad prælagia & comminationes judiciorum Dei, in genere & indefinitè, mentem animumque advertere non veter; nedum ut tanquam aniles nugas ac superstitiones omnem sobriam ac sanam tum antiquorum tum recentiorum sapientum



attentionem deridendam propinet. „Ad prognosticum, inquit, theologicum accedo. Quid itaque sacri canones nobis de insolitis in cælo seu stellis, seu ignibus suppeditant iudicii? Primum movemur quidem in cælo futura esse signa prodigia minime vilipendenda, sed nec metuenda his qui redemptionem a pessimis mundi moribus expectant quam desideratissime. In quo cum ipso convenire video omnes illos sapientes; qui distinguere nōrunt inter singularia eventorum singularium præsumta præfagia; & inter generalem atque indefinitam malorum per insolita ejusmodi phasmata significationem aut commonestationem, aut comminationem. Quales inter philosophos, Gregor. Tholosanus syntax. artis mirabilis lib. 35. c. 24. & Politica lib. 2. 1. cap. 6. Sennertus, lib. 2. phys. cap. 2. Sperlingerus lib. 3. phys. cap. 12. Senguerdus lib. 4. cap. 2. Vossius lib. 3. de Idolatr. cap. 9. Salustius Bartradius die 2. hebdom. 1. coll. cum diei 2. lib. 4. hebdomad. 2. ubi exserte rejicit astrologiam Judiciarum: Verba apud paraphrastem latinum Sam. Benedictum, sic sonant:

Dumque suâ cœli narrat mihi lege figuras, &c.  
 Hac à me in fidei sacra sancita referri  
 Chrislicola vestram fugiat sententia mentem,  
 Aut me porticibus conserre pedamina velle  
 Zenonis, nexâque Deum vincere catenâ;  
 Per seriem & Stoici connectere dogmata fæti:  
 Sive voluminibus cœli ventura legentem,  
 Chaldaea dubia amplecti mysteria secta.  
 O procul, ista procul -----

Cornelius Gemma medicus & mathematicus Lovaniensis, in libro de divinis naturæ characteris nimium subinde divinationibus illis tribuere videtur; aliquoties tamen se revocans (ut lib. 1. cap. 8.) propius mentem de singularem eventorum prædictionibus declarat: quod scilicet debent esse conditionate: minitari scilicet hac vel illa ventura insuper, nisi celerius occurratur. Ex theologis secundum distinctionem hanc indicium Cometarum probant aut improbant, Perkinsus in tract. de prognosticationibus; Zanchius lib. 3. de oper. creat. cap. 2. Petrus Molineus lib. 3. Vatis cap. 7.

## CAP. II.

An & qui sint, qui omnem omnino Cometarum significationem improbasse videntur.



Uod quibusque plurium consensu receptis sententiis, id etiam observationi Cometarum evenisse videmus; ut aliqui singulariter oculis signari, & digito monstrari cupientes contra communem popu-



populorum & sapientum vel generalissimas quasque & indefinitas divinationes, aut probabiles saltem conjecturas ac suspiciones, quasi contra torrentem obniti sibi gloriosum duxerint. Veritas antea non cognita aut agnita, non desinit esse talis; quamvis errori alicubi prius possidenti antiquitatis palmam præripere nequeat. Vicissim veritas *ἐναντίον τῷ χρόνῳ* (ut loquar cum *Clemente Alexandrino*), & à plurimis in præsentī & ante sæcula est recepta, à Titio aut Mevio, qui eam primus ex profundo puteo hic aut alibi non eruit, fastidiosè contemni non debet. Ut consuetudo sine veritate nihil aliud quam antiquitas erroris est: sic antiquitas sine errore, nihil aliud quam antiquitas veritatis est. Potest quis possidere veritatem, quamvis primo aut solo suo ingenio non inventam; sed per aliorum indicia, obstetricationes, manuuctiones, traditiones perceptam. Neque enim ad genuinæ veritatis perceptionem in omnibus ejus amatoribus ac discipulis, præsertim mediocris tantum aut pauperis ingenii, requiritur, ut sint *οἱ ἀνέρες ἀλλήλων ἐκκλεῖντες* inventores, quorum nomina novæ *Polydori Virgilii* de rerum inventoribus editioni inferenda essent. Sunt etiam nonnulli melioris commatis, qui quamvis præfagia Cometarum non bene distinguant, nihilominus laudabili zelo in vanitates teratoscopicas invehuntur; sed qui per fallaciam accidentis, propter τὸ nimium & abusum quorundam, ipsam rem omnemque ejus usum repudiant. In quos forte quadraret illud Poëtæ:

*Stulti dum vitant vitia, in contraria currunt.*

Nec vanè præsumitur, intercurrere inter illos, qui cum se & alios in Epicureæ securitatis somnum inducere studeant, ad sublunaria, & vel maxime insolita phasmata ac terriculamenta, illud magorum Pharaonis exclamare non dignantur: *Ecce hic digitus Dei*. Tales describuntur à divino Psalte *Psal. 94.* & ab Apostolo *2 Petr. 3. v. 3.* *Epicurei: uti Fr. Junius in notis ad 2. Petri 3. observat.*

Qui teste *Augustino* de *Genes. ad literam lib. 5. cap. 21.*, putant, hanc „imam partem terrenam & humidam aërisque hujus vicinioris, qui terrarum & aquarum exhalationibus humescit, in quo venti nubesque consurgunt, calibus potius & fortuitis motibus agitari. *Et paulo post: Nihil enim tam videtur calibus volvi, quam omnes istæ procellosæ ac turbulentiæ qualitates, quibus cœli hujus inferioris, quod non immerito terræ nomine deputatum est, facies variatur & vertitur. Lucretius lib. 1. de rerum naturâ, timorem omnem per philosophiam Epicuream eximi gloria- tur: non obstante quod primus in orbe Deos fecisse & cultum numinis excitasse dicatur:*

*Humana, inquit, ante oculos sædè cum vita iaceret*

*In terris oppressa gravi sub religione:*

*Quæ caput è cœli regionibus ostendebat,*

*Hor.*



Horribili super aspectu mortalibus instans:

Primum Graius homo (Epicurus) mortales tendere contra

Est oculos ausus, primusque obsistere contra:

Quem nec fama Deum, nec fulmina, nec minitanti

Murmure compressit cœlum, &c.

Quare religio pedibus subjecta vicissim

Obteritur: nos exaquat victoria cœlo.

Et paulo post:

Tutemet à nobis jam quovis tempore, vatum

Terriloquis victus dictis, desciscere queres.

Quippe etenim quam multa tibi jam fingere possum

Somnia, quæ vitæ rationes vertere possint,

Fortunasque tuas omnes turbare timore?

Et merito. nam si certam finem esse viderent,

Ærumnarum homines: aliquâ ratione valerent,

Religionibus atque minis obsistere vatum,

Nunc ratio nulla est restandi, nulla facultas:

Æternas quoniam pœnas in morte timendum.

Ignoratur enim, quæ sit natura animæ:

Nata sit, an contra nascentibus insinuetur:

Et simul intereat nobiscum morte diremta:

An tenebras Orci visat, vastasque lacunas

Proximè ante hos versus divinam providentiam circa sublunaria, præcipuè circa res humanas, negaturus, quam tamen Veneri paulo ante tribuerat, sic fatur:

Omnis enim per se Divum natura necesse est

Immortali ævo summâ cum pace fruatur,

Semota à nostris rebus, sejunctaque longè.

Nam privata dolore omni, privata periculis,

Ipsa suis pollens opibus, non indiga nostri.

Nec bene promeritis capitur, nec tangitur irâ.

Cum hæc philosophiâ compara insanientem sapientiam, antiquorum Sædutorum, hodiernorum atheorum & Epicureorum, quos spiritus fortes & Deistas appellant à nobis in 1. part. select. dissp. tit. de atheismo descriptos. Cum utrâque compara theologiam Serveto-Socinianam, quæ præter blasphemias in Deum unum & trinum, in Christum Θεῶν, divinam futurorum contingentium præscientiam, animarum impiarum immortalitatem, hujus carnis resurrectionem, atque adeo æternas impiorum pœnas negat: ut alibi ostendimus. An autem tales inter adversæ sententiæ promachos



machos referti sunt; mox videbimus. Referuntur à Simone Goulartio in commentar. ad Bartasii hebdomad. 1. diem 2. & ab Isendormi part. generali physiologia tract. 4. pag. 215. Marcellus Squarcialupus, Andr. Dudithius, Grynaeus. Addo ego Jul. Caf. Scaligerum exercit. 71. sect. 2. Gasendum in epistol. astron. & in Epicuro; Christophorum de Gamon in poemate Gallico tit. hebdomas creationis mundi; die 2. pag. 45. & seqq. Balthazar Hagelius Jesuita philosophiæ professor Ingolstadiensis in libello de meteoris, publicæ disputationi ibidem anno 1588. subjecto S. 56. Permulti concludunt, Cometæ esse hujusmodi calamitatum signa: sed malè. Quis enim fulgure, tonitru, aut fulmine, quæ post illa sæpe acciderunt, calamitates significatas fuisse arbitretur? Negamus igitur Cometam illos terros eventus propriè significare; tum quia est natura quoddam opus, nec ex naturâ suâ, nec ex institutione alicujus vim significandi habet; tum quia unum ab altero necessariò non pendet. Qui & quales sint isti autores, & quo sensu ac scopo hanc causam egerint, in antecessum, notari velim.

Hagelius solummodo, & non *absolutè* absolutæ necessitatis negasse videtur, & singulares ac signatas singularium eventorum prædictiones: quorum neutrum nos asserimus. Id liquet ex præmisso poemate de Cometa Guil. Reisacher libellum illum pro supremo in philosophiâ honore in Academiâ publicè defensuri; ubi post relata aliquot malorum Cometæ secutorum exempla, sic concludit:

*Horum index, non causa fuit; nec nescius index*

*Fallere: namque interitus regumque ducumque Cometen*

*Non semper, sed sæpe, Deo mandante sequuntur.*

*Sæpe ideo ut visus sit raro IMPUNE COMETES.*

Julius Caesar Scaliger absque distinctione aut limitatione loqui videtur: sed si dissertationem seu mavis declamationem ejus propius consideres, tota nititur falsâ hypothese; quasi sapientes (in quibus ineptos & stolidos Astrologos atque Almanachicos scriptores non numero) statuerent, nullos clarissimos viros fato functos, nullos principatus everfos sine prævio Cometæ indicio, aut nullam apparere Cometam, quam perniciēs mortalium non sequatur. Meram ergo schiomachiam exercet. Quod si argumenta contra singulares, ex Cometarum quantitate, figurâ, colore, duratione, situ, motu divinationes instruxisset: utique libenter sub signis ejus militarem. Et mirum est eum contra Cardanum insignem philosophum & mathematicum, sed teratospocicæ divinationi & genethliacæ astrologiæ nimis deditum, aciem non instruxisse. Hac parte non cæcis logis & dictis, sed rationibus adversarium suum non leviter ferire potuisset. Vanas illas divinationes alibi tractarat Cardanus lib. 1. de varietate rerum cap. 1. & lib. 14.

C

cap.



cap. 48. & seqq. non vero non lib. 4. de subtilitate (haut ita longè à principio), in quem textum Scaliger incurrit. Ubi Cardani dicta tanquam probabilia (aliter enim non proponit) excusari possunt. *Qua omnia, inquit, ab immodicâ tenuitate ac siccitate aëris sunt; ut Cometes horum quidem possit* (nota) *esse signum, non causa.* Nec prætereundum, Scaligerum, virum aliqui magnum, ut contradicat Cardano, aut eum exerceat, aut per celebrem hunc adversarium à se toties arietatum & in tam multis reprehensum inclarescat; non raro criticis & grammaticis tricis, aut frustra quæsitis inutilibus subtilitatibus, aut multæ lectionis & experientiæ ostentationibus, aut logomachiis, aut cavillis, exercitationes suas multiplicasse. Lector, qui modo *Apologiam* Cardani lustrare dignabitur, ad oculum deprehendet, quod dico.

Grynæus uter ex duobus eruditione & librorum editione celebribus designetur, & quo tractatu, quæve ratione hanc causam egerit, plane ignoro. Floruit in Academiâ Basileensi *Johannes Jacobus Gryneus* theologiæ professor; floruit ibidem hujus patruus *Simon Gryneus* philosophiæ & philologiæ professor: sed in catalogus librorum ab ipsis editorum apud *Melchiorum Adamum in vitis theologor. & philosophor. Germaniæ*, & *Gesnerum in Bibliothecâ* nulla hujus scripi fit mentio. Viri illi in omnibus disciplinis, imprimis etiam in historiis tam probè versati fuerunt, eoquæ religionis & pietatis studio præcellerunt, ut verisimile mihi non fiat, eos aliud quid, quam specialium sive ex astris sive ex Cometis, divinationum vanitates & superstitiones oppugnasse: quas nos quam maximè improbamus.

*Christophorus de Gamon*, in poemate Gallico, cui tit. *Hebdomas creationis mundi, opposita hebdomadi Bartasii*, die secundo pag. 51. pluribus hanc causam agit quidem: sed ipso titulo innuit, in hoc alitque quamplurimis voluisse contradicere Bartasio. Rationem ipse & poëtæ operis istius encomiastæ assignant, ut sacram hanc poësin repurgaret ab Ethnicorum poëtarum figmentis & phrasibus, quibus deformata erat. In quo illum utilem operam præstitisse non nego; sed an medicina modum excesserit, aliis judicandum relinquo. Saltem in hac quæstione de significationibus & comminationibus Cometarum, pag. 51. lemmate marginali non rectè Bartasii mentem proponit: *Quod stultitia sit putare, omnia illa mala provenisse à Cometa.* Hæc Bartasii verba dici 2. v. 611.

*Mais quand l'exhalaison  
Des engourdis hyvers surmonte la maison,  
De mesme elle s'enflamme & fait un nouvel astre,  
Denonce tristement quelque prochain desastre.*

Quorum versuum sensum eximiâ suâ paraphrasi anno 1600. Edimburgi excusâ.



cusâ ita exhibet Hadrianus Damman à Bylstervelt foederati Belgii ad Sere-  
niss. Jacobum VI. tunc Scotiæ Regem legatus: *mon es audientis ob nil*

*Sin gelidas hiemes, & non liquentia mundi* *causâ mundi*

*Frigora trajiciat rutili vis crassa veruri,* *epistola ad amicum*

*Heic demum ardentis crispantia fidei ora* *autoris & sup. auditus*

*Induit, & dirum perhibet mortalibus omen.* *autoris & sup. auditus*

Hoc totum est, quod de comminationibus Cometarum dixit *Bartasius*: in quo illum sententiam plerorumque philosophorum & theologorum secutum esse, rectè notatum à commentatore ejus *Simone Goulartio* vastæ lectionis theologo & historico. Adeo ut argumentis *Christoph. de Gamon* minime eum tangi judicandum sit.

*Thomas Erasmus*, an aliis argumentis causam egerit, quam quibus *Subatmionis* defensionem astrologiæ judicariæ, contra tres libros *Savonarolæ* ex Italico in latinum idioma à se translatos, confecit; dicere nequeo: quod dissertationem ipsius de Cometis, sive seorsim sive alio cum ipsius opere aut opusculo editam non viderim. Interim vix credere ausim virum illum aliud quid, quam sordes superstitionum & vanitatum expurgare voluisse: prout scriptis suis veræ sapientiæ, religionis, & pietatis studium eum declarasse, & ut talem à magnis ac præstantibus viris habitum fuisse, novimus. In *Arrianismi* suspensionem aliquando eum tractum fuisse ferunt: contra quod tamen ipse vehementissimè protestatur in *epistolâ ad amicum*, quæ est 70. inter epistolas philologicas à *Goldasto* editas. Ante annos complures vidi à medico Anglo-Londinenfi *Johanne Dee* (si bene memini) in monade hieroglyphicâ pro philosophiâ ac medicinâ *Hermetico-Paracelsicâ* contra eundem eruditissimum *Paracelsi* antagonistam retorqueri, quod is heterodoxiâ & contentione suâ de Excommunicatione religionem & ecclesiam turbasset. Sed de causâ hâc à se actâ *Erasmus* in *epistolâ* modo cit. summo opere gloriatur ac triumphat. Constat etiam ex libro ejus posthumo de hâc quæstione a 1589. *Plescaui* (cujus loci nomen per fictionem adscriptum fuit) edito, quanto animo, non sine approbatione aliquot popularium ipsius, theologorum *Helveticorum*, in arenam hanc descenderit. Quamvis autem hâc in parte eum errasse non dubito, & *Beza* rescriptione suâ hoc satis superque eviderit, fatendum tamen virum eruditum & cætera orthodoxæ religioni addictum fuisse.

*Petrus Gassendus* celebris philosophus in *epistolis astronomicis*, & in suo *Epicuro* pro eadem sententiâ disputare videtur. De argumentis ejus pronuntiare liceat, ea in superstitiones & vacuas divinationes ferri, & jam ab aliis ante ipsum intorta fuisse. De intentione ejus haut ita facile judicaverim. Quia tamen *Epicuri* philosophiam, sive serio sive exercitii causâ attollere



conatus est; conjiceret forte quis, an non propius ad Epicuream hypothesin de sublunaribus & nominatim Cometis extra specialis providentię divinę ambitum calu suo nascentibus denascentibus, euntibus redeuntibus, accedere voluerit. Quidquid sit de intentione autoris, de quā *ἐν τῷ*; infra ad ipsius, quę & aliorum, argumenta breviter respondebo.

*Marcellus Squarcialupus* medicus, qui inter peregrinantes Italos & voluntarios ob religionem exules numeratur, quid scripserit ignoro; nec hactenus citatum hoc ejus scriptum de Cometis, videre potui. Si cum autoribus citatis absque ullā distinctione omnem observationem, comminationem, denuntiationem Cometarum oppugnat, & omnem timorem excutere studet, jam de Epicureismi, & Saduceismi aliquo afflatu cogitandum esset: quod de omnibus aliis eandem sententiam amplexis, non tam facile cogitari debet. Sic notus *Squarcialupus*, ex epistolā ad Socinum, quę inter epistolas sub nomine Socini editas omnium prima est. Accedit quod fratres & socii isti Itali religionis Christianę fastidio, & interpolato Epicureismo turgidi, ex durā imminenti & circumstantis istic inquisitionis & hierarchię necessitate, in libero Protestantium reformatorum aere respirationem captarunt: prętensā verę religionis professione & petitā in ecclesias nostras admittance: ne forte ex regione alicubi excluderentur. Et tales erant *Laelius Socinus*, *Faustus Socinus*, *Valentinus Gentilis*, *Math. Gribaldus*, *Alciatus Mediolanensis*, *Bernardinus Occhinus* (ex scriptoribus contra Socinianos satis noti): *Ludovicus Fierus Bononiensis*, *Henricus Tridentinus*, *Jacobus Vernetus*, *Franciscus Vacca Bagnacavellensis* (apud *Scipionem Lentulum* in *pręfat. ad Responf. orthodoxam pro edicto DD. Rhatię*): *Joh. Baptista Bovius Bononiensis*, *Philippus Buccellus*, *Franciscus Bettus Romanus*, *Franciscus Puccius* (apud *Socinum* in *epistolis*); *Georgius Blandrata medicus* (apud *Socin.* in *epist.* & in *histor. ecclesiar. Slavonicarum* pag. 84. 85. 146.): *Franciscus Lismaninus* (Ibid. p. 84.) His addere liceat duos Hispanos, *Servetum* ex historiā ecclesiasticā & scriptis elencticis satis notum; & *Petrum Romanum*; uti se nominabat (apud *Scipionem Lentulum* loc. cit.) Atque hi quidem religionis causā Italiam & Hispaniam putabantur deseruisse: cum blasphemię, *ἑρμηνείας*, & interpolati Epicureismi mystas fuisse, sequentia ipsorum facta probaverint. Ex nobis egressi sunt; sed non erant ex nobis. 1 Joh. 2. v. 19. Vide ipsorum gesta lib. 1. *histor. ecclesiar. Slavonicar. cap. 13. & lib. 8. Bibliotheca Possevini cap. 12. & seqq.* & in *Joh. Lari. compend. histor. period. German. cap. 32. 34. 35. 37.* in *Beza epistol. epist. 1. 16. 19. 81.* Imprimis in *Joh. Hoornbeeck apparatu ad rom. 1. Anti Socinianum.* In *histor. ecclesiar. Slavonicarum*; & in scriptis quibusdam elencticis. Memoratur etiam *Franciscus Stancarus Mantuanus*, aliquamdiu theologię in Acad. Regio Montanā professor; & in scriptis elencticis *Re-*

mon-



monstrantibus Jac. Acontius Tridentinus, cujus liber de *Stratagematis Satanae* Remonstrantibus tantopere celebratur. Qui utrique eminens, & non passibus equis, novi Arrianismi promachos secuti videntur. De illo videnda *histor. eccles. Slavonicar.* : De isto aliquid monui in *disp. de Trinitate*. De Antonio Corrano Hispano legenda est Bezae epistola, eidem inscripta.

Andreas Dudithius, generis nobilitate, ingenii elegantia, saeculari eruditione, dignitate & autoritate Romano-ecclesiastica (quippe Episcopus Quinqueecclesiensis, & nomine cleri Ungarici ad concilium Tridentinum missus,) dignitate politica, cum Imperatori esset à consiliis, oppugnatione Papatus & accessu ad nostram religionem, denique multorum eruditorum aliorumque magnorum virorum amicitia celeberrimus; post *Marcellum Squarcialupum* (quem ipse doctum & acutum philosophum ac medicum praedicat) & post *Scaligerum* contra omnes quaecunque praesagium Cometarum admittentes animose inscripsit, in epistola ad *Cratonem medicum Casareum*. Sed in tota illa dissertatione non minus, quam alii paradoxi, mihi aërem ferire videtur, quod quaestionis controversae statum prius non explicaverit. Negat Cometæ causas efficientes malorum. Negat Cometæ lumine suo, aut aliis affectionibus, singularia eventa certo praenuntiare. Quæ omnia cum argumentis & amplificationibus suis ad colores Rhetorum, aut potius ad fallacias ἀγνοίας ἐλέγχου & ὑποζήτησις releganda sunt. Negat per experientiam constare, Cometæ esse nuntios malorum: tota, inquit, ab adversaria parte fiat; proque ea multo plura, & veriora, ne dicam omnia, testimonia dicit. De qua assertionem paradoxam contra historiarum & testium nubem, infra videbitur. Nunc solum praecognoscendum, eruditissimum hunc virum in paradoxi hujus defensione aliquo Scepticismi & Epicureismi afflatu, non minus quam peregrinantes & exulantes Italos modo recensitos, actum fuisse. Post multas enim, variasque fluctuationes, circuitiones, in atheismos pectore conditos erupit & aperte in ἑομαιχδύλαν castra concessit. Cum aliqua suspiciones solummodo ad *Thomæ Erasti* aures perlatae essent, omne consilium de familiaritate aliqua per literas cum *Dudithio* inchoanda ilico, & quidem prudenter depoluit. Audi ipsum in epistola ad N. quæ in centuriâ Goldasti est 70.

„ Intelligo etiam ex tuis, hospitium tibi dedisse generosum & illustrem,  
 „ virum D. Andream Dudithium, cujus ego virtutem & doctrinam ante  
 „ multos annos mirifice audivi praedicari. Invitatus saepius fui à Polonis, &  
 „ imprimis à domino N. Lasizio, ut ad eum literas darem: nec ego alienus  
 „ ab eâ re fui. Merui tamen, cum occasio nulla scribendi, &c. Itaque me  
 „ continui, nec multo post audivi eum in suspicionem aliquam venisse, qua-  
 „ si Arii dogmati faveret. Paulo post: appellat scelus tam nefarium, quod



Dudithio intentabatur. Et protestatur, à nullo errore & peccato in omni virâ se alieniorem fuisse. Postea concludit: Attamen cum de re ipsâ nil mihi constiterit, & ne nunc quidem constet aliquid, optima sperare volui (& jam etiam spero), nihil tamen faciendum mihi censi, ne adversariis meis iniquissimis occasionem praberem suam improbitatem excusandi.

Quid dixisset Erasmus, si eum non tantum alicujus erga Arit dogma inclinationis suspectum audivisset, sed & palam in *ἱεροπόλιν* castra vidisset transisse; & Lucianum, Celsum, Julianum Imperatorem, Porphyrium, aliosque fidei Christianæ hostes, omnes tamen viros literatissimos, pone secutum fuisse; blasphemias insuper in servatorem nostrum eructandis plurimos impietatis illius socios Socinianos superasse. Arrianismum (teste Beza epist. 16.) nemo unquam in ecclesiâ aliud esse sensit, quam atheismum. At quanto magis de abominando Socinismo hoc dicendum esset. Cujus dogmata, non obstante moderatione & tolerantia Remonstrantibus Belgicis quasi quarto modo propria, (uti præ se ferunt); à Grotio multa eruditione longè celebriori, Dudithio, Sarmatica portenta appellari audias: in Pietate Ordinum.

Ego novum Saduceismum & Epicureismum ex Italia per viros supra indicatos superiori sæculo allatum, sed Christianæ theologiæ terminis & panis quibusdam tectum, appellare malim. De Dudithii dubitationibus antequam Socinismum apertè profiteretur videri poterit Cl. Joh. Hoornbeeck in apparatu ad Socinianismum confutatum pag. 61. Et Beza epist. 1. Idem in adjectis ad epistolam dedicatorem poematum editioni anno 1569. præfixam: anno 1576. sic loquitur. „Et hæc quidem olim ego de te, apud te, vir amplissime. A quo tempore plurima, ut tu nosti, inciderunt, quæ multis „nostrarum partium amicis tuis displicuisse non ignoras. Imprimis autem „tua illa tam diuturna de veræ ecclesiæ notis dubitatio non paucos offendit. Efficere tamen ista non potuerunt, quo minus cum hæc nostra recuderentur, &c.

De horrendis ipsius in Deum blasphemias, & plus quam Arrianis atheismis, fidem facit Epistola ejusdem ad Lasizitium equitem Polonum a. 1590. typis edita, cujus exemplar olim habui: quam æternis tenebris sepultam, quam recusam malletm. Geyerhartus Elmenhorstius in utrâque literatura, & antiquitatibus tum profanis tum ecclesiasticis versatissimus, inter ceteros Trinitatis hostes conjuratos hunc unum Dudithium sibi delegit, ex quo specimina impietatum & blasphemiarum exhiberet: hoc addito elogio: Quod ab orbe condito ex Orci faucibus nullum (illo scripto Dudithii ad Lasizitium) prodierit pestilentius: In epist. dedicatoriâ ad Georgium Hampelium superintendentem Lubecensem edit. gr. Latinæ opusculorum Procli Archiepiscopi Con-



Constantinopolitanis anno 1617. præmissa. Et hoc quidem eruditiss. hujus viri judicium: ad quod noto *Servetum* & *Valentinum Gentilem* non minores blasphemias in Deum nostrum evomuisse, ac *Dudithium*: siquidem *Calvini* excerptis in libro contra *Servetum*, & *Aretii* excerptis in historiâ *Valentini Gentilis* cap. 8. fides habenda sit. Hæc de *Dudithio* hic monenda duxi, ne improvidi & rerum novarum avidi splendore & famâ viri, quâ ante deplorandam apostasiam apud literatos passim & theologos reformatos pollebat, percussi, ab operum Dei admiratione & piâ contemplatione abducerentur.

## CAP. III.

*Præmissis præcognitis, & rectè constituto controversiæ statu; ostenditur, hætenus omnium populorum & sapientum consensu, absque stultitiâ & superstitione, præsagium aliquod in apparitione Cometarum quesitum fuisse.*

**M**ittimus ergo antiquorum Epicureorum, cujuscunque divinationis & quorumcunque ostentorum, contemptum ac derisionem: qui hac unâ causa (juxta *Valesium* sacræ philosoph. cap. 30.) laudandi videbantur, quod scirent, quid placitis suis esset consequens. Nam illi nullam vim naturalem divinandi esse censentes, cum & nullos Deos, qui rebus humanis prospicerent, esse putarent, sed, ut rectè *Cicero* intelligit (in lib. de divinatione) per derisum dicerent, eos esse imagines quasdam per aërem vagantes, non poterant ullam divinationem recipere. Mittimus etiam hodiernos atheos, dictos spiritus fortes seu *Deistas*, genuinos Neo-Epicureos ac Saduceos, cum proximis cognatis Socinianis; quos imitatione phrasios *Tertulliani* de Resurrect. c. 2. Epicuræ sententiæ partiarios dicere possemus. Adversus unum atque alterum supra cit. *Scaligerum* scil., *Christoph. de Garmon*, &c., minime tamen Epicureos aut Socinianos, disquisitionem ordimur, de Prognosticis Cometarum.

Ubi primum præsupposita aut postulata nobis sunt, I. de Cometarum naturâ & affectionibus nondum satis intellectis, cum *Vossio* lib. 3. de Idololat. cap. 9. aliisque II. de distinctione Cometarum cœlestium ab elementari- bus: siquidem tales sint, ex compactis exhalationibus conflati, & in suprêmâ aëris regione ad tempus subsistentes, per incendium paulatim consumti. III. de incertis & pugnantis inter se astrologorum, de loco & situ Cometarum observationibus: quibus propterea pro physicis litem movit celebris philosophus *Keckermannus* in *dispp. physicis*. IV. de variis publicarum & magnarum calamitatum generibus: sterilitate scil., fame, peste, aliisque morbis epidemicis; terræ motibus, tempestatibus, incendiis; aquarum, fe-  
rarum.



rarum, insectorum, inundationibus, bellis, cladibus, vastationibus, seditio-  
nibus, Rerum publicarum everfionibus, aut saltem concussionibus, regum  
& principum mutationibus; Ecclesiarum per hæreses, scismata, persecu-  
tiones everfionibus aut dissipationibus; dæmonum terculamentis, spe-  
ctris, energematis, maleficiis. Duo ergo solummodo nobis inquirenda, an  
scil. aliquibus Cometarum observationibus & prognosticis, & ex illis orto  
timori apud pios & vere fideles locus esse debeat: an vero omnia forti-  
ter explosa, & explodenda sint. Jesuita *Serrarius in commentar. ad 2.  
Machab. cap. 5. pag. 391.* accusat Calvinistas, quod prodigia seu visa in aëre,  
inter quæ Cometas numerat, vellicent. *Cum tamen*, inquit, *plurima ejus-*  
*modi contigerint*: & citat Plinium, Senecam, Obsequentem, Niphum, Gem-  
mam, Lycosthenem. Sed quo documento accusationem suam fulcit? Nul-  
lum istuc invenio, nisi quod lectorem ablegat ad commentar. suum in cap. 3.  
pag. 380. ubi ait, *præfationem Calvinistarum Gallicam in hunc lib. 2. historiam*  
*istam* (de viso equi in Heliodorum insilientis, & duorum juvenum eundem  
*flagellantium*) *quasi dubiam & incertam vellicare*. Quid hoc ad *negle* Co-  
metarum aut armatorum in aëre apparentium & similium. Si quis scripto-  
rem *lib. 2. Machabæorum* suspectæ fidei historicum, *cap. 3.* quid referentem  
sine scrupulo non reciperet; is ilico dicendus non est, eidem fidem negare  
in relatione alterius prodigii *cap. 5.* Cum Pontificii passim, & nominatim  
*Baronius*, in annalibus, tam multa ab historicis relata aut absolute rejicit  
ut falsa, aut vellicat ut dubia & incerta: quis dicet eum omnia alia pariter  
rejicere aut vellicare? Quod ad præfationem Gallicam, eam in editione bi-  
bliorum, quæ mihi nunc ad manum est, huic libro præfixam non invenio.  
Nec in generali præfatiunculâ ad libros apocryphos, tale quid comparet.  
Quidquid sit, scriptores nostri elenctici contra canonicam apocryphorum  
autoritatem disputantes, quos nunc inspecio (*Wittakeyus, Rivetus in Isagogâ,  
Mestrelatus in tract. de scripturâ contra Regourdum lib. 2. cap. 10.* Inter-  
pretes Belgici in præfat.) quamvis aliqua aliqua absurdorum aut falsorum,  
in libro illo specimina notant, hoc tamen, quod asserit Jesuita, non at-  
tingunt. Quod Calvinistæ (quos ita vocat) Cometarum aliorumque vi-  
sorum & ostentorum observationem cum Epicureis non contemnant; sed  
pium & sapiens dictum Imperatoris Caroli M. à *Serrario* ibidem laudatum,  
non minus, quam ipse & socii, libenter amplectantur, mox cap. proxime  
adductis testimoniis evincemus. His ergo remotis, sit gemina hæc assertio  
nostra.

I. Cometas absque vanitate, stultitiâ, superstitione posse à piis mentibus  
considerari tanquam insolita quædam Dei opera & visa in naturâ, graves  
quædam calamitates hominibus prænutiantia aut comminantia.

II. Ex



II. Ex apparitione & visu eorum, posse & debere nos pie ad timorem Dei & iudiciorum ipsius excitari.

Priorem assertionem istis aphorismis explico

1. Cometæ sunt miracula naturæ, insolita Dei autoris naturæ opera, visus cœlestes (uti Cicero 2. de naturâ Deorum appellat) : & consequenter peculiari cum admiratione, attentione, & observatione à nobis contemplandi.

2. Præciant aut minantur plerumque aliqua epidemica, aut endemia mala, ex illis quæ supra enumeravimus, serius aut citius eventura alicubi locorum, ubi apparuerunt.

3. Hęc ergo indefinite & in genere præfagire licet : modo abstinetur primo à certis speciebus aut certâ specie calamitatum : secundo à certis personis, locis, ordinibus hominum, regionibus, civitatibus, familiis, ecclesiis; quibus illæ essent eventuræ : tertio à certis & definitis temporibus sive ortus, sive durationis, sive mutationis, sive finis, istarum calamitatum, designandis.

4. Licitum est talium phasmatum ortum & disparitionem, locum, situm, aspectum aut respectum ad sydus aliquod cœleste aut ad planetam, quantitatem, colorem (sive verum sive apparentem), lucem (sive propriam sive mutuatiâ), motum, stationem, durationem, formam & figuram tum totius tum partium, (ut caudæ, barbæ, &c.) investigare & observare.

5. Sed nemini, ne quidem astronomorum filiis, quorum hic ager, licitum est prognostica particularia & definita, de tali specie calamitatum eventurâ; aut de hoc illove singulari homine, hominum ordine, locis, politis, familiis, ecclesiis affligendis; aut de definitis temporibus, ex aliquâ Cometæ apparentis affectione, sive verâ sive imaginariâ determinare. Talem pseudo-divinationem iisdem argumentis, quibus astrologicæ & aliæ Gentilium divinationum vanitates, jamdudum & toties ita profligatam esse, intelligendum est : ut otio suo abuti, & actum agere judicaretur, si quis hâc tempestate cramben recoctam, recoquere occiperet.

6. Qui, ex hypothesi definitionis Cometarum Aristotelicæ, solis causis & signis naturalibus insistentes, siccitates, sterilitates, epidemicos ex aëris infectione morbos; ventos & tempestates, & similia in sublunariis probabiliter prædicunt : non magis culpandi sunt, quam illi qui cum Arato in *diogenis*, Hesiodo in operibus & diebus, Virgilio in *Georgicis*, Misaldo in *ephemeridibus* aëriis, & cum veteranis nautis atque agricolis, futura ejusmodi ex perpetuâ experientiâ præfagiunt. Nos tamen hic *inixorip*, & ista expertis libenter relinquimus.

7. Rejicimus Gentilium opiniones, de Cometis diis, aut animabus

D

he-



heroum : uti de Cometa Julii Cæsaris , Romæ jactabatur ; teste Suëtonio in Julio cap. ult.

8. Rejicimus Paracelsi paradoxa , quibus statuit , Cometas non habere naturalem originem , sed esse apparitionem à spiritibus & quidem supremis factam ad notabiles mutationes significandas , & quidem diurnas , cum pluribus raris symptomatis. Sic ille *lib. 6. de meteoris cap. 22.* Ubi specialem aliorum portentorum interpretationem molitur. Cum tamen antea *lib. 2. cap. 28.* dixisset Cometas in supremis ex infimis fati nasci ad prophetiam super mundo novi clamoris & eventus. Evolvat ista , qui potest. Interim negare nolumus , quin mali spiritus se Cometis , non minus quam aliis meteoris , fulmini , igni fatuo , draconi volanti , &c. possent miscere.

9. De assentiâ & operatione bonorum angelorum in medio relinquamus : nec tamen polyistoris Vossii probabilem admodum conjecturam *lib. 3. de Idololatriâ cap. 73.* peremptorie improbare intendimus. *Rationem motus*, inquit, Cometarum communis cum sideribus , ab ortu in occasum ; & proprii , quo feruntur in ortum item austrum , & quod frequentius in septentrionem , quia ignoramus (nam valde infirmæ sunt causæ , quas adferunt viri eruditi) ; confugiamus (ane , dum certiora se offerant ad anchoram extremam , ut angelico eum ductu fieri credamus. Fuere inter antiquos , qui stellam Magorum , quam Cometam aut Cometis similem dicunt , angelum fuisse opinati sunt. Cæsarius *dial. 2.* Chrysostomus & ex eo Theophylactus in *Math. 2.* Sed de hoc alibi disquirendum.

Quærat nunc quis an & quomodo assertio proposita & explicata demonstrari possit : Respondeo 1. Ex experienciâ stultorum magistra 2. Ex generali affectione omnium miraculorum naturæ ; quæ portenta seu ostenta appellantur : quod est argumentum à genere ad speciem. Quidquid enim inest generi , inest omni speciei sub illo genere contentæ. 3. Ex specialem quorundam miraculorum naturæ , seu portentorum , sive supra in aëre , sive infra in terrâ aut aquis , affectione. Quod argumentum est ab analogiâ. 4. Ex admirandorum quorumvis operum naturæ affectione. Quod est argumentum à minori ad majus & ab analogiâ.

I. *Argum.* Ab experienciâ certum est & evidens : quia experientia certam dat cognitionem *res in quod res sit* : quamvis cognitio *res dñi* nos lateat. Multa enim sunt arcana naturæ quorum causæ proximæ ac specificæ à nobis ignorantur ; saltem certè & evidenter ita explicari nequeunt ; ut quis sibi ipsi & aliis sapientibus satisfaciat. Quales antipathia & sympathia quamplurimæ , fluxus & refluxus maris , formatio hominis , & tempus animationis foetus humani : de quo postremo vide *Ecclesiast. 11. v. 4.*

*Psal.*



*Psal.* 139. v. 14. 15. 16. *Jobi* 10. v. 9. 10. 11. Et *cap.* 26. v. 14. ubi admirandis quibusdam Dei operibus in naturâ propositis, subjicitur: *Ecce hæc partes sunt viarum ejus, & quam pusillum est, quod audivimus de eo.* Augustinus lib. 1. de civit. Dei capp. 4. 5. 6. 7. 8. varia recenset admiranda, quorum rationem reddere non possumus. Cap. 5. lemma est: *Quanta sint, quæ non recte queant agnosci, & tamen eadem esse non sit ambiguum.* Sed ipla capita legantur, cum commentar. *Lud. Vivis.* Cognitione ergo istorum primum inchoatur à sensibus; ex multis illis sensationibus oritur observatio; ex observationibus (quas philosophus 2. *posteri analytic.* vocat *ιστηλας*) oritur experientia; ex experientiis formatur inductio; & hinc demonstratio *τῶ ὄντι*; denique ex demonstratione definitio. Experientiæ scriptura testimonium perhibet, quamvis aliâ in materia. Quod afflictio tolerantiam efficiat: tolerantia vero experientiam, experientia autem spem *Rom.* 5. v. 3. 4. De hac eadem commentantur philosophi ad *Aristotelis lib. 2. poster. analyt. cap. ult.* Et ad *Metaphys. 1. cap. 1.* Quia ergo experientiâ edocti sumus nullum ferè apparuisse Cometam, quem gravia Dei judicia infecura non sint: hinc est quod prognosticum aliquod, aut comminationem in ejus apparitione consideramus. Quod autem Cometæ talia secuta fuerint, ex historiis disci debet: aut si compendio quis uti velit, ex *Meilichio in commentar. ad Plinii lib. 2. & Corn. Gemmæ* divinis naturæ characteris lib. 2. qui aliquot illustria specimina adducit; imprimis ex *Lavateri* catalogo Cometarum, aut *Garcei* meteorologiâ, aut *Lycosthene* de prodigiis, aut *Petro Twisk* qui nostro idiomate catalogum edidit, aut *Alstedii* chronologiâ. Quæ contra hanc *ἀπορροήν* excipi solent, infra diluemus.

II. *Argum.* Desumitur ab affectione admirandorum portentorum & signorum; à genere ad speciem: quidquid enim prædicatur de genere, idem de quâlibet ejus specie prædicari necesse est. De admirandis autem & portentis infra aut supra scriptura, & communis experientia testatur, quod sint signa antecedentia futurorum malorum. *Luc. XXI. v. 7. 12.* Interrogaverant autem eum dicentes, *Magister, quando hæc erunt: & quod erit signum, quando futura sint ista.* Ipse vero dixit, *videte ne seducamini, &c. & magni terramotus erunt singulis locis, & fames ac pestilentia, & terriculamenta, & signa è cælo magna erunt.* Prædicat hic signa & prodigia præcessura everfionem Hierosolymæ & gentis Judaicæ. Impletio hujus prophetiæ, describitur à Flavio Josepho lib. 7. de bello Judaico cap. 12. *Miserabilis, inquit, populus, &c. certis vero prodigiis, & futuram solitudinem prænuntiantibus, neque attendebant animo, neque credebant: sed velut attoniti, nec aut oculos habentes, aut animas, edicta Dei dissimulavere: modo cum supra civitatem sidus stetit simile gladio, & supra annum perseveravit Cometes, &c. Vide reliqua,*



prodigia ibid. memorata. Eadem ex Iosepho à se laudato, de Cometa & reliquis prodigiis exhibet *Eusebius lib. 3. histor. eccles. cap. 8.* Esse autem verba Christi de prodigiis excidium Hierosolymæ & gentis Judaicæ sive solum, sive pariter finem mundi præcessuris, intelligenda, constat ex textu, & notârunt interpretes ad *Math. 24.* aut *Luc. 21.* aut *Marc. 13.* antiqui ac recentiores: inter quos *Chrysostomus*, & ex eo *Theophylactus*, *Hieronymus*, *Beda* (apud *Thomam in catenâ*), *Calvinus*, *Beza*, *Brentius*, *Bullingerus*, *Daneus*, *Cytheræus*, *Tossanus*, *Strigelius*, *Grotius*, *Pelargus*, *Hosmisterus*, *Hareus*, *Maldonatus*, *Alapide*, *Mariana*. Videri etiam poterunt *Augustinus epist. 80.* *Irenæus lib. 5. cap. 25.* *Origenes in Math. 24.*

Possem etiam huc adducere *Actor. 2. v. 19.* (coll. cum *Joël. 3.*) ubi signa & portenta supra & infra, ex antiquis *Chrysostom.* & *Primasius* ex recentioribus aliqui eodem fere modo accipiunt, uti *Luc. 21.* *Math. 24.* Sed cum textus ex *Lucâ* modo citatus, perspicue hoc quod volumus, evincat, hâc vice mittimus. Historici tum Gentiles tum Christiani portentorum exempla, & secutas calamitates referunt. Præ aliis frequens in eo est *Dion Cassius*; qui sententiam hanc *lib. 47. pag. 350.* de prodigiis adscribit: *ὡς ἂν καὶ οἱ ἀπὸ τοῦ οὐρανοῦ φέρονται (desiderior scil.) ὡς οὐρανοῦ, quemadmodum res maxime omnium admirandas dii prædicere sepe solent.* Eandem hanc *Dionis* sententiam adducit *Priceus* in notis ad *Luc. 21. v. 11.* ad illa verba: *Et signa de cælo magna.* Ex Christianis inter veteres *Orosius lib. 4. historiarum adversus Paganos cap. 4. & 13. lib. 5. cap. 18.* refert horrendis, divinis, obsecanis prodigiis Romanos territos fuisse. Cujus diligentiam & pietatem in prodigiis (præsertim circa nativitatem Christi) scripto consignandis à viris quibusdam doctis sugillatam, quasi nimie levitatis fuisset in talibus credendis, *Richardus Montacutus* serio defendendam sibi sumisit, in apparatu ad origines ecclesiasticas *appar. 3. §. 43. & seqq.* qui legi poterit. Sed *Orosius* inter historicos solus non est, qui talia notavit. Plures alios reperias historicos & chronologos tum veteres tum novos, qui ea non præterierint. Præter *Fl. Iosephum* supra cit., *Diodorus Siculus lib. 17. bibliotheca §. 10. & 41.* narrat, quæ prodigia *Thebanis* & *Tyriis* obvenerint: *Polybius lib. 3.* fere sub finem ostentis & prodigiis templa & domos *Romæ* refertas fuisse, ante pugnam *Cannensem*. *Herodorus lib. 7.* *Xerxi* oblata prodigia. Sed plura prodigia, & plures historicos indicare vix operæ pretium, cum autores supra citati, præsertim *Lycofthenes* de prodigiis, hoc abunde præstiterint; & aliqui infra *cap. 5.* ad dicendum testimonium advocandi sint. Nec putandum, solos historicos in raris & admirandis quibusdam apparitionibus ostenta & prodigia invenisse; etiam theologi & philosophi antecedentia signa cum subsecutis eventis post factum non tantum componere, sed & quidam ante egressum statuti

(Zephan.



(Zephan. 2. v. 1. 2.) irati Dei signa, & minantem manum in prodigiis illis videre atque aliis commonstrare ausi sunt. Vide *Peucero in lib. de divinatione*, *Cornelium Gemmam*, *Boisteum*, aliosque. Unum tantum hic indicabo ex *Peucero lib. 4. chronici Carionis*: ubi motus Henrici 4. & 5. præcessisse dicit prodigia plurima, Cometas, armatas acies in cœlo, faces ardentes, jacula ignita, monstrosos partus, infantes in utero loquentes, panes fractos sanguinem fluentes. *Tertullianus ad Scapulam cap. 3.* Et ignes qui super moenia Carthaginis proximè pependerunt per noctem, quid minati sint, sciunt qui viderunt, & pristina tonitrua quid sonaverint, sciunt qui obduruerunt. Omnia hæc signa sunt imminentis iræ Dei, quam necesse est quoquo modo possumus, ut & annuntiemus, & prædicemus, & deprecemur, interim localem esse. Universalem enim & supremam suo tempore sentirent, qui exempla ejus aliter interpretantur. Nam & sol ille in conventu Uticensi, extincto pene lumine, adeo portentum fuit, ut non potuerit ex ordinario deliquio hoc pati, positus in suo hypsomate & domicilio. Habetis astrologos.

*Augustinus lib. 3. de civit. Dei cap. 23.* enarrat prodigium in animalium humanis usibus subditorum subito efferatorum, liberè vagantium & dominorum accessum averfantium, &c. Quod quanti mali signum fuit? Quod si hoc signum fuit, quod tantum malum fuit, quantum malum fuit illud, cuius hoc signum fuit? Et cap. 31. Omitto quippe illa, quæ magis fuerunt mira quam noxia, boves locutos, infantes nondum natos de uteris matrum quadam verba clavasse, volasse serpentes, &c. & cetera hujusmodi, quæ in ipsorum libris non fabulosis, sed historicis, seu vera seu falsa sint, non inferunt hominibus perniciem, sed stuporem.

*Melanthon (apud Manlium in locis commun. tit. de creatione, §. de signis, portentis, ac prodigiis)* multa refert prodigia quæ suo tempore acciderunt: & particularia quædam malam postquam scil. evenissent, applicat ad sua quæque antecedentia signa. Quod quamvis non semper sit apodicticum, probabilius & tutius tamen est, quam prognoses factæ ante eventum & rei impletionem.

*Morneus Plessiacus in Mysterio inquit.* ad annum 1090. refert ex *Sigeberti chronico*, prodigia observata, Urbano Papâ Conradum in patrem Henricum concitante; Quod cælum frequenter visum ardere, nova astra visa, concurrentes in aëre exercitus, &c.

*Idem in Paschali 2.* Perseverabant in aëre, in terrâ, in mari prodigia, ab omnibus hujus ætatis scriptoribus notata: nec movebatur his, inquit *Platina*, Paschalis: quippe qui fieri hæc naturâ credebat. Quin & ab aliis observari minus patienter ferebat. Idem *Plessiacus in Leone X.* Notant scriptores coætanei nonnulla signa, quæ propinquum ejus casum portenderent. Angelum, qui



in summo arcis S. Angeli fastigio, sub Alexandro VI., fulmine proturbatum, &c.

Jacobus Usserius in Dublinensi Academia anno 1613. theol. professor, postea Archiepiscopus Armachanus in erudito tract. de ecclesiarum successione & statu cap. 3. §. 3. *Ista, sane, inquit, universa ab autore hoc commemorata, ostenta coelestia, pestem, famem, terremotus circa annum tam à nativitate quam à passione domini millesimum contigisse testantur historici.* Et citat ibidem Sigonium lib. 7. de regno Italiae, dicentem, annum 1000, multis prodigiis ac coelestibus territamentis fuisse insignem. Hectorem Boethium histor. Scotor. lib. 11. prodigia anni 1000. referentem. Hedipannum Sangelensem, Rupertum Tuitensem, Sabellicum, Fasciculum temporum, Glabrum Rudolphum, Sigebertum, Gul. Naugiacum, Bellovacensem, Antoninum, Nauclerum, signa & prodigia anni 1001. narrantes. Quae omnia ipse revelationem Antichristi portendisse putat. *Ibid. cap. 4.* alia referuntur portenta irati Dei signa, & malorum in ecclesiis & politiis praenuntia.

Pezelius part. 2. object. & respons. pag. 81. ostenta, tanquam magnarum mutationum praenuntia haberi vult. Verba ejus infra exhibemus.

Hottingerus part. 5. histor. eccles. cap. 16. sect. 16. relatis Cometarum aliorumque prodigiorum apparitionibus, concludit pag. 28. *Hac omnia quas portenderint calamitates, sequentium temporum historia docet.* Idem part. 1. cap. 7. sect. 1. §. 7. pag. 385.

Inter philosophos, historicos, philologos, aliosque literatos, de portentis testantur sequentes, partim Gentiles, partim Christiani.

Herodoti dictum jam pervulgatum est, quod legitur lib. 6. *Quoties ingentes sunt eventurae calamitates vel civitati, vel nationi, solent signis praenuntiari.*

Dion Cassius, supra citatus est.

Alexander ab Alexandro lib. 3. genial. dier. cap. 15. *Solere Deum immortalem, cum aliquid diri vel adversi imminet, portentis & prodigiis futurum ostendere, venturasque calamitates, signis minisque coelestibus praemonstrare, & ipsi novimus, & à non contemnendis autoribus relatum accepimus.* Ibid. exemplo portenti patrum memoria in aere conspecti adducto, subjicit: *Quae ostenta futurum excidium, cadem, & calamitatem, quae postea urgentibus satis secuta sunt, praesignasse nemo dubitavit.*

Joachimus Camerarius lib. 1. de Ostentis pag. 257. *Nulla profecto gens non credidit divinitus plurima existere, quae eventa & casus singulares praecurrerent.* Id. Ibid. paulo ante: *Vix enim unquam ingens aliquod malum aut urbem aut gentem non praemonstratum oppressit.* Ibid. pag. 280. *Quidquid ergo in caelo insolite forma apparet, haut dubie existimatur portendere aliquem ingentem casum; sed Cometa atrociora & tristia.*

Contr.



Conr. Lycosthenes in præfat. ad Julium Obsequentem : Apparuerunt enim hominum memoriâ infinita & horrenda prodigia, quibus Deus iustus vindex iram suam mundo minatus est. Ibid. pag. a. 5. Omitto alia horrenda prodigia, miracula, atque portenta, &c. visa atque audita, quibus flagitiis nostris iratus Deus ultionem atque vindictam minatus est.

Peucerus de divinât. tit. Teratoscopia paginis aliquot postremis, ubi exemplis ostentorum productis, specialiter hoc observatum scribit in imaginibus acierum, leonum ad pugnam concurrentium, &c. isto sæculo in aëre conspectis.

Cornelius Gemma, in tract. de divinis naturæ characteris passim multa piè monet de signis & prodigiis : ex lib. 1. cap. 8. hæc ejus verba exhibemus pag. 200. Circa præsagii genus aberrare non facile est : magna portendi scil. præsertim regibus, quod loco superiore promineant : mox vero & magistratibus & populis, per consortii legem : postremo etiam in hisce mundi simplicioribus elementis propter periculum dyscrasie, &c. In omnibus denique si dicamus & magna & rara atque insolita posse propediem sequi à portentis ejusmodi, cur adeo vel à pietate Christianâ vel philosophicâ id videbitur alienum ?

Idem lib. 2. cap. 1. pag. 17. „Præclarum tamen existimo, atque homine „christiano longè dignissimum, excelsa Dei magnalia, & providentiæ ipsius „stupenda opera celebrare ; quæ quamvis ex abyssu imperscrutabili, ac „nondum angelis explorata in genus humanum indies proficiscuntur, per „spicuum tamen divini erga filios suos amoris exhibent characterem : con- „traque defixos luto Epicureos palam demonstrant, quanta sit sibi mor- „talium cura, quàm clemens in admonendis, castigandisque liberis, quos „malorum domitrix pœnitentia molliit, quique maturè ex tenebris in aper- „tam lucem sese convertunt : quàm severus contra in vindicandis adverla- „riis, qui vel admoniti sæpius, obstinatis animis vim contra leges atque Ec- „clesiam moliuntur.

Ibid. lib. 2. pag. 133. „Quamquam verò quod reliquum fuit circa præsa- „gia, forsan in animorum suspensione quadam relinquere præstitisset : ne ta- „men omnino mortalium votis, studiisque flagrantioribus desim, subjiciam „non quæ definiant certò, sed cogitandi altius de præsentis pariter atque „venturo reip. statu materiem subministrent. Erit autem tutissimum, in „summis generibus generatim & sub hypothese modum præscientiæ posuif- „se, ut demonstratum est supra.

Janus Gruterus in polyantheâ, hoc versu trochaico consensum suum ex- „primit : Nulla in orbe fit sere absque prodigiis mutatio. Agmen claudat Petrus „Job. I wis& editâ historiâ seu chronologiâ universali, aliisque scriptis in Bel- „gio



gio non incelebris, qui in præfat. ad catalogum Cometarum aliorumque ostentorum a. 1624. de Cometarum, & ostentorum prognosticis & comminationibus practicè & patheticè differit. Atque hæc sapientum testimonia: ad quorum productionem ex abundanti hic iterum moneo, me generalem & indefinitam solummodo verorum portentorum sive *πρόγνωση* sive comminationem admittere: omnem vero specialem & definitam, tanquam superstitionem, aut vacuam observationem, rejicere: adhuc à signorum & portentorum numero excludere plurima, quæ ab antiquo Gentilismo & hodierno errore populari ominosa aut portentosa habentur. Gentilium infinitam pene turbam collegit *Peucerus in libro de divinationibus*; Aliquid etiam huc contulit *Augustinus Niphus in tract. de auguriis*: ubi specialiter sternutationum omina recenset. Quæ eadem *Alex. ab Alexandro* attingit lib. 2. cap. 26 Errorum & vanitatum popularium bonam partem antehac indicavimus in 3. part. disp. tit. de superstitione, & tit. de sortis aliisque divini nominis abusibus, Superstitionis & vanæ scrupulositatis species aliquot perstringit *Theophrastus in characteribus cap. de δεισιδαιμονία* superstitione; quales, e. gr. si felis per viam cucurrerit, non prius ire quam alius quis transferit; si mus succum farinæ roserit, ad interpretem (*ἑρμηνέα*) ire, rogatum, quid facto opus sit, &c. Longè plures enumerat *Alexander ab Alexandro* lib. 5. cap. 13. *Suëtonius* in Augusto num. 92. scribit ominosum & dirum ei fuisse, si mane sibi calceus perperam, ac sinister pro dextero indueretur. *Cato*, apud *Plutarchum*, consultus à quodam quid mali portenderet quod caligæ à foricibus arrosæ essent; respondebat: non esse ostentum, quod forices arrosissent caligas; sed id demum futurum fuisse ostentum, si caligæ arrosissent forices. *Nicetas Choniates* lib. 4. thesauri hæresin facit 42. *Ethnophronum*, hoc est, Gentilium rituum & superstitionum imitatorum; qui genesim hoc est natalitium sidus, fortunam, fatum, astrologiam recipiunt; item vaticinia, & divinationes quæ auguriis, auspiciis, cledonismis, &c. constant: non sine dierum, mensium, &c. observatione. Ubi in refutatione subtit. de *Cledonismo*, exemplum mali ominis (*ἀνοργονόμος*) adfert, quod primum egressus pedemque ex domo efferre incipiens occurrit homini atrato vel alii cuiuspiam rei, cujus aspectus nobis insuavis & injucundus esse solet. Huc referri possunt quamplurimæ vanitates Judæorum, qualis ista, quod nomen porci inter res scævas & mali ominis numerant. Quia, *decem tibi leprarum descenderunt in mundum, & novem acceperunt porci*: Si *Thalmudicis tract. Kidduschim* credendum sit. Alias rationes adfert *Maymonides lib. 3. Nevochim cap. 48*. Complures ejusmodi ominosos Judæorum scrupulos leges in *Buxdorsii synagoga*.

Nec prætereundum, quod ipsi illi autores, qui portenta nolint contemni, eorundem observationem satis accuratè distinguant.

Corne-



Cornelius Gemma lib. 2. cap. 1. p. 17. De rebus futuris vana est omnium mortalium & superstitiosa predictio, quæ neque in finem legitimum spectat, nec certis limitibus coercetur, neque naturæ duce, atque ipsius conditoris sapientiâ gubernatur, ut cum Platone Aristoteles aliorumque rectè philosophantium turba demonstrat, magisque confirmant sacra litera.

Sennertus lib. 2. Phys. cap. 2. Hoc certum est cum cometarum seu apparitio seu generatio insolita sit, & rara, eos omnino aliquid portendere, si forsitan non ut causas, tamen ut signa divinitus ad iram Dei adversus hominum peccata denuntianda constituta. Quorum tamen specialis significatio soli Deo nota; nec ulli hominum revelata sit: hoc quidem est, & omnium seculorum observatione compertum, nunquam spectatum impune cometem, &c. Quibus vero regionibus & provinciis hoc portendant, vix homini cognoscere datum est, antequam eventus id docet.

Polydorus Virgilius tres dialogos de prodigiis conscripsit: ubi totus est in vanis istis divinationibus, & superstitionibus explodendis.

Theologi accuratè & cautè hic distinguunt, ad utriusque evitacionem, Epicureismi scil. & superstitionis.

Audiat unus atque alter. Zanchius de divinatione pag. 44. dicit fulmina, Cometas, aliaque ignea effecta, trifariam considerari posse *φυσικὰς* à philosophis ut philosophis, *μυθικὰς* à divinaculis, *θεολογικὰς* à Christianis & piis. Primum modum concedit: sed ad scientiam physicam referendum dicit, non ad divinationem. Secundum absolutè improbat. Tertium approbat, & sic explicat: *θεολογικὰς* considerantur à piis & Christianis, non solum ut naturæ effecta, sed etiam ut divina misericordia vel iræ testimonia & signa. Et postea: solet enim Deus cum è cælo, tum è terrâ, tum è mari suam tum misericordiam tum iram his & aliis id genus signis mundo declarare, idque bifariam aliquando naturaliter, aliquando supernaturaliter, &c. Idem Zanchius de operib. creationis, infra cap. 5. adducendus.

Adeundem fere modum distinguit Libavius Cometarum & ignium insolitorum prognosticum astrologicum à theologico: quatum illud tanquam vanum per totam declamationem oppugnat; istud approbat. Inter theologos nostrates Johannes de Mey in physiologiâ sacrâ sapienter rejicit omnes divinationes Gentilium ex portentis & prodigiis, & innumera quæ narrantur prodigia partim falsa, partim vana seu levia, e. gr. si ex cantu gallorum portendi putetur victoria Thebanorum, & quæ in Imperatorum obitu aut paulo ante adulatoriè finguntur accidisse; ut ipsis via ad divinos honores strueretur. Qui idem tamen cautè de prodigiis sic determinat: Non tamen propterea negamus aliquando Deum per portentis & prodigia quadam significasse mortalibus, verum ea extraordinaria fuisse dicimus, & quæ nunc sunt

E

prodi-



prodigia, licet constaret ea aliquid significare ac portendere, nemo tamen nunc est, qui eorum indicationes determinare, distincte, atque infallibiliter interpretari posset, præcipue quod ad singularem hominum casus, aut rerum contingentium particulares eventus. Hæc cum perpetua meâ, de Cometis aliisque insolitis in coelo aut terrâ prodigiis sententiâ (quam etiamnum teneo, & supra explicui) satis conveniunt.

Ob aliquam materiæ affinitatem inferi hic posset digressiuncula de spectris præsentem aut instantem hominum mortem subinde prænuntiantibus; & quid de iis sive credendum sive conjiciendum sit: quæ omnia novi Sadduceorum & Epicureorum partiarum an pararii, tanquam vana & imaginaria pariter exhibitant; exemplo Cassii, qui cum Epicureus esset, Bruto spectrum à se visum narranti, respondebat ludibrium esse ex vi imaginatrice conceptum. Sed cum de iis in 1. part. select. disp. tit. de spectris, satis superque egerimus, hic non repetenda duxi.

III. *Argum.* Est ex affectione speciali quorundam insolitorum & admirandorum operum in naturâ: quæ signa, portenta, ostenta dicuntur. Ex illis selegimus ista tria. 1. insolitum lumen aut fulgorem aut ignem supra aut infra ardentem. 2. terræ motum. 3. monstrum: ex quibus analogicè argumentamur; tum quod experientia de singulis nos docuerit, quod plerumque sint antecedentia & signa insolitarum calamitatum, & mutationum; tum quod scriptura locis *Math. 24. Marc. 13. Luca 21.* collatis nos moneat terræ-motum, & quæ supra atque infra præter solitum apparent, esse signa, terriculamenta, & præagia futurorum malorum.

1. *Insoliti* luminis, aut fulgoris aut ignis ardentis, aut mutationis sive veræ sive ita apparentis circa solis aut aliarum stellarum lumen, aut motum, exempla in *Julio Obsequente*, & in *Lycosthene de prodigiis*, *Corn. Gemmae divinis naturæ characteribus*, catalogo *Petri Joh. Twisk* occurrunt. Exemplum unum atque alterum solummodo hic notabo. De lumine in templo horâ nonâ nocturnâ per dimidiam horam conspecto *Josephus lib. 7. c. 12.* Quod cum (teste *Eusebio lib. 3. cap. 8.*) imperitis aliquid boni videbatur prænuntiare: à legisperitis & sacrorum interpretibus judicatum, illud idem ipsum præsignificare, quod rerum eventa postea confirmarunt. *Tertullianus ad Scapulam cap. 3.* ait ignem tunc exarsisse in muris Carthaginis. *Orosius lib. 4. cap. 4.* inter alia prodigia anno 477. ab urbe condita refert flammam repente, scisso terræ hiatu eructatam, tribus diebus & tribus noctibus terribiliter exarsuasse, &c. Et *lib. 4. cap. 13.* Cælum apud Tuscos ardere visum, & *Arimini* multâ nocte lucem claram effulsisse. Et *lib. 5. cap. 18.* inter prodigia, quæ monstra urbem terrebant, globum igneum cum maximo cœli fragore à regione septentrionis emicuisse: in *Samnitibus* vastissi-

mo



mo hiatu terræ flammam prorupisse. De igni illo, quem trabem appellant, testatur *Gassendus* (apud *Joh. Baptista du Hamel lib. 1. meteor. cap. 4.*), quod eum viderit abortu in occalum prætervolantem, & quod eodem tempore per totam Occitaniam visus sit. Adde lumen seu ignem seu splendorem, quem ex obsessa urbe Constantinopoli propriæ expugnationis, nocte intempestâ sursum prodeuntem & in cælum se rejicientem videbant; eundemque pridie expugnationis, sed procul ab urbe se subducentem. Quo Turcæ, jam desperabundi & solutionem obsidionis parantes, tanquam bono omine, uti interpretabantur, animati, illâ nocte urbem aggressi invaserunt. De quo *Georgius Phranzes* (de hoc vide *Vossium* in *histor. Gr.*) *lib. 3. histor. cap. 13.* & ex eo *Filescus lib. 1. selector. cap. 9.* in fine, ex quo *Beisoldus* in *hist. Constantinopolitano-Turcica* ad a. 1445. §. 9. p. 577. Nec prætereundum, quod ante biennium in hoc nostro & vicino tractu ignem fere usque ad terram ex aëre descendentem multi fide digni se vidisse asseverabant: post quem passim in Belgio præsertim Amstelodami, pestem sævisse, aliasque calamitates inde secutas fuisse meminimus. Ad hanc ostentorum classem reduci possunt insolitæ & tantæ solis obscuraciones, ut stellæ medio die conspicerentur, & dies in noctem conversa videretur. Talis obscuratio Pericli in bello Peloponnesiaco infelicem expeditionem instructâ classe suscepturo oblata fuit. Alia exempla vide in *catalogo* anno 684. 814. &c. De ejusmodi magnis & insolitis solis obscuracionibus (quas vocat eclipses) *Pezelius* part. 2. object. & resp. ex *Melanthone* pag. 81. sic censet: *Quamquam, inquit, certis naturæ legibus fiant, tamen tristes semper eventus habuisse multorum seculorum consensus ostendit. Has significaciones, divinitus in naturâ ordinatas, superbe ridere atque contemnere, magna certe temeritas atque audacia est.*

*Gutberletus* in *chronologiâ* ad ann. 1261. ubi de Imperio Michaëlis Palæologi pag. 432. *Apparuit in Graciâ Cometæ à solstitio æstivo usque ad æquinoctium autumnale, nec multo sol obscuratis terris tantas tenebras effudit, ut interdum stellæ effulserint. Hæc signa mox secuta sunt Turcica eruptiones.*

*Simon Goulartius* in *historiâ Imperii Orientalis & Occidentalis* ab anno 1220. pag. 450. de iisdem prodigiis censet: *Hæc prævia novarum calamitatum signa, cum mox secuta sint Turcica eruptiones ac progressiones, non contemnimus prodigia aut ostenta, quæ divinitus proponuntur. Lavaterus* similiter part. 1. de spectris cap. 17. ostenta clades aliasque mutationes præcedere concedit.

*Froymundus* lib. 3. meteor. cap. 3. notat portentum a. 1499. quo luna mutata est primum in nigredinem, post in duas divisa partes, quarum una alteri insultabat retrorsum, utraque rubedine conspersa. Unita postea, & tanquam unâ occidere. Insecuta multe confederationes, &c.



Zanchius lib. 3. de oper. creat. cap. 2. de Cometâ aliisque ignibus qui Venetiis visi sunt, paulo ante quam à Turcis regnum Cypri caperetur cum tantâ hominum & virorum præclarissimorum internecione, sic quærit: *Quid de iis dicimus? nunquid tot historiae, tot experimenta, tot denique observationes nihil valebunt?*

Everhardus Archiepiscopus Salisburgensis in oratione circa annum 1240. in Imperii comitiis habitâ, calamitosa illa tempora describens, inter alia dicebat: *Omnia illa portenta, quæ cælestis ille magister cantavit nobis (evolvite annales), jampridem fiunt.* Et paulo post: *fremunt undique bella: omnes gentes sunt in armis, &c. eruuntur regna, civitates funditus intereunt: non modo ferro atque igni, verum etiam terræ-motibus assiduis, & eluvie aquarum, & morbis frequentibus, & fame.* Fiunt ubique **PRODIGIA MIRANDA PER OMNIA ELEMENTA MUNDI.** *Aër vitiat & corruptus & pestilens est, &c. Crines Cometarum, solis tenebræ, color lunæ, cadentium siderum lapsus non usitato modo, sanguine obsusum cælum mentes hominum maximo terrore confundunt, &c.* Hujus orationis bona pars ex Aventino transcripta exstat in *Mysterio Plessei*, & in *Bullingeri oratione* 1. de fine sæculi, qui eam apprimè probat, & Everhardum prædicat virum clarissimum & piissimum.

Herodianus in Commodò §. 14. inter alia prodigia (*δεινὰ τεύχεα*) terræ-motus, Cometarum, monstrorum, narrat *stellas per diem perpetuò seu continuò (*συνεχῶς*) visas fuisse.*

Isidorus Hispalensis in chronico pag. 717. edit. Grotii cum historiâ Gothorum, &c. „ Multa eodem tempore cœli & terræ signa præcesserunt, „ quorum prodigiis tam crudele bellum significaretur. Nam assiduis terræ- „ motibus factis à parte orientis luna fuscata est. A solis occasu stella Come- „ tes adparuit, atque ingenti magnitudine aliquandiu fulsit. Ab aquilonis „ plagâ cœlum rubens sicut ignis aut sanguis effectus: permixtis per igneum „ ruborem lineis clarioribus, in specie hastarum rutilantium. Nec mirum „ ut tam in ingenti cælorum numero (ferme 300000, uti modo nume- „ rum inierat) strages divinitus tam multa signorum demonstraretur osten- „ sio.

Milichius philosophus Wittebergenfis in commentar. ad lib. 2. Plinii cap. 25. „ Semper enim atrocia prodigia secutæ sunt ingentes clades, etsi „ non in genere, de omnibus prodigiis disputo, de meteoris jam loquor, „ & terræ motu, aut similibus.

2. *Terræ-motus* inter signa, ostenta, prodigia communiter numeratur tum ab historicis, tam à theologis & philosophis, & ab ipso servatore *Math. 24. coll. cum Marc. 13. & Luc. 21.* Adeo ut verè à Plinio lib.



lib. 2. cap. 84. de eo scriptum sit : *Nec vero simplex malum , aut in ipso tantum motu periculum est , sed par aut majus ostentum.* Nunquam Roma tremuit , ut non futuri eventus alicujus id prænuntium esset. Quod dictum Plinii annotatur à Grotio ad *Math.* 24. Vehemens enim terræ-motus ratione effectuum suorum (quæ Plinius cap. 84. miracula terræ-motus appellat) per se est judicium & afflictio , & simul præambulum aliorum malorum ac judiciorum Dei. Quod innuit Servator *Math.* 24. v. 8. *hæc sunt initia dolorum.* Et confirmat experientia , omniumque temporum historia. & ipsa scriptura *Nahum.* 1. v. 5. ubi de terræ-motu quærit, *ante iram ejus quis stabit , & quis stabit in ira furoris ejus ?* Et *Psal.* 18. v. 7. *Movit se & contremuit terra , & fundamenta montium moverunt se , & moverunt se quoniam iratus est.* Et *Jobi* 9. v. 5. 6. *Qui transfert montes , &c. qui subvertit eos furore suo. Qui commovet terram , & columna ejus contremiscent.* Historias seu catalogos Cometarum ac prodigiorum hic non reponam nec *Garçæi* , *Froymundi* , lib. 4. *Meteorologic.* cap. ult. *Corn. Gemma* lib. 2. cap. 2. *Keckermanni* imprimis in tract. de *Terræ motu* , collectanea. Unde constat, terræ-motus plerumque fuisse prodigia , & (quod ad argumentum nostrum facit) concomitantia aut sequentia Cometas. Concludimus cum *Jonstano* & *Froymundo*. Quorum ille adducit ex *Plinio* lib. 2. cap. 84. quod futuri eventus sit prænuntium ; & ex *Socrate* , quod discordias in religione portendat. „ Ille sic consultit : Quapropter Romani olim ferias edicti imperando faciebant , id nos faciamus. Metuendum illis erat , ne Deum alium pro „ alio nominando , falsâ religione populum alligarent : notus nobis est „ Deus , cujus movetur terra potentiâ. *Froymundus* ibid. cit. verbis *Sene- cæ* , *Quid tibi non dico esse auxilii , sed solatii potest , ubi timor fugam perdidit ;* „ subjicit : Non perdidit tamen , & Deum habemus , quo confugiamus. „ Ideo enim hos terrores hominibus ostentat , ut perituris inhaerentes ad „ sui respectum convertat , &c. Idem *Froymundus* cap. cit. artic. 3. terræ-motum anno 1640. Belgium nostrum (quod rarum & portentolum) & partes Germaniæ pervagantem describit. Post quem an gravia & publica mala secuta sint , norunt omnes qui his temporibus vixerunt , & adhuc sunt in sæculo. Philosophorum testimoniis addamus unum atque alterum theologorum. Luculentum habes apud *Polanum* lib. 5. *syntagm.* cap. 22. „ Aliquando, inquit, vult Deus , ut terræ-motus sint signa & præ- „ sagia tristium motuum in ecclesiâ & politiâ , aut etiam futuræ vastationis „ ac subversionis totarum urbium , rerumpublicarum & regnorum. Id- que probat ex *Math.* 24. v. 2. & seqq. *Marc.* 13. *Luc.* 21. *Apocal.* 11. v. 13. & variis exemplis ex *Historiâ Ecclesiasticâ* , & recentiori. Quod ex *Apocal.* 11. v. 13. à *Polano* ad probationem adfertur , id fateor à mul-



tis interpretibus metaphoricè seu parabolicè accipi : ut scil. terræ-motus notet concussiones, turbas, mutationes in ecclesiis aut politiis, aut utrisque. Jesuita Ribera in comment. ad locum de terriculamento terræ-motus propriè accipit : ut magis terreantur impii, & pœnitentiam agant, quod tantis prophetis non crediderint. Et Imman. Sâ in notis : ira Dei signa erant ista omnia. Propriâ vocis significatione servatâ, Polanus non improbabiler dicit, eventum exactè respondisse : hoc est, perturbationem ecclesiæ & Reipublicæ Christianæ movendam à Romano Pontifice præcessuros terræ motus. Probat ibid. ex horrendo illo terræ-motu qui anno 1298. sub Bonifacio VIII. accidit, quem describit Platina, & in quos terrores & angustias Papa Bonifacius VIII. per eum conjectus sit. Ne, inquit, existimares tum Deum cum hominibus pacem habuisse, tantus repente terræ-motus exortus est, quantus nunquam antea, &c. Apparuit tum quoque Cometes, magna alicujus futuræ calamitatis indicium. In appendice ad Martinum Polonum, Basileę cum Martini chronico editâ, & postea Antwerpia apud Plantinum 1574. per Suffridum Petri, eadem ostenta describuntur. De hac appendice Suffridus pag. 419. Quæ hinc porro sequuntur, appendicis loco Basileensis editio adiecerat ; nos ut Martiniana subiungemus. Calamitates quæ hæc portentia exceperunt, per Bonifacium illatæ, recensentur à Platina, Stellâ, Mart. Polono, &c. & plenissimè ex istis aliisque historicis à Mornæo Plessiaco in *Mysterio iniquitat.*

3. *Monstra*, hoc est, insignia naturæ ἀμάρτυματα (uti ea à philosophis appellari solent), inter ostenta numerari posse, quasi communis sententia est. Nos omnibus, quæ ab historicis, & prodigiorum catalogis dicuntur, non insistimus. Sufficit nobis, si de insolitis & admirandis maximè, aliquid si non credere, saltem innoxie præsumere liceat : aliquâ præeunte experienciâ, & virorum minimè futilium opinione. Arnoldus Sorbinus Thololanorum theologus & regius ecclesiastes anno 1570. edidit tractatum de *monstris* & iis, quæ circa eorum tempora acciderunt, à Constantino usque ad sua tempora, ex historicis collectum. Quod in fine monstrum 1512 Ravennæ & alterum 1623. Waltelsodorsi natum vitulo-monachum, antiquam Hetrusco-Romanam ostenta interpretandi methodum secutus, ad ministerium & prædicationem Lutheri & Africam, hoc est, Galliam (uti loquitur in *epist. dedicat.*) referre voluit ; id ipsi relinquendum est. Aliter longè Surinus infra citandus, qui de clero & populo Papistico in Italiâ monstrum 1512. interpretatur. Hoc saltem in lucro deputamus, quod rara & insignia monstra aut ut malorum prænuntia, aut ut Dei commonitoria, absque vanâ curiositate & superstitione considerari posse, exemplis allatis ab illo docemur. *Epigrammata Joh. Aurati, Antonii Valerii medici, Acedi*



*dit le Roy, Joh. Benedicti Franciscani in commendationem operis præmissa non ineptè idem incultant. Unum eorum, Joh. Benedicti Hebraicum ex peraphrasi latinâ Antonii Valerii medici hic libet exhibere:*

*Hic vestras dociles reges, convertite mentes:  
Hic Christi vocem Proceres audite Monarchæ:  
Vos ô Regina fastum dimittite vestrum:  
Vosque sacerdotes vestros horrescite casus:  
Cuncta Adami patris trepidâ formidine proles.  
Plurima gignuntur (spectacula tristia) monstra,  
Quæ rerum eventus signent instare sinistros, &c.*

*Ex Joh. Aurati Epigrammate paucula ista excerpo:*

*Monstra Deique minas, divinantumque furores,  
Et dubios pueros, ambiguaque seras  
Somnia, visa, notas, miracula cætera rerum  
Sunt quos scire piget, pars nihil esse putat.*

*Et paulo post:*

*Credulus utque nimis, sic huius incredulus errat,  
Dum leviora cavens in graviora cadit.  
Namque superstitio, si quam major facit æquo  
Hæc pietas, minus est impietate nocens.*

*Melanthon part. 1. consilior. part. 2. 3. describit & explicat monstrum dictum Papasellum anno 1496. Romæ in Tyberi mortuum inventum: cujus caput erat asininum: dextra manus elephantino pedi similis: sinistra manus hominis: pes dexter bovis ungulam referens: sinister pes gryphis ungulæ similis: venter pectusque muliebre: squamæ piscium illitæ brachiis, pedibus, collo; non pectori aut ventri: senile caput vicinum coxis: draco ex podice Papaselli prospectans, apertisque faucibus flammeum torrentem minitans. Lutherus ibidem Melanthonis explicationi suum Amen subiiciens, putat hoc similibusve monstris tanquam obstupendis signis vocari ad penitentiam. De quibus ibidem conqueritur, quod præfractiones effrenatioresque facti, usque adeo securitatem, fastum, profanitatem cumulant, alunt, atque adaugent, ut audaciam libidinemque suam ipsi vix ferant; perinde quasi nulla cœlestis ira, numenve divinum, furores eorum frangere valeat; & hæc atrocissima signa, tanquam fallaces umbras, aut umbræ somnia cyclopice asperrantur. Monstrum, quod Papasellum indigitant, Romæ in Tyberi mortuum inventum esse, Lycosthenes in libro de prodigiis ex historicis notavit; ejusdem meminit Gemma lib. 2. c. 3. Fort. Lycetus lib. 2. pag. 265. ejusdem figuram exhibet. Qui idem lib. 1. cap. 2. contra plerisque viros (uti fatetur) insignes contendit, monstra à Deo non procreari, ut homines*

*mo-*



moneant, de futurâ calamitate. Rationes ejus minimè adamantinas non vacat hic excurrere. Græcis dicitur *τίπας* cujus vocis origo in Etymologico magno derivatur ab *τίπος* dico, quod Deus eo aliquid prædicat. Latina vox *monstrum* Flacco & Festo, à monendo, ducitur, velut monestram: aut à monstrando, quo monstret futurum & monent voluntatem Deorum. Cicero 1. de divinat. à monstrando. Nonius Marcellus: *Monstra & ostenta sunt monita Deorum*. Virgil. lib. 3. --- *primumque parenti monstra Deum refero*. Prodigia Deorum mine vel ira, &c. Salmasius in notis ad Tertull. de pallio pag. 78. similes derivationes facit, *oscillum* ab oscillo, *gubernum* à gubernò, *pandum* à pando. Aliud etymum substituit *Lycetus*. Nos argumento ab etymologiâ non infistimus; nec singula monstra ita dicta, cujuscunque speciei (decem à *Lyceto* lib. 1. cap. 13. enumerantur) ostenta aut portenta esse contendimus: sed rarissimis quibuldam & maximè enormibus arque admirandis, à signorum, terriculamentorum, *πρότερον*, in sacris literis ita dictorum, classe removendis, *Lyceto* non ausim accedere, & communiori sapientum sententiæ refragari. Quamvis enim rationem naturalem multorum à *Lyceto* redditam nolim negare: Papaselli tamen & aliorum quorundam maximè enormium causam proximam & adequatam rationem non assignavit, ne quidem investigare conatus est. Quid dicendum de horrendo & multiformi illo quod ipse apud Sub Alpinos in *Quero* in lucem prodiiisse scribit (pag. 258.) tanto cum clamore, ut obstetrices & reliquæ mulieres clinicæ consternatæ, è vestigio ab ædibus puerperæ in fugam se dederint? Quid de simili apud *Lemnium* lib. 1. de occ. nat. mirac. cap. 8.? Quid de monstro illo ex Guineâ Amstelodamum apportato quod à doctiss. & dignitatibus politicis eminente Nicol. Tulpio describitur lib. 3. observat. medicar. cap. 56. cujus etiam meminit celeberr. Grotius in epistolis ad Gallos epist. 20. ad fr. Puteanos? Malo ergo cum theologis & eximiis philosophis ac medicis, præeunte experientiâ, de raris & enormibus ejusmodi monstris credere, quod aliquid monstrent aut moneant. Adscribo verba eximii theologi & philosophi Zanchii part. 1. lib. 7. de oper. creat. cap. 1. *Dum igitur monstra, naturæ peccatum ac corruptionem demonstrant: simul etiam causam hujus corruptionis, nempe peccatum humani generis, & sæpe etiam peccata proximorum parentum, prædicant, iramque Dei (nota) portentunt, &c. hoc autem salutare est electis: quia monentur de judicii Dei, eoque de resipiscentiâ*. Ex philosophis & medicis non pauci ad partes vocari possent: quorum aliquos hic indico; & sunt *Weinrichius de monstris* (si bene memini: sed liber nunc ad manum non est), *Peucerus de divinat. & lib. 4. chronici* pag. 276. 337. *Melanthon*, & ex eo *Cardanus* lib. 12. de subtilit. refert prodigium infantis ante bellum Smalcaldicum in Francorum pago nati; ex cujus materno utero pro-



prominens gladius conspectus est, qui nullâ arte, antequam supputaretur uterus, extrahi potuit. Idem *Cardanus*, ad libros de æternitatis arcanis disquirendum rejicit, an semper talia monstra aliquid præfagiant. *Corn. Gemma lib. 1. cap. 6.* non pauca monstrorum exempla exhibet; cujus verba hic visum describere, pag. 94. „ Quæ autem nimis rara, variâ ac insolenti specie „ à notâ rerum formâ discrepant, hæc certè omnino divinitus edi consen- „ taneum est: ut vel depravata religionis imaginem, vel tyrannorum pe- „ stilentiam, vel seditiosi populi incontultam temeritatem sub obtutus „ mortaliū ponant, ut monstrum in Tyberi inventum anno 1496. &c. ubi „ describit Papasellum, cujus supra meminimus. Hunc autorem si audiant „ Pontificiis partibus addicti, non tam aliena & absurda Melanthonis & Lu- „ theri parabolica Papaselli interpretatio, (cui tamen vim & certitudinem „ demonstrationis non tribuo) ipsis videri debet: ac quidem visa fuit *Lyceto*, „ qui loc. cit. Luthero maledicit ob editam monstri vitulo monachi anno „ 1522. *Walterfodorfi* nati interpretationem: De quo, inquit, *monstro Mar- „ tinus Lutherus, damnata memoria, libro edito, suam exposuit sententiam.* Quid- „ quid sit de Lutheri teratoscopica, saltem absurdior non est Sorbina, quæ „ idem monstrum de Luthero monacho interpretabatur: uti supra indicavi- „ mus. *Laurentii Suri* in commentar rerum in orbe gestarum ad ann. 1512. „ teratoscopica, hac occasione, non est prætereunda; Sic enim ille pag. 67. „ Hac ferè tempestate monstrum Ravennæ visum ferebatur utrumque ha- „ bens sexum, cornu uno extante in capite, alatum, & sine brachiis, uno „ duntaxat crure & pede instar avis rapacis, & in genu oculo uno, in pecto- „ re figura apparente literæ Y. vel V. cum signo crucis. Interpretationem „ quidam ejusmodi esse voluerunt, Superbiam, Levitatem, Virtutum ino- „ piam, Sodomiticam labem, Amorem rerum labentium, Dei oblivionem, „ Inexplebilem avaritiam, Gallico flagello castigatum iri. Quod & factum „ est. Eodem enim anno Gallorum Rex Ludovicus, rupto cum Pontifice „ & Maximiliano foedere, Ravennam obsedit, & tandem deditione rece- „ ptam urbem, contra fidem datam diripuit, & magna clade affecit.

Vallesius de philosoph. sacrâ cap. 30. distinguit prodigia seu portenta, inter quæ foetus monstruosos numerat, in divina, & in vana; cum quibus falsa conjungit. Plurima esse vana aut falsa fatetur: non tamen omnia aut omnino: siquidem, inquit, Deus opt. maximus, gubernationem rerum humana- rum penes se esse, ubi magna aliqua earum mutationes instant, portenta quæ- dam faciens indicare solet. Ibid. pag. 257. Quoniam vero Deus non Chri- stianarum rerum solum, sed humanarum omnium providentiam habet & gubernationem, ut ex eo quod contigit Balthasari Regi palam fit, non est quod fidem abrogemus iis, quæ de Romanorum & aliarum gentium



„portentis narratur, & neque iis, quæ Josephus accidisse narrat paulo ante  
 „excidium Jerusalem, &c.

Sed ne nimis multis philosopho-medicorum testimoniis adducendis lectori fastidium pariam, unicum solummodo Libavium modo citatis adjungam. Is in 2. parte Singularium tit. de Vagitu uterino pag. 280, refert creditum esse vagitus tales aliquid mali portendere sive fœtui, sive matri: & nonnullos arbitrari publicam calamitatem designari. Post pag. 285. respondens objectioni, sententiam suam haut obscure prodit: *Existimandum est, quanquam in multis ponatur omen, ubi nullum est, tamen in quibus est directionem primumque motum fieri ab aliquâ causâ superiore, &c.* Si hic quoque sublimior est instinctus, non sine prodigio, quanquam fœtus non intelligat. Idem Libavius lib. 7. de universis. & origine rerum ad diem 6. pag. 718. ubi memoratâ hominis cujusdam monstruosâ proceritate, addit: *Theologi in his peccatum & iram Dei rectè proponunt.* Fere ad eundem modum, quo theologicas de Cometis observationes in declamatione suâ anno 1604. comprobabat. Meditationem an disquisitionem hanc de enormium & terribilium monstrorum, aliorumque portentorum sive prælagiis, sive commonitionibus, & comminationibus, concludo istis theologorum judiciis. Quorum primus est ex scholasticis, duo posteriores ex nostris in sacrâ & sæculari lectione atque eruditione, versatissimi. Primus est Pelbartus Themelvar ordinis Minorit. qui in Rosario lib. 2. in voce *naturâ*, verbis Isidori Hispalensis de monstris sic censet: „Sicut Deus per somnia, per oracula, ita interdum  
 „ventura per facta scil. aliqua nascentia vult significare: quatenus præmo-  
 „neat: unde & portenta à portendendo, id est præostendendo, & monstra  
 „à monitu demonstrando sunt dicta.

*Secundus* est; Daneus part. 1. phys. Christianæ cap. 6. „Deus immediate  
 „talìa portenta in naturâ edit ac existere vult, tanquam magna iræ suæ in  
 „hunc orbem indicia, & ipsius etiam generis rerum (in quo talia monstra  
 „nascuntur) ludibrium, & apertum despectum, & contumeliam. Hujus-  
 „modi monstra accidisse in populo Dei, nusquam commemorat scriptura.  
 „Josephus tamen lib. 7. de bello Judaico unum accidisse recitat. Inter suos  
 „autem sæpe accidisse scribunt ipsi profani, &c.

*Tertius* est Petrus Martyr in epistolis (quæ cum locis communibus editæ) epist. ad Lavaterum anno 1556. pag. 115. „tum quod certiores me  
 „feceris, quibus prodigiis istic homines à Deo commoneant, &c. provi-  
 „dendum censeo, ut precibus fide singulari accensis, & vitæ aliqua emen-  
 „datione divinam iram deprecemur. Si enim Ethnici, ut apud Livium  
 „ceterosque bonos scriptores legimus, cum de prodigiis atque portentis  
 „alicubi æditis, certiores fiebant, sacrificiorum multiplicibus variisque

ge-



generibus, ea procurabant: Quid nos vera Christi luce instructi facere debemus? Victimæ citra unum Christum Jesum non habemus, attamen præces cum poenitentia, & sancta vita cuique nostrum proponuntur in divinis literis: quibus impendentia flagella sæpiissime leniuntur. Magna certe ubique socordia est, & perniciosissima securitas, non itaque mirum si prodigiis hujus generis Pater cœlestis pro sua misericordia, nos curat excitari. Non enim vocavit nos ad sanctum suum Evangelium, ut in otio dormiremus, ideoque videns, non ita ut par erat, commoveri homines verbo prædicationis, doctrinaque sacrarum literarum, de cœlo quoque monet, non ut filios suos quos charissimos habet, perterrefaciat, sed ut eos ad periculum quo tendunt incitet, & ad levanda capita, quod suam redemptionem jam appropinquare, imo instare videant. A signis cœli hujusmodi paveant impii, qui toti pendunt à secundis naturæ causis, neque fulcrum habent divinarum promissionum, neque tutissimam fidei ancoram, quibus nitantur.

IV. *Argum.* A minori ad majus analogicè concludi posset, saltem probabiliter: Si alia quæcunque Dei opera in natura tribus vocibus loquantur (juxta pervulgatum illud Hugonis de S. Victore) *accipe, redde, fuge*; hoc est, *accipe beneficium, redde servitium seu officium, fuge supplicium*: cur dici non possit rara & admiranda Dei opera, terræ-motus scilicet, Cometas, aliaque in aëre aut in cœlo insolita phasmata, hominibus ex conspectu creaturarum creatorem non honorantibus, nec creaturis benè utentibus, iram Dei annuntiare, & mala portendere? Est enim & rectè dici solet mundus *liber naturæ*, in quo legimus sapientiam, potentiam, bonitatem, justitiam creatoris. Quin & præeunte scripturâ, creaturæ suo modo sunt præcones verbi & mandati divini, sunt verbum Dei ab ipso Deo revelatum. Nam quod de Deo cognosci potest, ipse Deus revelasse dicitur *Rom. 1. v. 19.* Apud Gentiles absque luce scripturæ in viis suis ambulantes, Deus non passus est se esse expertem testimonii *Act. 14. v. 17. Cœli enarrant gloriam Dei, &c. dies diei loquetur sermonem, &c. Non est sermo & non sunt verba, non auditur vox eorum, &c. In omnem terram exivit sonus eorum, Psal. 19. Tonitrua appellantur vox Dei, Psal. 29.* Hinc est quod interpres Belgicus celebri Mornai *Plurissimi* libro de veritate religionis Christianæ titulum *Biblia naturæ* non ineptè præfixerit. Ad hunc librum remittitur *Job. 12. v. 7. 8. Et verè interrogata jumenta, & docebunt te, &c. & narrabunt tibi pisces maris. Quis non novit secundum omnia hæc, quod manus Domini fecit hoc?* Ex libro naturæ apud Gentiles philosophos differebat Apostolus *Act. 17.* Ex eodem Deus idololatras arguit *Jes. 40. & 44.* Eundem Jobo evolvendum proponit, cap. 37. 42. ut relucens in omnibus operibus sapientiam, bonitatem, poten-



tiam conditoris agnosceret. Ex eodem libro gloriam Dei celebrabat divinus Psaltes *Psalm.* 8. & 104. Quamvis hæc sint opera naturæ, quæ Deus quotidie aut frequenter operatur, *admirabilia tamen sunt* (ait Zanchius *part. 1. lib. 3. cap. 3. de cælestibus & meteoricis impressionibus*) *sed à paucis considerantur, ut considerari debent.* Audi Psalterem grandi charactere *Psalm.* 29. v. 3. - 13. cum *Psalm.* 68. v. 32. 33. *vocem Dei*, hoc est, tonitrua & fulmina *Psalm.* 97. v. 1. - 6. prædicantem. Gentilis Poëta Getulum suum Jarbam sic loquentem introducit,

-- An te genitor, cum fulmina torques,  
Nequidquam horremus, cœcique in nubibus ignes  
Terrificant animos & inania murmura miscent.

Univerſa theologia naturalis huc advocanda eſſet, ſi libri hujus folia numerare ſaltem & curſim luſtrare occiperem. Multi artem hanc & methodum inter antiquos & recentiores jam occupârunt, quorum aliquos alibi indicamus.

In mundo ſuperiori & inferiori ſunt ſigna prognostica, ad quæ Deus homines jubet attendere. Aſtra ſunt poſita in ſigna, & tempora, & dies & noctes *Genel.* 1. v. 14. Prognostica aëria à ſervatore noſtro probantur *Math.* 16. v. 2. 3. *Luc.* 12. v. 54. 55. Iſ ergo utimur, ſcripturâ, experientiâ, ſapientum indicio & autoritate noſ manuſcente. Ita abſque ſuperſtitione cum *Virgilio* in *Georgicis*, *Heſiodo* in *oper. & diebus*, *Arato* in *diognœſis*, *Varrone* *lib. 1. de re ruſticâ cap. 35.* *Plinio* *lib. 2. cap. 9. & lib. 18. cap. 35* *Vgetio* *lib. 4. de re militari cap. 40. 41.* *Rhodigino* *lib. 8. cap. 6. & lib. 24. cap. 28.* *Mizalilo* in *ephemerid. aëriis*, tempora ſerenitatum & tempeſtatum diſtinguimus; atque omnia arboribus, ſatis, pecoribus, corporibus noſtris noxia ſive imminetia ſive minitancia declinamus aut prævenimus. Idem de medicinæ parte ſemioticâ pronuntiandum eſt. Cur tempora difficilia & mollia ad pacem noſtram pariter non diſcernamus? cur ſigna eorum, duce ſcripturâ, experientia, ſapientum autoritate, (uti jam probatum eſt) non obſervemus? Modo intra terminos illos noſ contineamus; nec ad vanas Gentilium divinationes & oſtentorum interpretationes ſcripturâ, experientiâ, ratione deſtitutas prolabamur: quales in ipſas effectorum naturalium obſervationes irrepiſſe ex *Galeoti Martii* doctrinâ promiſcuâ *cap. 22.*, ex ineptis nonnullis aſtologis, & almanachicorum fabris, ex *Ptolomæi* centiloquio deprehendimus: de quo antehac in diſſp. de *ſuperſtitione*, & de *prophetiâ*. De Tyberis inundatione & in mœnia aſcenſione, deque *Ætnæ* & *Veluvii* incendiis, ad inſtar terræ motus, non tantum nocentibus, ſed & alias calamitates portendentibus, antehac variorum obſervationes proditæ: quas omnes nec adoptare, nec temere velim exſufflare. De *Veluvii* terribilibus incendiis



diis exstant *Alzari* medici Romani, aliorumque tractatus peculiare. De Tyberis inundationibus recentissimus scriptor *Phil. Ferrarius*, matheseos in Ticinensi Acad. Professor, post omnes in insigni lexico Geographico Londini anno 1657. excuso in voce *Tiberis* sic fatur: *Tiberis inundationes magnas, magna solent calamitates belli, famisve sequi.*

## CAP. IV.

*Quid de timore ex apparitione & conspectu Cometarum concepto, judicandum sit.*

**R**Ancidum Stoicorum paradoxum de sapientum *ἀνθελῶ*, hoc est, vacuitate ab omni affectu, à scholis Christianorum non immerito profligari nemo dubitare poterit, qui ex Dei verbo edoctus est, servatorem nostrum ab omni affectu doloris, timoris, gaudii, indignationis, in humanà naturā non fuisse immunem: insuper à Christi imitatoribus in rectæ rationis gyrum eisdem affectus coercendos. *Ira scimini & ne peccate* Ephes. 6. v. 26. *ut ne contristemini, sicut & reliqui, qui spem non habent* 1 Thessal. 4. Ut ad affectum timoris, de quo hic quæritur, descendamus: tantum abest, ut scriptura eum exstirpatum velit, ut contra unice commendet, tanquam cordis humani custodem ac janitorem. *Servite Domino cum timore & exultate cum tremore* Psal. 2. In timore & tremore operamini salutem vestram Philipp. 2. *Finis verbi omnis auditus est, Deum time, & mandata ejus custodi.* Eccles. 12. v. 14. *Beatus vir, qui timet Dominum* Psal. 112. v. 1. Objiciat forte quis scriptum esse eodem Psalmo v. 7. 8. *Ab auditione malā non timebit, paratum cor ejus fidens Domino. Firmum cor ejus non timebit.* Et Math. 10. v. 28. *Ne timeate eos, qui corpus occidunt.* Jesa 41. v. 14. *Noli timere vermis Jacob, &c.* Apocal. 21. v. 8. damnati dicuntur meticulosi. 2 Timoth 1. v. 7. *Non enim dedit nobis Deus spiritum formidinis, sed roboris, & caritatis & sanitatis animi.* Ad quod respondeo, cum in scripturis nulla sit repugnantia, distinguendum esse timorem. Alius enim est panicus & subitus terror hominem opprimens. Alius perpetuus & permanens cum desperatione, infidelitate, superstitione, impatientiā ac mormuratione, & à versione à Deo, ac malæ conscientie torturā conjunctus: Qualis Belzazari Dan. 5. v. 6. & impiorum in novissimo judicio Luc. 21. v. 25. 26. 27. aliorumque terribilium judiciorum expectatione & adventu Jesa. 2. v. 19. Luc. 23. v. 30. Similis huic, sed in gradu excellentiori, terror damnatorum, & demonum, de quo Jacob. 2. v. 19. Alius est salutaris; isque vel filialis & reverentialis, Psal. 2. v. 11. Philipp. 2. v. 12. 1 Petr. 1. v. 17., cum conversione ad Deum cum cultu



Dei, cum fiducia, & oblatione in Deo, cum spe, cum amore Dei, conjunctus. Talis timor in animis nostris fovendus, excitandus, confirmandus. Ad salutarem timorem reduci debet timor ille servilis & initialis, qui cum sensu ac detestatione peccati, & Dei ac gratiæ ejus quæstione conjunctus, animas salvandorum ad filialem timorem præparat. Qualis est omnium ad Deum se convertentium; & cujus exempla habes in Paulo *Actor. 9. v. 6.* & in commentariensi *Actor. 16. v. 29.* Timor salutaris & filialis primo & per se fertur in Deum (haut aliter ac theologi loquuntur de affectu amoris): deinde & consequenter in alia *φεισσι* timenda tum bona, tum mala; idque propter Deum, in Deo, ex Deo, ad Deum: qui uti amor noster esse debet, sic etiam timor & pavor *Jesa. 8. v. 13.* Inter bona, quæ materiam aut occasionem timoris nobis præstant, est verbum Dei, *Jesa. 66. v. 2. resuscitem ad pauperem & contritum spiritu, & tremementem super verba mea.* Verbum autem Dei sonat in libro scripturæ, & in libro naturæ. Utrobique audiri potest & debet verbum comminationis, comminationis, denuntiationis iræ & judicii. Hoc verbum *μασα*, id est, oneris seu onerosum, quo affectu excipiat exemplo suo docet propheta: *Domine audiui auditum tuum, & timui, Habac. 1. v. 2. Calcasti in mari equos tuos, in acervo aquarum multarum. Audiui & expavit venter meus, ad vocem contremuerunt labia mea. Ibid. v. 15. Nunquid contra flumina iratus est dominus? num contra mare est ira tua? Ibid. v. 8. Terribilis Deus sentitur in tonitru, fulmine, vento, igni, terræ-motu, morbis, fame, hominum cladibus, aliisque malis φεισσι.* Ut enim bona appetunt omnes & prosequuntur, sic mala timent & fugiunt. Inter omnia mala externa mortem omnium φεισιν φεισιν appellat philosophus, ubi differit de fortitudine. Et rectè; si mortem in se spectes, ac in morte nil nisi mortem. Eandem Bildad Suchites (*Job. 18. v. 14.*) appellat *regem terrorum*. Præter mortem nullum est malum sive turpe sive triste, quod non sit occasio metus. Metuit quis homines notos, ignotos, tyrannos, prædones, turbones, amicos, propinquos, etiam seipsum & proprias manus; timet Danaos & dona ferentes; timet cælum & terram, ignem aquam, metalla & lapides, arbores & frutices, animantia fera, & domestica, perfecta & infecta: prout nobis nocent aut nocere possunt. Metuit ignominiam, famem, plagas, vulnera, morbos, symptomata, denique quævis mala animi, corporis, fortunæ, publica privata. Unum Deum qui timet, omnia illa non timet, aut timet salutariter, tanquam non nocitura aut in bonum operatura. *Rom. 8. v. 28. Diligentibus Deum omnia cooperantur in bonum, &c. Psal. 118. v. 6. Dominus mecum est, non timebo quid faciat mihi homo. Psal. 91. v. 5. non timebis à timore noctis, à sagittâ volante per diem, à morte, &c. Si Deus pro nobis, quis contra nos? Rom. 8. Deus enim cum* timen-



timentibus se *sædus percutit cum bestiis agri*, &c. Hof. 2. v. 20. Ille *exaudiet cœlos*, & *cœli exaudient terram*. Et *terra exaudiet triticum & vinum*, &c. Hof. 2. v. 23. adeo ut in mediis malis & afflictionibus gloriari possint Rom. 5. v. 2. & cum divino Psalte Psal. 46. v. 1. 2. 3. canere: *Deus nobis spes & fortitudo, auxilium in angustiis*, &c. propterea non timebimus, cum mutabit terram, & cum moverit montes in cor mari, &c. Piis illud profani Poëtæ verè competit:

*Si fractus illabatur orbis, Impavidum serient ruina.*

Illis præsto est panacæa fidei & fiduciæ, quæ metui & dolori oppressuro resistunt. Sicuti autem omnia hujus vitæ mala salutariter timentur, aut non timentur: sic & eorumdem malorum signa aut comminationes. *Leo rugiit, quis non timebit?* Amos 3. v. 8.

Si medici & ægri ad signa morborum & symptomatum attendunt, agricolæ & nautæ ad signa tempestatum, milites ad signa insidiarum, aggressionum, & impugnationum hostilium, eaque suo modo metuunt: Quidni ad *φασγαν* in cœlo aut in terrâ iræ, comminationum, & judiciorum Dei nuntia extimescant homines, ingratitude suæ & multiplicium peccatorum sibi conscii? Sic tamen, ut adversus peccata sua & versus Deum quem offenderunt, torrentem timoris deducant. Quo ritè facto timebunt, non timebunt, animoso ac confidente timore, exultantes cum tremore: haut aliter ac Apostolus tristis erat, & tamen semper lætus 2 Cor. 6. v. 10. Qui sic metuit, non tam hujus vitæ mala metuit, quam peccata: quomodo celeberr. & piissimus theologus Joh. Raynoldus morti vicinus percunctantibus quibusdam, *dolorem nec ne habuisset aliquem, ex iis quæ nuper illi accidissent*, piè respondebat: *se ob nihil dolere aliud quam ob peccata sua*. Ita refert Parkerus in præfat. ad librum de descensu ad inferos. *Qui timet Dominum & mandata ejus vult valdè*, &c. à rumore malo non timebit; paratum cor ejus fidens domino. Firmum cor ejus non timebit Psal. 112. v. 1. 7. 8. *Etiâ cum ambulavero* (Psal. 23. v. 4) *per vallē umbræ mortis, non timebo malum: quoniam tu mecum*. Jerem 23. v. 4. & *non timebunt ultra nec formidabunt*. & 33. v. 16. *In diebus istis servabitur Jehuda, & Jerusalem habitabit confidenter*. Proverb 28. v. 1. *Fugerunt, & non erat persequens, impii; & justi veluti leunculus fident*. Ita & *φείσθαι* & *ἀφείσθαι* justo conveniunt: nec se mutuo excludunt. Justus, ait Aquinas part. 3. qu. 15. art. 7. Justus dicitur esse absque terrore, secundum quod terror importat perfectam passionem, avertentem hominem ab eo quod est rationis. Deum unicè timet tanquam ignem consumentem, Hebr. 12. v. 29. in cujus manus terribile est incidere, nihilominus tanquam optimum & benignissimum patrem; peccata timet tanquam mala tantum mala, & turpitudinem turpissimam; iram



iram Dei timet, omniaque iræ divinæ effecta & judicia, externa scil. hujus vitæ mala per se molesta, tristia, φοβερά; Signa & indicia judiciorum Dei timet, quibus significatur calicem esse in manu Domini Psal. 75. v. 8. *Quia calix in manu Domini, & vinum rubuit, plenus est mixto, & effudit ex hoc. Veruntamen feces ejus, quas expriment, bibent omnes impii terræ.* Ut ad apparitionem Cometarum hæc applicemus; timent pii hoc signum de cœlo tanquam nuntium aut comminationem malorum; timent mala illa tanquam judicia Dei; timent peccata sua tanquam judiciorum & indiciorum istorum causas; timent Deum tanquam omnium istorum autorem, tanquam lucis & tenebrarum creatorem. Timent sibi & suis; timent justis & ecclesiæ Dei, scientes à domo Dei subinde plagas Dei incipere 1 Petr. 4. v. 17. timent patriæ suæ, timent mundo, à venturis aut minantibus plagis, timent impiis, quorum peccata instar Sodomæ fecerunt consummationem, Gen. 19. v. 21. qui mensuram patrum suorum impleverunt Math. 23. v. 32. quibus piâ quâdam præsumptione portionem calicis, qui nunc in manu Domini, assignant. Memini mihi adolescenti anno 1607. in tyrociniis studiorum Lugduni Batavor. versanti, à commilitone quo lectionem M.S. epigrammatis de Cometa istius anni authore *Philippo Lansbergio* pio & erudito theologo, & in disciplinis mathematicis plurimum versato (quod scripta ejus testantur) concessam fuisse: cujus duo postremi versus solummodo memoriæ inhærent.

*At tu jara Babel nondum exsatiata cruore,*

*Horresce, plange, corruere.*

Laudavi antehac in 1. part. select. dissp. tit. de signis laudatum à variis responsum Ludovici Imperatoris fil. Caroli Magni datum astrologo suo super apparitione Cometæ. *Nic. Serrarius* Societ. Jesu theologus in *commentar. ad 2. lib. Machab. cap. 5. pag. 391.* de responso illo pronuntiat; *Hæc ille sane quam sapienter*: sed Carolo Magno tribuit, citato ad hoc Fasciculo temporum. Quod in meo exemplari excuso Colonix 1474. non invenio; nec etiam in Eginharto vitæ Caroli Magni scriptore. Inhæreo ergo meæ & aliorum citationi, imprimis polyistoris *Vossii* qui lib. 3. de Idololatriâ cap. 9. ex scriptore vitæ Ludovici Pii, (qui ejusdem astronomus erat) Ludovico adscribit; & ex eodem historiam exhibet. Ante quem, *Baronius* historiam hanc anno 1600. in tom. 9. annalium ad ann. 837. ex eodem scriptore vitæ Ludovici, sed paulo plenius, transcripserat. Nos ista solummodo inde excerpimus. „Mediante, inquit, scriptor, festivitate Paschali *durum semper ac* „*triste portentum.* Ibidem (*Aquisgran*) Cometæ sidus in signo virginis apparuit, &c. quam rem cum primum Imperator talium studiosissimus conspexisset, constitit, & antequam quieti membra committeret, accitum quendam,



quendam, itemque me qui hæc scripsi, & qui hujus rei scientiam habere credebar, percontari studuit, quod super eâ mihi videretur; *Et postea:* Cumque aliquid dicerem, & aliqua tacuissem: Unum est, inquit, quod adhuc silentio premis: mutationem enim regni, mortemque principis hoc portento monstrari dicunt. Cumque ego testimonium prophetæ in medium protulissem, quo dicitur, *A signis cæli ne timueritis, quæ parent gentes*: ille solitâ usus magnanimitate & prudentiâ: Non alium, inquit, timere debemus præter illum, qui noster & hujus sideris creator est. Sed ejus clementiam non satis laudare & imitari possumus, qui nostram inertiâ, cum simus peccatores & impenitentes, talibus indiciis dignatur admonere. Quia ergo & me & omnes communiter hoc ostentum tangit: omnes pro posse & sapere ad meliora festinemus, ne forte misericordiam illo prorogante, & nostrâ pœnitentia impediente, nos illâ inveniamur indigni. Dictum hoc Ludovici de Deo Cometæ conditore ad conspectum Cometæ timendo citant & laudant præter Baronium, Serrarium, ex nostris Lavaterus in catalogo Cometar., Keckermannus in *dispp. in dispp. physicis*, Alstedus in *theol. naturali part. 2. cap. 13. p. 361.* Vossius loco cit. qui dicto huic Ludovici de Cometâ apprimè à se laudato his verbis ibidem pag. 770. accedit: *Hujusmodi nos rapere debent in admirationem maximi numinis Cometæ condentis. Sed cæcas gentes, quæ quidem eo usque in Naturæ arcanis penetrarent, compellere potuerunt ad cultum creaturæ præstandum. Et paulo post: Nec tamen inde sequitur Cometæ intellectu præditos esse, sed esse numen, quod per eos mortale genus ad pœnitentiam vocet.* Pag. 771. relatâ sententiâ, & secutâ devotione cum eleemosynarum largitione Ludovici, occasione conspecti Cometæ, præstitâ; subjicit: *Atque is finis ad pietatem, æternamque hominis salutem facit.*

Petrus Molineus celeberrimus theologus, qui olim philosophiæ professione in Academiâ Lugd. Batavâ magnâ cum laude functus erat, in tract. suo tit. *Vates* anno 1640. edito, lib. 3. cap. 7. post refutatas vanitates astrologicas, de Cometis, & metu ex eorum apparitione concepto sic scribit: *Non est tamen negandum divinitus, id est, ostentâ divina, & cœlestia vel aëria ostenta, sæpe fuisse prænuntia calamitatum, &c.* Nec est qui, quam, nisi cuius animus ab religionem (legendum, ad) plane obbrutuit, qui ad fulmina & fragorem tonitruum, aut cruenti Cometæ aspectum non tangatur metu. Pag. sequ. 62. Nec desunt qui insultent cœlestibus ostentis, aut ea per jocum detorqueant. Quod probat ibid. exemplo Vespasiani: & alterius cujuldâ, qui Cometem sibi infaustum querebatur, quod ad ejus contemplationem, in tempestâ nocte, frigore collecto, raucedinem contraxisset. Zanchius part. 1. de oper. creat. lib. 3. cap. 3. *Cometæ Christianis piisque hominibus metuendi non sunt;*



sunt; sed ex illis potius ad veram penitentiam fidemque in Jesum Christum animari debent. Cometa enim sicut sunt cetera sectales Dei, adversus impios; sic praedones sunt ejusdem apud pios; quibus eos ad veram respicientiam & fidem hortatur.

Martyris verba ex epist. ad Lavaterum supra cap. 3. exhibuimus: quae ibi legenda.

Alstedus part. 2. theol. Natur. cap. 13. *Meteora ignita sunt voces & fates Dei à caelo concionantis, &c.* Non igitur contemnimus, vel derideamus hos Dei praenuntios. Neque imitemur Vespasianum Imperatorem, &c. Imitemur itaque Ludovicum I. Imperatorem Caroli M. filium, &c. Ibid. S. 2. *Meteora ignita sic contemplari debemus ut statuamus illa esse specula clementiae & irae divinae.* Clementiae quidem: quia ut diximus modo, Deus usque adeo nos amat, ut antequam puniat, praenuntios nobis mittat, &c. Deinde sunt specula irae Dei, qui nobiscum loquitur non modo humana lingua per Prophetas, & Apostolos, sed nonnunquam etiam ipsis elementis in formas & imagines diversas, ad hominum terrorem compositis.

Accedat Seneca, quem nonnulli forte citius audient quam theologos ex sacris literis aliquid allegantes. Nemo, inquit, lib. 7. Natur. quaest. cap. 1., usque adeo tardus, hebes, & demissus in terram est, ut ad divina non erigatur, ac tota mente consurgat, imprimisque ubi novum aliquod à caelo miraculum fulsit.

Atque haecenus de timore & a<sup>o</sup>ph<sup>o</sup>si<sup>o</sup> ad conspectum Cometae. Consideranda nunc quae adversus ista obijciuntur.

I. Obiect. Ex Jerem. 10. v. 2. *Viam gentium ne discatis, & à signis caeli ne metuatis, sed metuant gentes ab eis. Quia statuta populorum vanitas sunt; quia lignum de sylva praecidit, &c.* Ad quod respondemus, capite isto praemoneri Israelitas contra vanas ac superstitiosas divinationes, eique annexam idololatriam Chaldaeorum & vicinarum gentium: uti constat ex v. 3. *Quia statuta populorum vanitas sunt, quia lignum de sylva praecidit, opus manuum artificis astra: Argento & auro decoravit illud, clavis & malleis confortaverunt illud, &c.* Ne timeatis ab eo, quia non malefaciet, & etiam benefaciendi non est in eo facultas, &c. Vanum ergo est quodcumque ab idolis hoc est daemoniis, per idola illa, aliaque signa ex caelo nuntiabatur, aut putabatur nuntiari, & vanus timor ac cultus omnis, qui idolis ad conspecta aut audita talia signa impendebatur. Quae autem fuerint Chaldaeorum & Syrorum divinationes ex stellis (quae signa caeli in textu citato dicuntur), & quae ipsorum superstitiones idololatriae, ex sacris literis cum historia profana collatis cognosci poterit: & manuductio hac in parte data fuit à clariss. Seldeno in syntagmate de Diis Syris. Designari autem in textu cita-



to Chaldaeorum divinationes ex signis coeli, & connexam idololatriam colligimus ex v. 11. Ubi dialecto Chaldaica, pronuntiatur contra illorum superstitionem & idololatriam: *Dii qui non fecerunt caelum & terram, &c.* Ex Rabbini R. Sel. Jarchi in commentar. ad locum putat fuisse epistolam, quam Jeremias misit ad Judeos in Babel translato, ut Chaldaice aut Syriace (ארמ'י) ita responderent Chaldaei, si dicerent ipsis ut servirent idolis, R. David Kimchi: *Hoc dictum Domini Jeremias misit versus Babel filiis captivitatis, ut illud responderent Chaldaei, quando dicerent ipsis, ut servirent Diis ipsorum.* Nec frustra praemonuit ipsos Deus per prophetam, quia Gentium statutis & superstitionibus illis admodum dediti erant Judaei, uti colligitur ex Jerem. 7. v. 18. 19. 1 Reg. 2. v. 2. - 8. Et Jesa. 2. v. 6. 7. 8. Superstitione repleti sunt praeter Oriente (hoc est praeter Aramæis, qui sunt ipsis ad Orientem), & angures fuerunt sicut Pelistim, & in scientiis alienis fuerunt sufficientes, &c. & repleta est terra ejus idolis, operi manuum suarum incurvaverunt se, &c. Judaei post captivitatem Babylonicam, ut & post plenam apostasiam suam, quamvis ab externâ & crassâ illâ imaginum idololatriâ abstinerint, superstitionibus tamen divinationibus, amuletis, carminibus, exorcismis, incantationibus nunquam non addicti fuerunt. De superstitionibus & operationibus magicis, ut Fl. Josephum nunc praeteream, vel unus Maymonides fidem faciet ad Sanhedrim cap. 2. Seniores, inquit, in Sanhedrim electum oportebat esse datum artibus astrologum, prestigiatorum, divinantium, veneficorum, &c. ut de iis reos judicare posset. De divinationibus astrologicis Targum in Eccles. 9. v. 2. Omne ex sideribus (מזלותי massalaia, id est, signis aut influentiis coelestibus, aut planetis) pendet, ex caelo decretum est, quod futurum est, ut fiat omnibus. Hinc apud Rabbinos מזל ביש massal bish, id est, mala fortuna, mala constellatio, Gentilem & Judaicam opinionem expressit Manilius, sic inchoans suum astronomicon:

*Carmine divinas artes, & conscia fati  
Sidera, diversos hominum variantia casus,  
Caelestis rationis opus, deducere mundo  
Aggredior -----*

Ad quos versus vide notas Scaligeri. Constat ergo tales Syrorum & Chaldaeorum Gentilium superstitiones istae atque alibi, cum timore idolorum & idolocorum sive signorum sive effectuum prohiberi: uti Jesa. 47. v. 3. - 17. *Descende & sede super pulverem filia Babel, &c.* Ipsa mala venient super te propter multitudinem maleficiorum tuorum, propter fortitudinem incantatorum tuorum vehementem, &c. Sta nunc cum incantationibus, & cum multitudine maleficiorum tuorum, in quibus laborasti ab adolescentia tuâ, &c.



*Stent nunc & servant te speculantes cælum, qui contemplantur stellas, cognoscere faciunt menses; ab iis quæ ventura sunt super te. Quæ omnia Cometis, uti cum connexis astrorum conjunctionibus, aspectibus, collisionibus, propriisque suis apparentiis, sitibus, motibus in aut sub aliquo sydere observantur, ad singularem eventuum divinationes; libenter applicari patimur. Minime tamen apud Jeremiam, aut alibi in scriptura timorem veri Dei, occasione operum & signorum ab illo editorum prohiberi putamus: sed contra eodem illo capite, quod objicitur, sed non inspectum aut nimis oscitanter lectum, præcipi dicimus. Sic enim v. 6. 7. Non est sicut tu Domine. Magnus es, & magnum tuum in fortitudine. Quis non timebit te rex Gentium? Quia tibi convenit regnum, quia inter omnes sapientes Gentium, & inter omnia regna eorum, non est sicut tu. Et simul desipient & stultè agent, eruditio vanitatum lignum est. Occasionem & rationem timoris assignat propheta admiranda Dei opera tum insolita tum solita v. 10. - 17. Dominus autem Deus veritas est, Deus vivens & rex æternus. Ab ira ejus contremiscet terra, & non sustinebunt Gentes iram ejus, &c. Dominus Deus est qui fecit terram potentia sua, qui stabilivit orbem sapientia sua, & prudentia extendit cælos. Qui voce sua dat multitudinem aquarum in cælo. Simili ratione ad peccatorum detestationem & resipiscenciam moveri videmus populum Israel Amos 4. v. 12. 13. Quapropter sic faciam tibi, præpara te in occursum Dei tui Israel. Quia ecce qui formavit montes, & creavit ventum, & annuntiavit homini quod opus ejus, qui fecit auroram & tenebras, & qui graditur super excelsa terræ Dominus Deus exercituum nomen ejus. Adde & Psal. 18. v. 7. - 16. Movit se & contremuit terra, & fundamenta montium moverunt se, quoniam iratus est, &c. & tonavit in cælis Dominus, & altissimus dedit vocem suam, &c. & misit sagittas suas, &c. & apparuerunt profunda aquarum, & discoperta sunt fundamenta orbis, propter increpationem tuam Domine, propter flatum venti iræ tuæ. Si terræ-motus aliaque naturæ miracula & portenta metum incutiant, & ad Dei timorem nos impellunt, quidni signa in cælo (inter quæ Cometæ) quæ exserte φασγὰς, id est, terribilissima seu terrentissima appellantur Luc. 21. v. 11. Et signa magna Ibid. v. 11. Ad quæ tanquam malorum præambula ac prognostica attendere licet, haut aliter ac in naturalibus & Oeconomicis ad signa serenitatis aut tempestatum Math. 16. & Luc. 12. & 21. Videte ficum, & omnes arbores, cum proruperint jam gemmas, cernentes ex vobis ipsis scitis, quod prope sit ætas; ita & vos cum videritis hæc fieri, scitote quod prope sit regnum Dei. Amen dico vobis, non præteribit ætas hæc, donec omnia facta fuerint. Luc. 21. v. 32.*

Constat ergo pium timorem a prognosticis Cometarum aliorumque signorum & portentorum in cælo aut in terrâ Jerem. 10. non prohiberi: sed  
super-



superstitiosum, idololatricum, magicum, Gentilem, à vanis, aut per dæmonas fabricatis cœlorum signis. Nihil aliud vel quibusvis adhibitis fideiculis, extorquebis. Adeo ut temerè & imperitè admodum hic textus *de Meteoris*, ex aliis antehac allegatus, huic negotio conficiendo adhibeatur, quamvis forte non lectus non relectus. Georgius Abotus in eruditissimis prælectionibus, prælect. ad *Judic* 5. v. 20. pag. 114. & seqq. rectè notat hoc textu non prohiberi insignem scientiam astronomicam, & observationem atque usum signorum cœli.

II. *Obiect.* Timenda potius peccata nostra, ingratitudo nostra; quæ iram Dei provocant, & secutura serius aut citius judicia Dei minantur. *Resp.* Accessorium non tollit principale. Verbum Dei impœnitentibus peccatoribus plagas denuntians timendum est, *Jes.* 66. v. 2. Nihilominus timendum etiam verbum in libro naturæ & communi experientia prædicans, *accipe redde, fuge*; Et *Raro antecedentem scelestum deseruit pede pœna claud.* Et, *Sera tamen tacitis pœna venit pedibus.* Et, *ἔξαι θεὸς ἐνδον ὄμμα.* Et, *virum malum vel ipse mordeat.* Et, *Dii laneos habent pedes.* Et, *Aspiciunt oculis superi mortalia iustis.* Et, *An te genitor cum fulmina torques, Nequidquam horremus, &c.* Ut mittam nunc theologiam mythologicam de Nemese, Astræâ, Rhadamanto, Erynnibus. Huic naturali & experimentalis theologiæ Apostolus testimonium perhibet *Rom.* 1. v. ult. *Qui* (Gentiles scil.) *Dei jure agnito, quod qui talia faciunt, digni sunt morte, &c.* Cum autem insolita portenta, & inter ea Cometæ juxta verbi divini & experientia dictamen magnarum calamitatum aut mutationum in rebus humanis plerumque sint signa, aut comminationes, commonitiones, classica pœnitentialia, ad mala præveniendâ & à nobis avertendâ: quidni ad conspecta ejusmodi portenta, Deum timeant, peccata sua timeant, quotquot in timore & tremore salutem suam operantur? Theologus qui quidem sibi & non tantum aliis, ad Deum suum ventrem colendum, aut ad ostentationem, aut ad contentionem theologus est, non culpabit conciones pœnitentiales, aut scripta & classica pœnitentialia, quæ sive *λόγους* suis sive *παιθεύς* talium signorum indicia admisceant. Nec piorum idiotarum excitatam per insolita hæc Dei opera devotionem, & viarum suarum considerationem, facile quis ridebit, nisi Epicuri & Luciani spiritu afflatus. Prostitit ab anno 1605. sine censurâ sine opprobrio *classicum pœnitentiale* Thomæ Kingesmilli Hebraicæ linguæ in Acad. Oxoniensi Professoris, Sereniss. Magnæ Britannia Regi Jacobo dedicatum: cujus non ignobilem partem facit terramentum terræ-motus anno 1579. Sic enim pag. 31. 32.

„ Quare ut fami, pesti, bellis, fera in veteri, sic terræ motus in novo Testamento succedit; de qua gravissima quidem illa Dei ultione dum pauca



„intertexantur, ne quis miretur aut gravetur. Terræ-motum Anno Dom.  
 „1579. usque ad tremefactionem hominum & rerum inanimatarum con-  
 „cussionem & lenimus, & horruimus. Sine modò, si terræ motum terræ  
 „metum dixerim. Nam hic motus urbibus, oppidis, villis, ædibus (ut ne  
 „dicam, Angliæ) metum modo incussit, rem ipsam non intulit. Quando-  
 „quidem vero terræ motus divinam potentiam & utcunque præsentiam  
 „ineffabiliter demonstrat, adeoque inter cætera prodigia commonet &  
 „commovet; peto à facilitate tua (Christiane lector) ut errorem meum  
 „minus diuturnum existimet, si animi aut verius animæ causa ex re de re  
 „omnium formidolosissima diutius differam. Inter cætera ficus germina  
 „non vulgare est terræ motus. *Dabo* (inquit dominus) *Prodigia à cælo sur-*  
 „*sum & in terra deorsum.* Ecce duplicia prodigia quæ à cælis vel quæ in  
 „terris patebunt. *Et paulo post*: Et quoties quatit modo terra adeoque  
 „cum homines, tum animantes & res creatæ vacillent, modo non corruant.  
 „Cujus speciei jam & hæc nostra concussio sit quæ ante proximos hos an-  
 „nos accidit. Quoniam vero sunt inimicitie ante pugnam, scintillæ ante  
 „ignem, nubes ante pluviam. (Nam & quæ præmonent præmuniunt) reli-  
 „quum est ut noster metus, qui in admonitionem Angliæ non irreligiosè  
 „quasi redivivus citatur, præcursor & monitor sit terræ motuum, qui sub  
 „adventum domini sunt futuri. In quibus terram dehiscere aperire os suum  
 „& omnia deglubere sine ulla cunctatione creditur. Perit per clementiam  
 „Dei in communi periculo unus aut item alter, labefactata sunt sed non in  
 „ruinam, templa, tecta, mænia, strata adeoque utensilia omnia. Minatur hæc  
 „tremefactio, quæ animata & inanimata complexa est, terræ-motus ma-  
 „gnos, grandia & gravia appropinquationis domini testimonia, quæ eo sunt  
 „tristiora, quo clarius est non aliunde quam à domini manu terram aperire  
 „os suum.

III. *Object.* Nimis trepidant, nimis tumultuantur homines, &c. *Resp.*  
 Nescio de quibus hoc dicatur. Verè pii, quotiescunque se recolligunt ad  
 unum timendum, ejusque offensionem per peccata, rectè explicato atque  
 applicato Stoicorum paradoxo *Nihil timere*, haut gravatè accedunt. Au-  
 diant philosophiam Boëthii lib. I.

*Gaudia pelle,  
 Pelle timorem;  
 Spemque fugato,  
 Nec dolor adsit.  
 Nubila mens est,  
 Vincitque frenis,  
 Hæc ubi regnant.*

Invicta



Invicta veritas de timore cum *apostata* commiscendo, ex ipso adversarii pectore erumpebat, cum concederet Epicurus, *initium salutis esse notitiam peccati*: apud Senecam epist. 26. qui de suo auream hanc sententiam ibidem depromit: *Deprehendus te oportet, antequam emendes. Qui peccare se nescit, corrigi non vult.* Atqui ubi peccatum, ibi timor, ibi dolor, ibi odium: quandoquidem & opera sua verentur iusti Job 9. v. 6. Quid autem non timendum, de quo non gaudendum, de quo ad non dolendum, quid non sperandum, docuit ad loc. cit. commentarius in Boëthium, qui communiter *Aquinati* adscribitur. Sed hæc vulgata & notissima sunt. Nos supra satis superque timorem explicuimus. Quod ad improbos, homines de hoc mundo, personatos hypocritas, pietatis securos, timore Dei vacuos, diem malum longè à se removeutes, (quorum characteres vide *Amos* 6. *Psalmi* 14. & 17. & 26. & 94.); quin & ipsos protervos *Diagoras*, *Epicuros*, *Lucianos*, *Rableffos*, *Vaninos*, totamque Neo-Saduceorum & spirituum fortium turbam: iis ego horrescere, consternari, plorare, desperare (nisi resipiscant) non tam jubeo, quam cum divino *Plalte Psalmi* 11. v. 6. 7. denuntio: *Pluet super impios laqueos, ignem, & sulphur, & spiritum procellarum, partem calicis eorum. Quoniam iustus Dominus, &c.* Quibus adijunge verba Servatoris nostri *Luci* 21. v. 8. *Et erunt signa in sole, & luna, & stellis, & in terris coartatio gentium in perplexitate; resonante mari, & fluctu, arescentibus hominibus (nota) præ timore & expectatione eorum, qua supervenient orbi terrarum.*

Si qui ad instar *Gasparis Schioppi* lectionem *Plauti* in juventute suâ lectioni verbi divini præferentis (teste anonymo vitæ ipsius scriptore cum *latyrâ Menippeâ* tit. *Munsterus hypobolimeus*, edito) *Suëtonium* quam scripturam (*Danielis* 5.) inspicere malint spiritus fortes, videbunt ibi in *Caligula* turbulentum & ecclasticum timorem, in mediâ *apostata* professione. Sic *Suëtonius* cap. 51. *Non immerito mentis valetudini attribuerim diversissima in eodem vitia, summam confidentiam, & contra nimium metum. Nam qui Deos tantopere contemneret, ad minima tonitrua & fulgura connivere & caput obvolvere, ad vero maiora proripere se è strato, sub lectumque condere solebat.*

Sed ne ultra quietis in *Zion* & fidentibus monti *Someron* (*Amos* 6. v. 1.) feralis nuntii *Michæ* aut tortoris *Apocalypsis* 11. v. 10. cum duobus illis testibus, vice fungi, atque adeo inter turbones & turbulentos classicum de cœlo canentes, coërcendus videar; dimittam eos verbis *Tertulliani* ad *Scapulam* cap. 3. & 4. Ubi portentis & judiciis quibusdam Dei in hostes *Christianæ pietatis* allatis sic affatur *Scapulam*: *Tibi quoque optamus admonitionem solam fuisse; quod cum Adrumeticum Mavilum ad bestias damna-*

*masses,*



mnases, & statim hac vexatio subsecuta est, & nunc in eadem causâ interpellatio sanguinis. Sed memento de cetero. Non te terremus, qui nec timemus: sed velim ut omnes salvos facere possimus monendo, μή πορευξέν.

## CAP. V.

Universali populorum, & sapientum consensu confirmatur sententia de prognosticis Cometarum.

**V** Incentius Lyrinensis in Commonitorio τὸ catholicum describit, Quod omnes, quod ubique, quod semper. Scriptores de veritate religionis Christianæ contra Atheos aliosque infideles, universalem Gentium, populorum, philosophorum, politicorum, & quorumcunque sapientum consensum appellant: non quidem singula singulorum suffragia numerando; quod impossibile est (singularia enim sunt infinita; & infinitura pertransiri nequit): sed selectiora quædam exhibendo, cum usitatâ inductionis formulâ & clausula: *Nec potest dari dissimile exemplum*. Nam pauculi illis Diagoras, Theodorus, &c. (si verum sit, quod de iis dicitur; de quo alibi dilquiritur) non tam homines sapientes, quam monstra hominum, & portenta insipientiæ, aut desperatæ malitiæ, nullo numero habentur. Nos universalem consensum cum hic obtendimus, putabimus nos vadi-  
monium non deseruisse, si ex omni ordine sapientum aliquos saltem ex celebrioribus, aut ex iis qui in literatorum manibus versantur adduxerimus: lectori curâ, plures alios cujuscunque ordinis inspiciendi & conferendi, relicta. Probè novi viro veritatis studioso apud veritatis studiosos rationibus agendum esse, non autoritatibus: quia tamen in ea calamitosa tempora incidimus, quibus in theologiâ aut philosophiâ paradoxo novatores, & neo-Sceptici omnibus de communi Christianarum & reformatarum Academia-  
rum sententiâ limites bene positos tuentibus dicam τὸ ἀτόπῳ, τὸ ἕνῃ, τῷ καίνοφρονίῳ, apud imperitos aut morphoticos literatos, aut paucorum librorum cognitores, scribere audent: molestia hæc mihi devoranda fuit, in aliquorum autorum verbis exscribendis, aliorum nominibus & libris solummodo indicandis.

In primâ ergo fronte colloco, polyistora Vossium, plurimis scriptis celeberrimum, & Isaacium Pontanum in omni philosophiâ & mathefi, quam in illustri gymnasio Harderoviceno multis annis professus est, nec non in utraque literaturâ, antiquitatibus & historiis versatissimum, regni Daniæ & ducatus Geldriæ historiographum; de quo scripta ejus testantur.

Ille in eximio & arduo opere de idololatriâ Gentilium lib. 3. cap. 3. contra



tra à nonnullis opposita duo Cometarum exempla tempore Augusti & Neronis, asserit : *Sed potius rei tristis esse nuntios, omnium ostendit temporum historia.*

Iste in collegii physici disp. 10. quæ est de Cometis, Harderovici propositâ a. 1636. Resp. Bernardo à Laer probl. 4. *Cælestium horum corporum cum insolita ac rara sit apparitio, ea etiam aliquid portendere, si non ut causas, saltem ut signa omnino statuendum est. Et hoc ita esse omnium sæculorum observatione constat.* Et paulo post : „Quin & nostrum hoc sæculum si videamus, quantæ „secutæ sunt rerum vicissitudines lernaque malorum Cometam eum, qui „superioribus annis (*a. scil. 1618.*) observatus omnibus ac visus, paulo ante „eam, quæ nobis adhuc in oculis cordolioque est, Germaniæ vastationem. „Ita quoque olim vir clarissimus *Cornelius Gemma*, mathematicus quondam „Lovanienfis, istam, quæ primos Belgicæ motus ac mala præcessit, „stellam novam anni 1572. & qui eam statim excepit, anni 1577. Cometam, „horum prænuncios & veluti feciales fuisse haud vanè auguratus est „libro suo 2. *Cosmocriticæ*. Quamvis confutare eum quodammodo velit „nobilissimus aliàs ille, quem & modò nominavi, *Brahæorum* apud Danos „*Tycho*, ubi de eadem stellâ agit Progym. lib. 1. hæc scribens : Indulgere hic „affectibus nonnihil videtur Gemma, cum stellam hanc toti mundo ostensam, „in Belgicos motus trahat ; ac si nihil in mundo sit, vel agendum restet, „quam quæ illic tumultuosè agitantur. At verò tacuisse hîc, nec à tanto viro „*φασμα* istud prolarum, oppidò voluissim. Nam sane, quæ tum simul incidit, „Parisiæ laniens & Belgicum hoc bellum, ecquas non Galliæ tantum ac „Belgio, sed toti Europæ, sive sacra sive prophana videamus „mutationes intulerit, testari rerum memoriæ poterunt. Et ut vir quispiam „summus ad hominem in terris summum de Belgio scripsit, exiguus quidem, „sed potens & magni in omnes partes momenti hic angulus terrarum „est : Et ut erit hic facies rerum, ita & in plerâque finitimâ Europâ erit. „Sed ut notandus, ita vicissim excusandus hîc Tycho, qui de loco, situ, ac „magnitudine stellæ, quod Astronomi est, præcipue sollicitus, indignatus „quali Gemmam fuit, hunc etiam in censum Astrologica, vel, ut propius „dicam, prognostica adducentem.

His proximè adjungo philosophos, medicos, mathematicos quorum aliquos compendii causâ, solum indico, sed bonâ fide : quod experientur illi qui eosdem, aut aliquos ex iis inspicere dignati fuerint. Sunt autem isti qui nunc mihi ad manum sunt, & quos de novo nunc contuli, ac relegi ; Barthol. Anglicus de proprietatibus rerum lib. 8. c. 32. Thomas Bricot in comentar. ad meteorolog. Aristotelis ; itemque Conimbricenses ; Garceus, & Froymundus in suis meteorologicis ; Savonorola, Titelmannus, Melan-

H

thon,



thon, Magyrus, Lieblerus, Goclenius, Sennertus, Gutberlethus, Johannes Rodolphus Faber, Eustachius de S. Paulo, Nollius, Sperlingerus, Ifendor-  
nius, Senguardius in suis physicis; insuper Cardanus lib. 4. de subtilit. &  
lib. 1. de rerum varietate cap. 1. Peucerus in libris de divinationum generi-  
bus, & in chronico; Joach. Camerarius in tract. de ostentis pag. 280. Corne-  
lius Gemma lib. 1. de divinis naturæ characteris cap. 8. Keckermannus in  
systemate & in dissp. physicis; Veno philosophus Franequeranus in dissp.  
physicis, propositis anno 1604. Alstedus in physicâ harmonicâ, encyclo-  
pædiâ, & theologiâ naturali; Jonstonus in Thaumatographiâ; Petrus Gre-  
gor. Tholosanus in Syntaxi artis mirabilis lib. 35. cap. 24. Idem in Politicâ  
lib. 21. cap. 6.

Preluxerunt ipsis ex antiquis Seneca lib. 7. quæst. Natural. cap. 7. & 26.  
Plinius lib. 2. c. 28. Cicero lib. 2. Naturâ Deorum. *Ab ultimâ antiquitatis memo-  
riâ notatum est, Cometæ semper malorum prænuntios fuisse.* Adducamus nunc  
testimonia aliquot astrorum, qui Cometæ suo tempore visos accuratè  
observârunt & aliorum ac prædecessorum observationes studiosè legere ac  
conferre solent. Inter quos primus sit Appianus, qui (cit. Sperlingero) ait,  
*experientiam docere, conspectos semper peculiare & tristes effectus subsequi;*  
*quemadmodum ex multis historicis & astrologorum libris & observationibus videre*  
*est.* Sequitur Jacobus Milichius Medicus & professor matheseos Witteber-  
gensis in commentar. ad Plinii lib. 2. a. 1563. c. 25. *cum igitur omnium ætatum*  
*observatione compertum sit, Cometæ minari tristes eventus, rectè in causâ fi-*  
*nali hac significatio recensetur.* Et scitè veterem Græcum versiculum mutavit  
Joach. Camerarius *Ἰδεὶς Κομήτης ὄντις ἡ ναυὸς φέρεται.* Ibid. pag. sequ. 199. *Eo*  
*etiam libentius in hac disputatione commoratus sum, ut adolescentes sciant Co-*  
*metas non frustra apparere, sed ut res magnas denuntient, ut admoniti miri-*  
*gare eas studeamus.* Barbaries quædam est, huiusmodi signa, quæ & physicas  
aliquas causas habent, & bonorum ac prudentum iudicii comprobata sunt, te-  
mere aspernari. *Quæ quidem ita sunt consideranda, non ut eximant animis*  
*pietatem, sed ut rectam & piam de Deo sententiam in nobis confirmet; ut*  
*divinitus ordinata esse quædam signa iudicemus, quæ nos admoneant, ut à Deo*  
*opem imploremus.* Ibid. pag. 186. *Est autem bene instituti animi ea quæ do-*  
*ctissimi homines longâ observatione comperta tradiderunt non aspernari: nam*  
*inepti, qui fastiditis eruditorum & prudentum iudiciis, nova querunt sine soli-*  
*dis rationibus aut observatione aliquâ, fingunt ex sese ridiculas & absurdas*  
*opinionem, interdum etiam perniciosas moribus, &c.* Peucerum, Gemmam, Isac.  
Pontanum mathematicos & observatores Cometarum, sed graviter & piè  
de iis philosophantes ac *πολογίζοντας*, supra adduximus.

Philippus Lansbergius in poemate anno 1607. mihi lecto, Cometæ istius

cœ-



coeleste nuntium & monitorium (juxta communem sententiam) cecinisse memini: sed verborum, quippe semel atque iterum forte lectorum, memoriam non retinui, nisi duorum postremorum versuum; quos supra exhibui. Adde *Davidem Christiani* mathesios in Academia Gießenâ, ibidem extraordinarium theologiæ professorem, qui in tract physico-astronomico-historico de Cometis anno 1653. in præfat. „ Quis enim, inquit, in historiâ „ tam hospes est, qui nesciat minaciter satis & frequenter coelestium opificem Deum opt. max. sub effœti hujus mundi finem coelestia portenta, „ eclipses luminarium, solis & lunæ horrendas, conjunctiones magnas & „ ac tericas superiorum planetarum formidabiles, novas *πρωτοδεις* stellas, „ Cometas stupendos & ferales, multiplicatos soles aliaque ostenta & allicitia phænomena, in cœlo effulgere voluisse, quæ nonnihil præter consuetam naturæ legem portendunt, & singulari numinis providentiâ ac dispensatione in hac mundanâ œconomiâ, antequam evenerit, insinuant, „ hominesque ad veram pœnitentiam adhortantur, ne quispiam *ἀναπολόγη* „ *ῥο* reperiat. *Ibid. pag. 5.* Hic in utrâvis aurem otiosè dormire, & „ securè velut stertere, stuporis est extremi, hominis pro quam Epicuræi, Cyclo- „ pico furore prorsus dementati, & præ immensâ insaniâ nihil sentientis „ amplius. Quapropter cum hæc ita se habeant, nec à cordato facile negari „ possint, quis dubitabit, etiam nunc aliquid nobis peculiari portendi, novi hujus phænomeni & Cometæ exortu, qui nobis superiori (1632.) „ illuxit.

Plures astronomos diligentes istorum signorum observatores adducere: sed quia non pauci eorum meditationes suas ad alia quædam ulterius extendunt, in quibus nec nostra theologia eique ancillans sana ac sobria philosophia, ut nec *Libavius*, cujus declamationem recusam hic exhibemus, certitudinem hactenus invenire potuit; hæc vice citandis & exscribendis illis superfedebam. *Dominus de Chavigny* linguâ gallicâ anno 1606. edebat *Pleiadas*, hoc est, septem libros variorum autorum vaticinia continentes; quibus subungebat Discursum paræneticum super rebus Turcicis, & tractatum de Cometâ anni 1604. ubi apologiam suscipit contra illos qui ajunt Cometas nihil esse, nec ullam eorum significationem. Quod autem ad divinationes ille se trahi passus est, & figuram coelestem super nativitate istius Cometæ anni 1604. ibidem p. 100. erigit ac depingit, ipsi relinquimus:

*Nunc tali auxilio, nec defensoribus illis*

*Tempus eget.*

*Secundam* testium classem constituunt Poëtæ; qui antiquorum Gentilium philosophi, & theologi habebantur, & communi nomine vates dicebantur.



Virgilius Georgic. 1. calamitates suorum temporum & signa ac prodigia earum describens, de Cometis canit:

*Non alias cælo ceciderunt plura sereno  
Fulgura, nec diri toties arsere Cometa*

Idem Æneid. 10.

*Non secus ac liquidâ si quando nocte Cometa  
Sanguinei lugubre rubent, aut Sirius ardor.  
Ille sitim morbosque ferens mortalibus agris  
Nascitur, & lavo contristat lumine cælum.*

Silius Italicus lib. 1.

*Crine ut flammifero terret fera regna Cometes  
Sanguineum spargens ignem, vomit atra rubentes  
Fax cælo radios & sævâ luce coruscum  
Scintillat sidus, terrisque extrema minatur.*

Idem lib. 8.

----- non unus crine corusco  
*Regnorum everfor tribuit letale Cometes.*

Lucanus lib. 1. de bello Pharsal.

----- crinemque timendi  
*Sideris, & terris mutantem regna Cometen.*

Manilius lib. 1. Astronom.

*Talia significant lucentes sæpe Cometa.  
Funera cum facibus veniunt, terrisque minantur  
Ardentes sine fine rogos, cum mundus & ipsa  
Ægrotet natura novum sortita sepulcrum  
Quin & bella canunt, ignes, subitosque tumultus.  
Et clandestinis surgentia fraudibus arma.*

Seneca in Octaviâ, aut quisquis est autor istius tragœdiæ,

----- vidimus cælo jubar  
*Ardens Cometam pandere in festam facem,*

Statius Papinius 1. Thebaid.

----- mutant que sceptra Cometa

Valerius Flaccus Argonautic. lib. 5.

*Interea auguriis, monstrisque minacibus urbem  
Territat antemonens semper Deus, & data sævi  
Signa mali.*

Idem lib. 6.

*Ab Jove fatales ad regna injusta Cometa.*

Claudianus lib. 2. de raptu Proserpinæ:



----- augurium qualis laturus in orbem

Præcep̃ sanguineo delabitur igne Cometes  
Prodigiale rubens, non illum navita tuto  
Non impune vident populi; sed crine minaci  
Nuntiat aut ratibus ventos, aut urbibus hostes,  
Et nunquam cœlo spectatum impune Cometen.

Ex recentioribus Jovianus Pontanus in Meteor. de Cometâ anni 1472. calamitatibus descriptis concludit,

Usque adeo insandam in rabiem fera sævit Erynnis  
Et dirus quatit in terras iacula aspra Cometes.

Salustium Barasium celebrem Poëtam supra cap. 2. exhibuimus.

Michaël Neander in re Poëtica Græcorum lib. 1. adducit hos versus Homeri.

Λαμπρότατον γέ μιν ἐπὶ κρονὸν δέτε σῆμα τέτυκται  
Καὶ π φέρει πολλὸν πρὸς δειλοῖσι βροτοῖσι

Lucidissimus quidem est, verum malum signum seu portentum

Et fert multam febrem timidis hominibus.

Locum Homeri non indicat Neander: nec à festinante prælo tempus inquirendi mihi conceditur. Agat hoc cui plus otii est. Interim versus, qui Iliad. 4. non ita procul à principio, Poëtæ consensum satis indicant:

Οἷον δ' ἄστρα ἥκε Κρόνος παῖς ἀγκυλομήτεω

Ἡ νούτῃσι τέρας, ἥε σφαῖρα ἑυρεῖ λαῶν,

Λαμπρόν, τὸ δὲ π πολλοὶ ἀπὸ σπινθήρος ἔνθεν.

Qualem autem stellam misit Saturni filius sagacis

Aut nautis portentum, vel exercitui latè populorum,

Splendidam, ex eâ autem multa scintille emittuntur.

Et Iliad. 4. seu lib. xi. paulo post principium:

Οἷον δ' ἐκ νεφῶν ἀναφαίνεται ἄλυστος αἴθερ,

Παμφαίνων

Qualis autem ex nubibus apparet pernitiosa stella

Lucens

Aratus interprete Grotio:

Nolim equidem gemini, pluresve, unusve Cometes,

Flammistrum ducat spatioso limite crinem,

Ne fitiat, &c.

Sibyllina oracula sic dicta, non prætereo: quamvis mihi maximam partem hypobolimæa aut interpolata sint (quod propediem ab eruditiss. & diligentiss. viro demonstrabitur); aliquem tamen autorum istorum, quicumque ea fabricarint, consensum nobis suppeditant. lib. 3. *Εἰ δὲ δύσει, &c. quæ*  
Castalio sic παραφράζει,



Sole sub occiduo vero vocitata Cometa  
 Stella relucebit, gladii mortalibus index,  
 Et famis & mortis, præclarorumque virorum,  
 Atque ducum interitus magnorum, nobiliumque:  
 Maxima præterea mortales signa monebunt.

Et lib. 8.

Sidera multa deinceps, splendentemque Cometam,  
 Appellant homines stellam mala significantem  
 Imminet ut multum bellum, vastatio, strages.

Belgicus 1. hebdom. Bartasii paraphrastes, generosus Baro Asperensis Wenceslaus van den Boerseler, Belgis suis canit

maer als den damp genaecht

Het kouwe vriesend' huys / jae selfs daer boven raecht  
 Ontstreekt' haer selven oock / en als een nieuwe Sterre  
 Een aenstaend' ongeluck vertoont zy ons van verre.

Ronsardus decus Poëtarum Gallicorum (apud Dominum de Chavigny in tract. de Cometâ anni 1604. pag. 145.)

Certainement le ciel mair de la ruine  
 D'un Sceptre si puissant, en a montré le signe,  
 Depuis un an entier n'a cessé de pleurer:  
 On a vu la Comete ardante demeurer  
 Droit sur nostre pais: & du ciel descendante  
 Tomber à Saint Germain une colonne ardante  
 Nostre Prince (Henry 2.) au milieu de ses plaisirs est mort.

Iterum audiatur Bartasius qui in die 2. hebdomad. 1. post recensita istorum temporum prodigia, de Cometa anni 1577. Gallix suæ sic loquitur:

Quin ergo hortantis demens te Gallia cæli  
 Monstra movent? tete monitis feralibus urget,  
 Ad frugemque vocat: tene hoc, durissima, siccis  
 Prodigium usurpare oculis, quod lampade tristi  
 Assidue in noctem, tremulos tibi ventilat ignes,  
 Ætheris horribili aspectu? stellane comantis  
 Casariam ignivomam, & cirris ardentibus ingens  
 Proluvium irrides flamma? Non dira tremiscis  
 Cæli signa gravis? quod pestem atque horrida Martis  
 Arma, famemque quatit, trisidæ tres cuspidis alas;  
 Cuspidis in populum fontem, quam magna Tonantis  
 Molitur manus, & certo jam destinat ictu.

Goulartius in commentar. ad hunc locum (in Gallico ad v. 820. pag. 177.)

Mi-



Miseria, inquit, Gallia eleganter descripta est. Et nullâ aliâ annotatione ad textum hunc opus est, quam consideratione status Gallia bis 35. annis. Cometa de quo loquitur est anni 1577. &c. iste fuit tanquam presagium malorum, quæ postea evenerunt.

Tertia classis testium sequitur, historicorum scil. Ubi facilius initium quam finem invenire queas. Cui enim non dictus Hylas? Inter omnes historicos & chronologos, quos antehac legi, aut nunc inspexi, nullum reperio, qui quidem Cometarum sui temporis meminit, sine appposito aliquo iudicio aut saltem epitheto à denuntiatione malorum desumpto, simpliciter *ispeit*: excepto forte Cambdeno, qui part. 3. annalium ad ann. 1582. pag. 350. omnem crisin procul habere videtur, quamvis nolens volens aliquid dicat: Cometam, inquit, mense Maio prope capellam conspectum, &c. & horrendam in Norfolciâ tempestatem crebro fulmine, tonitru, impetuoso ventorum furore, & densissimâ grandice trium pollicum crassitudine, stellularum in calcaribus figurâ efferatam, satis sit vel verbo memorasse. Idem part. 2. ad ann. 1580. pag. 314. Narrationi terræ-motus in Angliâ mox subijcit: Motus vero subsequutus est in Pontificios per Angliam, sed ab ipsis excitatus.

Inter historicos primus sit Justinus, qui anno, quo natus est & postea regnum iniit Mithridates Cometen portentosæ magnitudinis ac fulgoris bis per 70. fere dies apparuisse scribit: qui proculdubio futuræ illius potentie pariter atque crudelitatis, quâ universum fere terrarum orbem turbavit atque vexavit, prænuntius fuit: sunt verba Joh. Gul. Stuckii in scholiis ad Arriani periplum ponti Euxini pag. 36. Inter alia Alastoris illius, familiæ patriæ, & multorum regnorum malo nati & regnantis facinora, referuntur, quod in Asiâ uno nuntio atque unâ literarum significatione 80000. civium Romanorum nullâ sexus aut ætatis habitâ ratione trucidari curaverit. Quod idem non tam homo (sunt verba Stuckii pag. 38.) quam fera quadam immanis, immo monstrum quoddam atque portentum (cujus duo illi Comete verissimi vates fuerunt) plurimis sese matris, fratris, uxorum atque concubinarum, trium filiorum, totidemque filiarum, ducum atque amicorum cadibus atque parricidiis contaminavit, bellis funestissimis, &c. universam Græciam, Asiam, orbem denique terrarum infestavit. En Cometen faustum regni Mithridatici prænuntium; qualis Neronianus: de quo infra cap. 6.

Flavius Josephus, Eusebius, Orosius, Polybius, Diodorus Siculus, &c. supra pag. 28. 29. 30. citati sunt. Antiquorum ac mediorum sæculorum historicis addendi sunt Suëtonius in Tiberio Claudio cap. 46. Presagia mortis ejus fuerunt, exortus crinita stella, &c. Quem Cometam Seneca lib. 7. natur. quæst. cap. 17. Claudianum à Neroniano distinguit, tanquam in diversum circumactum. Plinius lib. 2. cap. 25. de eodem hoc Cometâ: terrificum ma-

gnâ



gnâ ex parte sidus in nostro ævo circa beneficium, quo Claudius Cæsar Imperium reliquit Domitio Neroni, ac deinde principatui ejus assiduum ac sævum. Beroaldus in commentar. ad Suëtonii Neronem Claudium: *Sidus est terrificum, & præcedens regnorum everfiones*. Theod. Marcilius in notis ad Suëtonii Vespasianum cap. 22. *Principum mortes regnorumque conversiones portendere soliti Cometa, sive stelle comata*. Dion Cassius supra cap. 3. cit. Ammianus Marcellinus lib. 30. *rumas fortunarum indicantia celsarum arserunt crinita sidera Cometarum*.

Transio ad aliquot historicos ecclesiasticos.

Philostorgius apud Photium in epiromâ lib. 12. cap. 8. descripta à se insolitâ stellâ, anno 408. quam rationibus aliquot contendit non fuisse Cometam, censet, *hoc signum fuisse multorum bellorum, hominumque interitus incredibilis indicium*. Idem lib. 10. cap. 9. de alio quodam xiphoide astro, insolito & insueto in cœlis viso pronuntiat, quod factum sit nuntius magnorum malorum orbi futurorum *μεγάλων κακῶν τῇ δικεμένη γενέσθαι ἀξίον*. De his insolitis astris etiam Nicephorus: qui idem cum & ex Philostorgio lib. 10. cap. 11. & lib. 12. cap. 12. de aliis prodigiis, ut terræ-motu & monstribus; & lib. 13. cap. 37. de Cometâ.

Socrates lib. 6. histor. eccles. cap. 6. *Tam grave etiam imminabat periculum civitati (Constantinopoli) ut Cometa maximus à cœlo ad terram usque pervadens (similem vero antea nemo aliquando aspexerat) illud ipsum portenderet*.

Sozomenus lib. 8. cap. 4. *Quo tempore & Cometa has insidias portendebat, qui supra civitatem maximus apparuit, &c.*

Eutropius lib. 10. & ex eo scribit Baronius ad ann. 337. S. 7. prænuntiam Constantini obitus apparuisse in cœlo crinitam stellam, quæ inusitatâ magnitudinis diu refulsit.

Theophanes, apud Baronium ad ann. 632. S. 1. apparuisse ferunt in meridie Cometen gladii formam præ se ferentem Arabum (ut eventa declarârunt) invalescens imperium demonstrantem. Baronius ibid. de hoc Cometâ: *Quo tempore & signa in cœlo visa sunt minitantis iræ Dei, ejusdemque pro Saracenis pugnantis adversus desertores catholica veritatis*.

Beda lib. 5. hist. eccles. c. 24. autor est, sub tempus, quo horribile illud prælium inter Abderamam Saracenum & Carolum Martellum in Turonum finibus commissum est, duas Cometas bis septenis diebus fulsisse; alterum solem matutinum antecedentem, alterum vespertinum subsequenter, face ignea Aquilonem spectantes.

Joh. de Beka de episcopis Ultrajectinis in Guidone episc. 32. Anno Domini 1316. radiosus Cometes apparuit, mortifera pestis inhorruit, & valida famēs invaluit, &c. Arnoldus Buchelius JC. exercitatus, in historiis atque anti-



antiquitatibus, si quisquam, versatissimus, idemque verè religionis & pietatis studio, nec non prudentiâ, candore, morum gravitate & integritate in hac urbe spectatiss. (cujus familiaritate & favore cum viveret, quod mihi annis aliquot frui datum sit, in magna parte felicitatis pono;) hoc lemma marginale historico apposuit: *Cometa, pestem portendit & famem.* Idem in notis subjectis accuratè, distinctè, & cautè sententiam suam de Cometis sic expromit: *Cometa ut plurimum nuntius mali adventuri, aut instantis, juxta illud: Et terris mutantem regna Cometen. At quamvis naturales ei causas tribuant, ut Puteanus libr. singulari eam in rem scripto: tamen sapius mala secuta ingentia, observatione certissimâ cognovimus: (ad venerandam senectutem jam pervenerat, cum hæc scriberet, præterquam quod vastæ lectionis esset.) Exempla congegit in libellum olim Magyrus junior mathematicus, quo de Cometâ anni 1572. agit, cujus sequela fames acerrima, cum maximâ peste; quæ duo mala plerumque concurrunt, & à bello trahuntur.* Idem Beka in Aufrido Episc. 18. notat Cometam grandem in modum trabis jugiter apparentem, & bella & tumultus portendentem anno 1017. Ubi laudatus modo Buchelius annotat, Sigisbertum, Chronicon magnum, & ex nostratibus scriptoribus plerosque Cometæ illius meminisse.

Wilhelmus Heda in histor. episcop. Ultraject. in Davide episc. 55. Anno 1472. in principio apparuit ingens Cometes, quem secuta sunt fames, pestis, & bella continua ad plures annos. Ubi Buchelius in notis: Meminit hujus chronicon vulgare: & pleri, quæ olim persuasum Cometæ malorum instantium esse indices; Unde Lucanus vocat, crinemque timendi sideris, &c. Vide singularem eâ de re libellum Ambrosii Magyri: etiamsi Erycius Puteanus eam persuasionem ex animis mortalium evellere conatus sit libb. 2. editis.

Wernerus Role Vinck Carthusianus in chronico, cujus tit. fasciculus temporum ad ann. 1279. Cometa visus est signum malum, quod plurima secuta sunt afflictiva christianitatis. Idem ad ann. 1472. Cometæ figurâ, colore, & motu descripto, ait bella secuta esse & epidemias, æstatem ferventiss. siccitatem inauditam, & in quibusdam terris ignem sub terrâ succensum usque ad arenas.

Hermannus Schedel in chronico ad ann. 814. 954. 1314. 1351. notat Cometæ tanquam magnarum calamitatum indicia, apparuisse. Sigebertus Gemblacensis in chronico varios notat Cometæ: ad ann. 541. diversa signa & prodigia in diversis Galliarum locis conspecta, & Cometen, secutas ait varias clades, quæ populos afflixerunt. Idem ad ann. 1110. multis conjicientibus hoc signo (Cometæ scil. radios dirigentis ad austrum) portendi Regis Henrici quinti expeditionem, Italiam versus.

Nauclerus Chronograph. vol. 2. generat. 2. in descriptione calamitatum  
I istius



istius temporis fol. 576. Tanto vero hoc tempore apparuerunt prodigia, quanta nunquam antea. nam & Cometes visus est perlucidus, & Byzantii puer quadrupes nascitur, & apud Delon insulam duo humana monstra humana specie visa sunt. Recentiores aliquot advocemus, quos Gentilibus aut Pontificiis superstitionibus minimè assuetos aut deditos fuisse novimus.

Peucerus lib. 4. & 5. chronici aliquoties notat portenta & Cometas, tanquam signa prognostica.

Petrus Bizarus histor. Persicæ lib. 2. pag. 82. Has ingentes totius Græciæ calamitates denuntiârunt eclipsis solis initio belli facta, qua medio die tenebras fecit, adeo ut stella conspicerentur; & Cometa, qui arsit 60. diebus. Idem lib. 4. pag. 151. denuntiata mors ejus, etiam per crinitam stellam, &c. Idem lib. 5. pag. 182. Justiniano imperante quam plurima prodigia exstiterunt, &c. & rursum anno 27. Imperii ingens terra-motus, &c. & insequenti anno facta sunt tonitrua & fulgura horrenda, &c. at tricesimo Imperatoris anno apparuit Cometa ardens, &c. Subsequenti anno factus est alius terra-motus valde horribilis, qualem vix ulla ætas meminerat. lib. 7. pag. 258. hanc novorum hostium inopinatam irruptionem & Turcorum progressum antecessit Majo mense Cometa, &c. secutus postea 23. die Septembris terra-motus valde horribilis. Lib. 8. pag. 273. Hæc autem prodigia (Cometa, & solis obscuratio) sive ostenta divinitus immissa, proculdubio irruptiones & progressiones in diversis orbis terrarum partibus subsequuta sunt, &c. Ibid. pag. 276. Tartarorum in Europam irruptionem, &c. antecessit anno 1211. Cometes, qui Majo mense totos dies octodecim arsit, & terribilem flammam sparsit. Ideo prorsus fatalem fuisse existimandum est.

Christoph. Pezelius in mellificio historico part. 2. ubi de Mauritio Imperatore: Antecesserunt hanc tristissimam ruinam familie ipsius prodigia & somnia. Conspexit Cometes, qui ab astrologis in specie & φάος dicitur.

Philippus Glaferus J.C. & histor. in Acad. Argentinenſi prof. in synopsi histor. universalis lib. 4. cap. 21. Decessit (Maximilianus Imperator) anno Christi 1550. cum in cælo ante paucos annos in Cassiopea asterismo nova ac prodigiosa visa fuisset stella, &c.

Joachimi Camerarii tract. de Ostentis, qui cum Julio Obsequente excusus, huc referri debet: cui veteris Poëtæ versiculum Cometeris applicatum & ab illo tempore à plurimis repetiturum, inseruit:

*Οὐδὲν ἄριστον ὄντις ἂν ἤνεια φέρον.*

Idem Camerarius in oratione funebri ostenta prælium & casum Mauricii Saxonie Electoris antecedentia commemorat: ex quâ eadem portenta excerptit Sleidanus histor. lib. 25. ad ann. 1553.

Simon Goulartius in histor. Imperii Orientalis & Occidentalis ab anno Christi 1220. ad ann. 1600. Genevæ 1609. editâ ubi pag. 436. ex Peuceri chro-



chronico inserit hæc verba : Fuit omnino hæc Tartarorum in Europam irruptio tempestati similis , qua vi procellarum obvia quaque perripit ac prostravit Antecessit anno 1211. Cometes , qui mense Maio totos dies octodecim arsit , & flammam terribilem sparsit. Ideo prorsus fatalem fuisse iudico. Puniri ovium Deum ab extremâ gente usque & insolentiam earum gentium voluit , &c.

Gutberlethus in chronologiâ ad ann. 1621. Apparuit in Graciâ Cometes à solstitio æstivo usque ad æquinoctium autumnale , &c. Hæc signa mox secute sunt Turcicæ eruptiones , &c.

Hottingerus in histor. eccles. aliquoties ostentorum meminit , part. 1. cap. 7. sect. 1. § 7.

Nos ex sæculo 15. cap. 15. sect. 1. pag. 8. hæc ejus verba solummodo enotamus : Eo prolixius & diligentius hæc (de portentis & Cometis) sunt eruenda , ut , ubi eadem nostrâ ætate observantur portenta , quod quidem paucis ab hinc septimanis contigit , quid de iis nobis polliceri possimus , ex historicis discamus. Idem cap. seu sæculo 16. pag. 26. 27. 28. relatis ex continuatore Sleidani pluribus & insolitis anni 1560. prodigiis , inter quæ Cometa , concludit : Hæc omnia quas portenderint calamitates , sequentium temporum historia docet.

Achilles Gassarius in chronico ad ann. 1535. Solo hoc biennio tres Cometa infinitam rerum atque imperiorum mutationem prænuntiantes in æthere apparuerunt. Similiter Leunclavius histor. Musulmannæ lib. 14. pag. 508. & lib. 15. pag. 583.

Atque hi quidem supersticiosæ credulitatis minime suspecti : Præter hos historici Romanæ communis veritati testimonium perhibent : ut Thuanus lib. 21. ad ann. 1558. & lib. 27. ad ann. 1560. & lib. 46. ann. 1569. Mathias à Michou de Sarmatiâ cap. 2. scribit Cometam anni 1211. Supra Poloucos , Tanaïm & Russiam gyrantem , adventum Tartarorum significasse. Bonifacius in histor. Hungaricâ , aliique.

Quarta classis est theologorum : inter quos primo nominandi commentatores ad Math. 24. & Luc. 21. quorum aliquos supra pag. 28. indicavimus.

Melanthon in physicâ , in epistolis , & alibi satis mentem suam de Cometarum prognosticis explicuit : & forte nimius fuit in interpretatione portentorum. Scriptor vitæ Melanthonis apud Melch. Adamum testatur tribus annis continuè tunc Cometas conspectos ; de quorum consideratione multa eruditè ad amicos Melanthon.

Joh. Brentius in Lucam , cap. 21. homil. 39. fol. 450. b. „ Deinde reci- „ tantur nobis horrenda prodigia & terribilissima , de quibus Christus hic „ loquitur , & quæ præcesserunt devastationem gentis Judaicæ , ut disca-



mus inusitata signa, quæ de cœlo in aëre interdum videri solent, ut sunt, Cometae, armatae acies, & id genus alia, non esse vana, nec deridenda. Etsi enim Hieremias dicat, signa cœlestia non esse metuenda, addit tamen, sicut Gentes metuunt. Gentes enim tribuunt signis cœlestibus divinos honores, & divinam potentiam, ac metuunt ea contra verbum & promissionem Dei, adeoque malunt ad signorum cœlestium minas animum despondere, quam ad promissionem Dei animo confidere. Hoc est cœlestia signa pliusquam Deum colere. Sic cœlestia signa non sunt metuenda. Sed cum inusitata prodigia cœli id plane malum minantur, quod verbum Domini futurum adnunciat, ibi tum ad signa cœlestia ita trepidare, ut timeas iram Dei & resipiscas, non solum tolerabile, verum etiam pius erit. In malis enim futuris solet Deus & piis & impiis suas proponere conciones, quibus illi in timore Dei continentur, hi autem ad timorem Dei & resipiscantiam excitentur. Piis proponitur verbum Dei, quo solo contenti, ambulant in vocatione Dei, & continentur in officio, etiamsi totus orbis ceciderit. Impiis autem, qui verbo Dei ad terrorem & resipiscantiam minime excitari volunt, ponuntur ob oculos, præter verbum Dei, etiam stupenda signa de cœlo, ut vel concutiantur metu & resipiscant. Quare ad inusitata cœli prodigia non est ridendum, sed timendum, non oscitandum, sed resipiscendum, quo imminencia, & peccatis nostris optime merita mala suffugiamus.

Joh Spangebergius in Postillâ ad dominic. 2. adventus *Luc. 21. fol. 13. b.*  
In singulis locis terræ motus erunt. Resonabunt procellæ atque fluctus maris ac fluminum. Extalescent homines præ timore, & expectatione eorum, quæ supervenient orbi terrarum. In summa, cœlestes omnes atque terrestres creaturæ non obscuris signis iram Dei prænuntiabunt. Sol, Luna, Stelle, & breviter, omnia elementa portendent. Multi solis ac lunæ defectus, horribiles Cometae, atque variae prodigiorum rariorum figurae, & ostenta videbuntur in cœlo. Venena spirabit aër, & pestilentia mortiferam contagionem diffundet. Rara inauditaque morborum genera prædominabuntur: fluminum inundationes, & ignium incendia totas regiones absumant. Maxima tempestatum, tonitruum, fulgurum atque nimborum violentia, ventorumque turbo domos & arbores cum radicibus imis subvertet. Crebris terræ motibus insulae, simul ac provinciae disperdentur. Exoriantur factiones, seditiones, bella, prælia, quæ sanguinolenta. Gens contra gentem insurget, regnum adversus regnum.

Jacobus Heerbrandus theologus Tubingensis in concione anno 1578. Tubingæ habitâ, inter alia sic auditoribus suis loquebatur: *Vos vero audi-*



„*tū quidem, at non admittit in cor. Non metuitis Turcas? Non meministis*  
 „*virga nuper in cœlo conspecta: horrendi illius, inquam Cometæ? Vidi-*  
 „*stis nuper aquarum inundationem horribilem, &c. Hanc concionem à*  
 „*se audiram Martinus Crusius tanti faciebat, ut non solum Græco sermo-*  
 „*ne inter audiendum eam notaret (hic in transitu observa non tantum an-*  
 „*tiquos olim, aut ex protestantibus & reformatis diligentes ac pios quosvis*  
 „*auditores in Angliâ, sed & in Germaniâ conciones excipere solitos), sed*  
 „*& Metrophani Metropolitæ Berthoënsi, & Patriarchæ Constantinop. Vi-*  
 „*cario, ejusdemque fratri transmitteret; cum hæc clausulâ: Hæc tibi capi-*  
 „*ta sunt illius concionis: hic nostrorum in templo concionandi modus:*  
 „*Turco-Græciæ lib. 7. epist. 24. pag. 474. Ibid. in annotationibus ad lib. 7.*  
 „*p. 511. refert Cometæ illius Constantinopoli & Tubingæ conspecti figuram,*  
 „*fitum, & consequentia. In oppido, inquit, vicino Reutlingâ anno 77. & in*  
 „*Januar. 78. peste obierunt 906. homines, Tonitrua 15. Maji 1578 post 12. us-*  
 „*que post 2. horam diei magna: & imbrium effusio ponderosa, inundatio lara, &*  
 „*nonnihil grandinis. Laceratio tunc vinearum; interitus alicubi hominum ac ju-*  
 „*veniorum, & in oppido Horba afflictio.*

„Mornæus Plessiacus, Usherius, Pezelius theologi, supra alia occasione  
 „adducti sunt: Victorinus Strigelius in postillis à Pezelio 1584. editis, ad do-  
 „min. 2. adventus, pag. 20. „Nimis leviter sentiunt de pulcherrimis mundi  
 „corponibus, qui putant Solis & Lunæ & aliarum stellarum motum tantum  
 „esse signa tempestatum, cum Deus ideo has notas impresserit cœlo, ut  
 „Rebels denunciarent ingentes casus. Eclipses, conjunctiones, prodigia,  
 „trajectiones, Cometæ sunt Dei oracula, quæ minitantur vitæ hominum  
 „ingentes calamitates & mutationes: ut cum Græcis longum & civile bel-  
 „lum impenderet, multis signis tantæ calamitates, quæ erant poenæ magno-  
 „rum scelerum, significatae sunt.

„Nam & miræ magnitudinis saxum ad Argos fulmine è cœlo delatum  
 „est, & ante illius lapidis casum quinque & septuaginta dies assiduos cor-  
 „pus igneum eximie magnitudinis cœlo spectabatur, ut scribit Plutarchus  
 „in vita Lylandri. Denique initio ejus belli tanta Eclipsis conspecta est,  
 „ut tenebræ essent, similes nocturnis. Hoc exemplum recensui, ut ostende-  
 „rem, manifestam impietatem esse, non considerare significationes illas,  
 „quæ divinitus in cœlo scriptæ ac pictæ sunt.

„Sed si quis & autoritatem requirit ex sacris literis, quæ observatio-  
 „nes commendat, habet in Matthæo 24. Christi testimonium gravissi-  
 „mum, ubi scriptum est: Statim post tribulationem dierum illorum Sol  
 „obscurabitur, & Luna non dabit lumen suum, & stellæ cadent de cœlo,  
 „Hic locus Matthæi lucem addit narrationi quæ est in Luca. Docet enim



„qualia signa futura sint, videlicet, Eclipses Solis & Lune, & casus stellarum.

„Etsi autem magna pars generis humani deridet hæc signa, & clamat, „etiam superioribus seculis Eclipses accidisse, ut posteriore Epistola cap. 1. „Petrus pulchre describit prophanam securitatem ultimæ ætatis mundi: tamen certum est, tam magnas & crebras Eclipses nunquam antea conspectas esse, quales in hac postrema mundi senectâ divinitus monstratæ sunt.

„Anno salutis nostræ 1414. quo Synodus Constantiensis habita est, accepimus Solem adeò obscuratum fuisse in ipsa pompa, qua panis gestari solebat, ut aves in terram deciderent, subita caligine tanquam nocturna perterrefactæ.

„Anno superiore 44. ut alia exempla omittam, quatuor Eclipses inusitatæ apparuerunt. Has conciones cœlestes non aspernemur Epicuræo more, sed cum Christus prædixerit, talia signa antecessura esse extremum diem, agamus poenitentiam, & oremus ut digni efficiamur conspectu filii hominis.

„Simon Pauli in dominical. ad eandem dominicam 2. adventus similia habet de creaturis iram Dei & tristes impendentium poenarum miseras & ærumnas nuntiantibus. De sui temporis signis. *Plurima signa in totâ naturâ apparet, nascuntur monstra, videntur Cometa, chasmata & his similia.* Plures possillas & conciones non accumulo: Ex adductis satis constare poterit, quomodo luce euangelii & reformationis exortâ eruditi & pii concionatores ad signa illa attenderint. Zanchius de divinat. supra pag. 33. cit.

„Simon Goulartius ecclesiastes Genevensis, & exercitatus theologus scriptis non paucis celebris, in commentariis ad Bártasium, & in histor. supra inter historicos cit.

„Joh. Gul. Struckium; & Hottingerum theologos Tigurinos in præced. classe historicorum adduximus.

„Perkinsus in tract. de prognosticationibus: *Proculdubio Deus Cometæ extraordinario mittit tanquam gravis iræ suæ minantiæ signa.*

„Zegedinus in locis commun. tab. 1. generalissimam rationem cognoscendi Deum, ex creaturis seu operibus probat, quod homines observarunt in operibus amplissimam majestatem, &c. quod *senferunt terrorem quandam non vulgarem, ex fulminibus, peste, terræ motibus, terræ hiatus, portentis cœlestibus in sole luna, stellis, & Comete magnarum cladum prænuntiis.*

„Zanchius part. 1. de oper. creat. lib. 3. cap. 2. exemplis sui temporis & ex historicis, etiam textibus Math. 24. Act. 2. Joelis 2. adductis, asserit, raro ad.



admodum Cometas visos, quos non sit insecutum malum aliquod ingens; & aliquanto post, hâc thesi concludit: Cometa, tamen si à naturalibus fiant causis; solem tamen ad id à Deo ordinari, ut divina ejus iudicia per eos portendantur. Postea ad sequentem thesin 3. annotat, Idcirco Cometa Christianis hominibus metuendi non sunt: sed ex illis potius ad veram pœnitentiam, fidemque in Jesum Christum animari debent. Cometa enim sicut sunt ceu faciales Dei adversus impios: sic præcones sunt ejusdem apud pios; quibus eos ad veram respicientiam hortatur.

Martyr in commentar. ad Genes. i. v. 14. Reponuntur in hoc genere (signorum) prodigia & portenta, quæ Deus sæpe ostendit. ut ejus ira vel misericordia præsentiat. Christus dicit futura signa in sole & luna & stellis, &c. Istis vero pii se consolantur, quia sciunt illa in bonum sibi cooperatura, &c. deinde letantur, quia sciunt illa patris sui esse exercitum. Et filii Dei remissiores revocantur ad pœnitentiam, ac suadentur, ut ad patrem redeant. Impii vero perturbantur, nec sciunt quid consilii capiant; ut Nero, qui metu fulgurum coronatus lauro, speluncas aut cryptas subibat. Cum his conferri debet epist. Martyris ad Lavaterum (supra cap. 4. exhibita) ubi de ostentis illic dissertata applicat Cometis.

David Pareus in dispp. theologicar. volumine à Joh. Philippo Pareo anno 1611. edito, dispp. 8. pag. 153. Habent etiam sidera, siderumque passiones naturales SPIRITUALEM PROGNOSTICATIONEM, quando sunt signa gratiæ vel iræ divine prævuntia: gratiæ quidem, ut Iris Genes. 9. 8. ira vero & pœnarum eventuumque tragicorum, ut totales defectus luminarium, chasmatæ, præsteres, parelii, stella cadentes vel crinitæ, &c. quas bello Octaviano magnarum fuisse calamitatum prævuntias apud Ciceronem Balbus refert lib. 2. de nat. Deor.

Heidfeldius in Sphinge theologico-philosophicâ edit. ult. anno 1631. pag. 1113. de nupero Cometâ (puto Cometam anni 1618. designari) sententiam suam profert his verbis: Equidem Chaldaus non sum, &c. Ego communiter non referre eum aureum sæculum, opinor. Et sane quisquis Deum res novas moliri & conversionem status in universâ Europâ non videt, nil videt.

Fridericus Spanhemius part. 2. dubior. euangel. dub. 27. §. 6. inter alia argumento hoc probat stellam Magorum Math. 2. non fuisse Cometam, quia Cometarum omina non sunt fausta, sed scæva & tristia.

Cum libellus hic noster bonam partem excusus esset, commodum mihi transmissa est disputatio Clariss. Joh. Henrici Heideggeri de signis coeli, in Illustri Gymnasio Arnoldino, quod est Steinfurti, 7. Januat. 1665. proposita: Ubi §. 17. contra contemtores Cometarum sic determinat.

verum



„ Verum piam ego, & dignam Christiano homine opinionem & fidem  
 „ illorum esse censeo, qui agnoscunt, Cometam esse poenitentiae conciona-  
 „ torem, & irae Divinae certissimum indicem, destinatum divinitus vel pro-  
 „ pter gentiles, qui verbi Divini institutione non fruuntur, vel propter eos,  
 „ qui cum in Ecclesia sint, tamen verbum Dei negligunt, & ejus institu-  
 „ tionem flocci pendunt; quin etiam quoties non resipiscunt homines, eo  
 „ signo portendi judicia Dei tum in Ecclesia tum in Politia. Ac tale signum  
 „ esse Cometam, demonstrat scriptura, ratio, experientia, denique univer-  
 „ salis consensus gentium. Scripturam quod attinet, illa testificatur, sidera  
 „ Coeli data esse *in signa* Genes. 1. 24. Signa autem sunt, ut supra explica-  
 „ vimus, aliquando etiam extraordinaria, quibus Deus suam vel gratiam  
 „ vel iram hominibus demonstrat. Quod cum de caeteris stellis verum sit  
 „ & ejus rei exempla in scripturis occurrant, cur de Cometis negabimus?  
 „ Deinde Joël. 11. 30. Deus tanquam praevia horribili illi diei minatur:  
 „ נָתַתִּי מוֹפְתִים נְשָׁמִים וְנֶאֱרָז דָּם וְאֵשׁ וְהִמְרוּ עָשָׁן *Et dabo*  
 „ *prodigia in Coelo & in terra, sanguinem, ignem, & columnas fumi.* Quid  
 „ per sanguinem, ignem, columnas fumi facilius intelligimus quam Co-  
 „ metam? Qui quidem ratione materiae est *fumus*, ratione formae *columna*,  
 „ uti apparet in caudatis; ratione qualitatis *ignis*, ratione coloris *sanguis*.  
 „ Neque verò etiam ratio id abnuat. Quamvis enim uti paulò ante osten-  
 „ dimus, naturalis causa ejusmodi rerum non sit Cometes, tamen natura-  
 „ lis ratio quemvis paulo prudentiorem advertit, ut agnoscat, tale quid à  
 „ Cometis significari. Etenim ratio judicat, primò Cometam tanquam in-  
 „ usitatum quid non dubium esse portentum. Secundò, cum quaedam in  
 „ generatione & motu Cometæ occurrant, quæ hæcenus nemo morta-  
 „ lium explicare quivit, colligit, immediatam Dei actionem ad ejus produ-  
 „ ctionem & motum concurrere; quod certo est indicio singularis ominis.  
 „ Quid hic de experientia dicam? Cui manifestè contradicere velle Sophi-  
 „ sticum esse meritò pronunciat Galenus, ubi de astrorum effectibus loqui-  
 „ tur. Colligatur omnium experientia temporum, & calculo rite subdu-  
 „ ctò decernatur, annon plerique malorum, qualia morbi, pestis, revolutio-  
 „ nes imperiorum, mutationes notoriæ in Ecclesia, puta dominatio Anti-  
 „ christi, persecutio fidelium, denique bella; Syria post se traxerint? Ex-  
 „ empla, si res doctorum judiciis ambigua foret, ex scribi varia possent ex  
 „ probatissimis tum gentilium tum Christianorum Scriptoribus. Denique  
 „ omnium gentium ac ætatem consensus, & virorum doctorum, superstitio-  
 „ ni minimè deditorum, si ab uno vel altero discesseris, conspirant; uti fa-  
 „ cilimum probatu foret, siquidem id ageretur.

Hoc mente Aprili ornatiss. & doctiss. juvenis, pro tempore hujus nostræ  
 Acade-



Academiae civis communicavit mihi iudicium eximii Theologi Hadriani Pauli in Ill. Scholâ Hammonensi, literis ad se perscriptum: quod per omnia cum nostrâ & communi sententiâ convenire gaudeo.

Catalogo testium theologorum protestantium & reformationum huc usque perducto, commodum amicus mihi suppeditat concionem sequentem.

Georgius Fhelavius in concione Germanicâ tit. *Stern-predighe / habitâ Dantisci in templo Mariano postea typis editâ anno 1653, in epist. dedicat. & in ipsâ concione exemplis tum domesticis (cometæ istic visi anno 1652.) tum extraneis antiquis & recentioribus, probat cometas, aliaque ostenta esse calamitatum & magnarum mutationum signa prognostica. Specialiter notat (in epist. dedicat.) cometam conspectum à 20. Decembr. anni 1652. usque ad 10. Januarii anni 1652. non tam facile oblivioni tradendum. Ibidem exemplis quibusdam obscuræ solis docet eam esse mutationem prognosticam. Exhibet etiam hæc verba Illyrici ex clave script. part. 1. pag. 589. *Revera in magnis calamitatibus aut instantibus magnis præliis solent ista luminaria aliquando mutare colorem.**

Ibid. in epistol. dedicat. in notis marginalibus: „Ideo, inquit, laudatur Nicol. Melderus apud Wolfium lection. memorabil. tom. 2. pag. 560. ann. 1549. voce SIGNA. quod talia cum piâ ad publicam penitentiam adhortatione publicavit.

Eadem pag. epist. dedicat. in ipso textu exhibet verba viri Dei Lutheri anno 1525. ex tom. 3. Jenensi Germanico fol. 114. A. per terribilia signa & portenta in cœlo & terrâ visa prælagire aut metuere se dicit magnum instare infortunium & insignem in Germaniâ mutationem. Concludit hoc voto: *Utinam metuatis hanc Dei iram & resipiscatis, &c.*

In ipsâ concione pag. 25. citat Fhelavius Sam. Fabricii Cosmotheoriæ sacræ lib. 2. cap. 19. qui affirmat ab a. 1500. usque 1618. visos Cometas 34.

Pag. 34. citat Albini Mollerii Theologi & Astronomi in inferioris Lusatiae Marchionatu libellum Germanico tit. *Bericht von Comet-stern* ann. 1604. ubi consequentia Cometarum dicuntur, infortunia in religione, legibus, statutis, privilegiis; bella, seditiones, rapinæ, clades, incendia.

Ibidem indicat plenam descriptionem Cometæ 1652. editam à Joh. Jacobo Cramero. Et disput. D. Laurentii Eichstadii. Et Albertum Linemannum.

Pag. 36. 37. docet praxin spiritualem ex apparitione Cometarum 1. ut agnoscamus incomprehensibilem Dei potentiam. 2. ut agnoscamus gravitatem peccatorum nostrorum & iram Dei adversus ea accensam 3. ut

K

agno-



agnoscamus Dei infinitam & ineffabilem Dei misericordiam. Cometa enim est coelestis præco poenitentialis.

Pag. 43. & 44. 45. adhortatur ad verum Dei timorem: ac patheticè perstringit Epicureos Cometarum contentores: quos Turcico cuidam Bassæ comparat, qui (teste Weinrichio in catalogo Cometarum fol. 74.) conspecto Cometâ anno 1572. ex astrologis suis querebat, quid portenderet; illisque respondentibus, imperii Turcici magnam calamitatem & defectionem; sumto arcu versus solem sagittam emittebat, additis his verbis: *Quantumcunque nobis infortunium minaris, nullas tamen vires, nullam potentiam habebis.*

Hæc ex doctiss. Phelavii concione hic exhibere volui, tum quod piè & practicè de hæc materiâ loquatur; tum quod alios theologos protestantes (quos modo ex eo notavi) mihi nec lectos nec vifos, indicet, atque ita catalogum testium contra Epicureorum contemptum, & virorum de hoc seculo (Psal. 17.) securitatem augeat.

Lambertus Alardus in commentario ad Val. Flacci Argonauticon lib. 6. v. 608. *Nunquam spectatum impune Cometam. Considera sis illum, qui per totum annum supra diam Hierosolymorum urbem verticalis fuit. Immo vel unicum illum qui anno Christi 1618. Germania iram Dei minatus est Vim quantas turbas, quantas florentiss. Rerumpubl. everfiones dedit! &c. Non ergo vana superioris domini ætheriaque aula portenta sunt.*

Ex antiquitate testes aliquot advocandi. Primus sit Origenes lib. 1. contra Celsum: *Observatum est quoties res magne insignesque mutationes sunt in terris, existere huiusmodi stellas (cometas intelligit), significantes aut translationes regnorum, aut bella, aut quidquid potest apud homines contingere ad commovendas res terrenas validum.*

Gregorius Magnus homil. 1. quæ est ad Luc. 21. „*Erunt signa in sole & lunâ, &c.* Ex quibus profecto omnibus alia jam facta cernimus, alia in proximo ventura formidamus, nam gentem contra gentem exurgere, earumque pressuram terris insistere, plus jam in nostris tribulationibus cernimus, quam in codicibus legimus. Quod terræ motus urbes innumeras subruat, ex aliis mundi partibus scitis quam frequenter audivimus. Pestilentias sine cessatione patimur. Signa verò in sole & luna & stellis, adhuc aperte minime vidimus, sed quia & hæc non longe sint, ex ipsa jam aëris immutatione colligimus, quamvis priusquam Italia gentili gladio ferienda traderetur, igneas in cælo acies vidimus, ipsumque quæ postea fusus est, humani generis sanguinem coruscantem. Confusio autem maris & fluctuum, necdum nova exorta est. Sed cum multa pronuntiata jam completa sint, dubium non est, quin sequantur etiam pauca quæ

10-



„restant : quia sequentium rerum certitudo est præteritarum exhibitio.  
 „Hæc nos fratres charissimi idcirco dicimus, ut ad cautelæ studium vestræ  
 „mentes evigilent, ne securitate torpeant, ne ignorantia languescant, sed  
 „semper eas & timor sollicitet, & in bono opere sollicitudo confirmet,  
 „penlantes hoc quod redemptoris nostri voce subjungitur : Arescentibus  
 „hominibus præ timore & expectatione quæ supervenient universo orbi.

Ex sequiorum sæculorum scriptoribus Haymo, & Radulphus Ardens, in homil. ad domin. 2. adventus, textum *Lucæ* 21. de signis, ostentis, territamentis, in cœlo & in terrâ, ad sua tempora applicant, ad signa tunc conspecta, & porro conspicienda, ac novissimum Christi adventum præcessura. Alios veteres & recentiores scriptores de ostentis & prodigiis ad *Math.* 24. *Luc.* 21. *Actor.* 2. supra cap. 3. indicavimus. Quibus nunc addo ex Pontificiis Vincentium Bellovacensem in speculo historiali lib. 31. Joh. Sarisburiensem de nugis curialium lib. 2. cap. 13. Lyranum & Hugonem Cardinalem in *Luc.* 21.; Majolum in diebus canicular. colloquio 1.; Polydor. Virgil. histor. Angl. lib. 8. pag. 193. Erasmus in Encomio moriæ, & ibi commentar. Gerardi Lytrii Rhenensis, medici & philologi; & recentiores historicos ejusdem professionis; Beloldum in histor. Constantinopolit. Turcicâ pag. 692. & 709. Brachelium in historiâ rerum suo tempore gestarum pag. 14. ubi de Cometâ anni 1618. P. Boitel Dominum de Gaubertin, qui in historiâ generali annorum 1618. - 1621. Gallicè conscriptâ de prodigioso Cometâ iram Dei & calamitates per totam Europam nuntiante paulo fufius differit. Gramondus Parlamenti Tholosani præses lib. 3. historiarum Galliar, Cometæ anni 1618. tristia consequentia enarrat, horrida scil. bella usque ad ann. 1642. (quo hæc scribebat); & iisdem ferme diebus detectum ac punitum Tholozæ Lucilii Vanini atheismum. De quo ego antehac, quæ potui, ex libris indicium feci in 1. part. sel. dispp. tit. de atheismo: sed Gramondus, qui judicio illi interfuit, & universam historiam ex Parlamenti scriniis plenius nosse & explicare potuit; à lectore istarum rerum curioso adhuc consulendus est. Oblitus pœnè fueram Pauli Warnefridi lib. 4. de gestis Longobardorum cap. 11. & lib. 5. cap. 31.

Hæc loca tantum indicare volui, ne verbis autorum exscriptis moles libelli nimium excreceret.

Quinta classis testium est scriptorum politicorum: quales Tholosanus loco supra cit. Lipsius in monitis & exemplis polit. cap. 5. Et lib. 4. politicæ c. 16. Keckermann. lib. 1. cap. 26. & dispp. pract. disp. 35. qu. Petrus Andreas Canonhierus lib. 6. politicæ cap. 3. Joh. Loccenius lib. 1. de Republicâ ordinandâ cap. 3. Melchior Junius polit. quæst. 8. Nicolaus Citnerus JC. & Poyistor, juris professor Heidelbergensis, consiliar.



Palatinus & assessor cameræ Spirensis, in opusculis politico-philologis lib. 2. in oratione habitâ in funere Illustriss. Principis Hermannii Ludovici filii Friderici 3. electoris Palatini, qui anno ætatis 15. in Traiectu Avarici fluvii Biturigum inversâ navicula submersus erat anno 1556. Sic ergo ille pag. 293. cordatè & piè concionatur :

„ Etsi nec certa illa sanctiss. hominum prædicta exstarent, nec tot exem-  
 „ pla vetustatis clarissimis literarum monumentis consignata idem com-  
 „ probarent: tamen eam secum paucis jam annis rerum mutationem Ger-  
 „ manicæque perturbationem præstantium quorundam virorum occasus  
 „ traxerunt, ut haud sciam, an non equè fidem insignis alicujus conversio-  
 „ nis ea signa facere debeant, quæ ex illorum interitu ducuntur, (quorum  
 „ jam salutari ope atque auxilio publicæ rationes orbatae sunt) atque ea ipsa  
 „ prodigia & ostenta, quorum multa varii mirandique generis apud nos  
 „ in terrâ, aqua, aëre, nubibusque sæpè visa animadversaque esse accepi-  
 „ mus; quæ quando singula grave aliquid & sinistrum portendisse ab ho-  
 „ minibus diligentioribus immenso jam tempore observatum, & signi-  
 „ ficatione eventus notatum est; quis non tantam eorum tam brevi tem-  
 „ pore copiam tristitia nobis atque dira præsignificare intelligit? Quo magis  
 „ in id nobis summa cura atque studio omni mentis & voluntatis conten-  
 „ tione est incumbendum, ut quam multis signis iram adversus nos suam  
 „ Deus obnunciat, eam & vitiosorum morum correctione, & vitæ cor-  
 „ ruptæ emendatione, & deprecatione justa, in fiducia filii sui Jesu Christi  
 „ intercessoris nostri leniamus, aut etiam placemus.

Plures politicos nunc dehuo relegere, aut de novo inquirere non va-  
 cat: tantum ex ipsis veræ religionis & pietatis adversariis unum at-  
 que alterum testimonium adscribo. Machiavellus lib. 1. disputationum  
 (discursus ipse suâ linguâ appellat) cap. 56. hanc hypothesin capi-  
 ti præfigit: Magnos motus prædicti solere, cum in urbibus tum provinciis;  
 idque signis quibusdam, aut hominum præfagis denuntiari. In ipso tex-  
 tu sic loquitur: Ut causam facile confitebor me ignorare: ita rem ipsam  
 cum ex antiquis tum novis exemplis agnoscere oportet, & consiteri omnes  
 magnos motus, quicunque aut urbi alicui aut regioni evenerunt, vel à con-  
 jectoribus, vel à revelatione aliquâ, prodigiis que cælestibus signis prædicti ac  
 prænuntiari solere. Et ne procul petitis exemplis hoc demonstrare velle vi-  
 dear domesticis utar, &c. Postea: possem hujusmodi rerum plurima (prodi-  
 gia scil.) alia exempla adducere: sed unum ex veteribus tantum adjiciam,  
 &c. Tandem concludit: Experimentâ certè compertum habemus, talia signa  
 sequi solerè magnos aliquos motus. Videant petulantia nonnulla ingenia, ne  
 irreligiosus hic Machiavellus experientiæ volens nolens cedens, contra  
 ipsos



ipſos in die judicii inſurgat. Addimus, quem Dudithio antitrinitario opponimus, antitrinitarium Joh. Crellium Francum, cujus tractatus de Deo ejuſque attributis ante annos aliquot in vicinâ urbe excuſus eſt cum Joh. Volckelii Miſnici Inſtitutione de verâ religione. Is ergo cap. 6. pag. 62. ex prodigiis & portentis magnas mutationes præcedentibus, contra atheos probat eſſe Deum; & Machiavellum ad partes adducit, atque in contradictiones adigit. Gentiles ejuſmodi portenta ad animum revocaſſe, & ad metum ac cultum numinis iſtâ occasione excitatos fuiſſe, ex hiſtoricis eorum, aliisque antiquariis ſatis ſuperque conſtare arbitror. Quod ad Muhammedanos, penes illos aliquam portentorum ejuſmodi obſervationem & conſcientiam eſſe, liquet ex *Cruiſſi Turco-Graciâ*, in notis ad lib. 7. pag. 501.

„Die, inquit, 25. Febr. 78. Literas accepimus Gerlachii 29. Decemb. 77. ſcriptas, ubi inter alia, hæc. Novemb. 10. (inquit) primum hic viſus eſt Cometa, prolixam caudam trahens: qui nunc multò, quàm initio, altior, paulatim evaneſcit. Sophi quidam Turcarum (ecce ineprias) judicant: ſtellam novam eſſe, quæ nunc tertio appareat. Primum, viſam fuiſſe, ante Gomorrhæ excidium: ſecundò, Pharaoni interitum, prænuſſe. Nunc (quia non igneo, ut illis temporibus, ſed albo colore, appareat) fertilitatis prænuſſiam eſſe.

„Paucoſ ante meſes, ex Halepo (Hierapoli) Syriæ urbe; Conſtantinopolin vocatus eſt Aſtologus quidam: qui Sultanum de fortuna ſua ex aſtris præmoneat. Ideo in Galatenſi colle extruxit profundam detentamque turrim: cujus ſummo impoſuit Aſtrolabium, & multos circulos ex Orichalco magnos: inde prædicturus ſcilicet quas Gentes amicas, quas inimicas, habiturus ſit Murates. Operi perficiendo ſeptennium ſumpſit, quotannis ſtipendio trium millium Ducatorum: ejus duplum, finito opere, à Rege accepturus. Adjutor ei eſt Judæus quidam Theſſalonicenſis: qui ambo, Cometam hunc, Perſiæ & Arabiæ bellum minari dicunt. Hæc, tunc. Exitus verò tandem hic fuit (ſicut D. Wenceſſaus Budowezius à Budowa, 10. Mart. 80. Gerlachio ſcripſit) quòd ſphericum illud opus, meſe Januario, ſpatio unius horæ, omne ſolo æquatum eſt: quòd vulgò crederetur, id omnis hæcenus mali (bello in Perſis infeliciter geſto) cauſam fuiſſe.

Judæos quamvis vanitatibus & ſuperſtitionibus repletos ad Cometæ ſimiliaque prodigia attendere, diſcimus ex maſſecheſeu ſeu tract. Thalmudico *berachot*, qui omnium primus cap. 9. §. 2. על ה'יקים *al haſſikin*, &c. hoc eſt, *ſuper Cometis* (ſic notæ Miſchnaiot, & Gemara interpretantur), & *ſuper terra-motibus*, & *ſuper fulminibus*, & *ſuper tonitribus*,



Super ventis dicit, benedictus cuius potentia & robore plenus est mundus. Missis extraneis finio catalogum his tribus testimoniis.

Primum est, ecclesiastica quasi interpretatio Biblior. Belgicorum in notis ad Luc. 21. v. 25. quas nostrates ibi legant, & locum Flavii Josephi ibid. citatum conferant lib. 7. cap. 12.

Secundum est Lutheri in Genes. 1. v. 14. „Quare existimo astrologi-  
cas prædictiones non satis tuto hoc in loco fundari. Sunt enim signa  
rationalia, ut sic vocem: hoc est per rationem collecta. Magis autem  
proprium est, si intelligamus Moſen de signis quæ Deus ostendit, ut homi-  
nes in genere vel admonerentur, vel terreantur.

Tertium est Andreæ Oſiandri in notis ad Bibliorum Latinorum, (edit, quartæ anno 1611.) ad Luc. 21. v. 25.

„Ersi enim eclipses Solis & Lunæ, & aliqua meteora habent suas phy-  
sicas causas: tamen sicut iris (cujus etiam causas reddere solent physici)  
est signum gratiæ, quod Deus nolit post diluvium, mundum totum ob-  
ruere aquis: ita crebriores eclipses & tot meteora possunt esse signa rui-  
turi mundi. Quare talia prodigia non sunt contemnenda. Ita etiam nihil  
obstat quod hæceadem signa jam olim quoque fuerunt conspecta. Nam  
mundus etiam olim securitatis vitio liberavit; atque adeo ejusmodi signis  
& admonitionibus in oculos incurrentibus opus habuit.

Plura siue exempla, siue testimonia, ad communem consensum si quis desideret, adeat catalogos Cometarum & prodigiorum, & scriptores hætenus recensitos: quibus annuera, qui peculiaribus tractatibus de Cometis scripserunt: quales nunquam mihi visi, sed ab aliis indicati; Ambrosius Magyrus, apud Buchelium in notis ad Bekam supra cit.: Mizaldus in Cometographiâ apud D. de Chavigny pag. 102. Hieronymus Mugnoz mathematicus Philippi II. Regis Hispaniar. in libro de Cometâ anni 1572. apud eundem Chavigny pag. 157. 161. 162. 181. Johannes Wainſtler electoris Saxonici mathematicus in prognostico Parisiis anno 1581. ex-  
euso; apud eundem pag. 181. Johannes Weytzius in tract. quod signa in  
ccelo portendant mala: apud ipsum Weitzium in comment. ad lib. 6.  
argonautic. Val. Flacci v. 607.



## CAP. VI.

*Objectionibus respondetur.*

**Q**uamvis vix operæ pretium sit objectiones seorsim excuti; cum fere nullæ sententiam nostram cap. 3. perspicuè propositam tangerent; & rectum, juxta philosophum, sui atque obliqui sit index: quia tamen unam atque alteram jactari percipio, quæ omnem omnino ut ut maximè generalem & indefinitam Cometarum significationem explodere videtur, non gravabor cum iis reliquis, quæ nunc in mentem veniunt, examinare. Hic præmoneo me non tam ex auctoris alicujus aut autorum lectione objectiones colligere, quam ex auditu: plerisque enim scriptoribus per alios indicatis destitutor, ut Erasmo, Squarcialupo, Puteano, Gryneo, Sixto ab Hemminga. Eadem chordâ *ἀγνοίας ἐνέχυρον & ἐμπεδωτικόν* si qui (uti arbitror), oberrent, aut sententiam nostram, & monitionem piūque timorem ex conspectu insolitorum hujusmodi phasmatum conceptum exsertent & in terminis non oppugnent, utique & illis satisfactum putabo.

I. *Object.* Esse opinionem seu errorem popularem. *Resp.* Si error est, non est vulgi *τῶν πολλῶν* contra sententiam sapientum: sed ipsorum sapientum: uti cap. præced. ostensum est. Quinam errores dicantur populares, antehac docuimus in 3. part. sel. disp. tit. de *Erroribus & Hæresi*. Scriptores qui errorum popularium catalogos contexuerunt, à nobis istic indicati, hunc errorem reliquis non annumerant. Inter eos *πολυμήνης* Thomas Browne medicus Anglus in *Pseudodoxiâ epidemicâ* patrio sermone anno 1646. conscripta, studiosè persequitur errores philosophicos, & historicos: sed de errore circa apparitionem Cometarum, ne *ἄγῃ*. Adducat forte quis illud Taciti lib. 14. annal. cap. 22. *Inter quæ & sidus Cometes effulsit, de quo vulgi opinio est, tanquam mutationem regis portendat.* Sed opinionem vulgi qui dicit, ilico non affirmat esse errorem; quamvis etiam non neget. Quod ex collatione lib. 15. annal. cap. 47. melius forte constare poterit: *Vulgantur prodigia imminentium malorum nuntia. Vis fulgurum non alias crebrior, & sidus Cometes, sanguine illustri semper Neroni expiatum.* Historiâ & experienciâ præeunte, vere dictum ab Hieronymo Wolsio J. C. tom. 1. lection. memorabil. pag. 359. *Certissimè talia signa prodigiola in admirationem & suspicionem sui rapiunt non tantum simplex & rude vulgus, sed etiam doctiores, & sapientiores asserunt hæc portendere & præsagire misérias & calamitates superventuras ilico Christianis.* Ubi laudat auctorem suum.

II. *Object.*



II. *Obiect.* Multa de Cometarum prælagiis, & malis Cometæ consequentibus, referuntur incerta, & ab ejusmodi historicis, quorum fides apud cordatiores vacillat. *Resp.* sit sane: quid tum? Ergone quæ vera sunt & verè à fide dignis referuntur, talia esse desinent? Ergone nulli temporum historiæ credendum? Triumphet ergo Pyrrhonii & Sceptici, triumphet sacra Barbaries, & Dea Moria. Quin in scholis & Academiis seposita omni lectione, omni studio historico:

*Infelix lolium, & steriles dominantur avenæ,*  
Libelli scilicet de arte nihil credendi, & quod nihil scitur: quos antehac alicubi sparfos ferunt. Scriptores de veritate religionis Christianæ, quales Eusebius de præparatione Evangelicâ, alique antiqui & recentiores alibi nobis indicati, unâ liturâ tot ductas à se lineas inducant, siquidem historiis renuntiandum sit. Scio delectum historiarum & historicorum habendum, nec sine face criticâ studium hoc tractandum: & satis superque de his monuerunt Peucerus, Meurerus, Melchior Canus, Possevinus, Keckermannus, Vossius, in tract. de historiâ. Nobis etiam ante annos tres & triginta necessitas objecta fuit, aliquid de certitudine historiæ & delectu historicorum disserendi lib. 3. *desper. causæ*, Pap. Sed illis non obstantibus, dicendum cum Grotio libro 1. de verit. relig. pag. 15. edit. in Fol. *Certissimum divinæ providentiæ testimonium præbent miracula, & prædictiones, quæ in historiis exstant. Referuntur quidem multa id genus fabulosa: sed quæ testes sui temporis idoneos habuerunt, id est, tales quorum nec iudicium nec fides laboret, rejicienda non sunt, quasi omnino talia fieri non possint.*

*Instantia.* Sed instabit quis, in dubium trahi relationes historicorum de malis per Cometæ prænuntiatis: cum tot ac tanta bona Cometæ secuta potius debuissent notari, & ab nonnullis historicis jam notata sint? *Resp.* Quamvis Cometam aliquem bona aliqua secuta fuissent, quâ quæso mentis *ἀντιλογία* inde quis inferret, graves calamitates non fuisse è vestigio aut post secutas? Menstruo, annuo, biennali, triennali spatio judiciorum divinorum cursus circumscribendus non est. Deinde Deus propter hominum peccata non deserit gubernationem mundi, nec destruit naturæ ordinem, nec definit pluere super bonos & malos, nec hostibus suis benefacere de cælo, nec oculos à suis in hoc mundo avertit, quamvis mundus sit in malo positus. Quin contra mitigat pœnas, & parcit se invocantibus. *Ut nulla est sincera voluptas, sollicitumque aliquid laris intervenit; sic vicissim Deus creator lucis & tenebrarum, in nrâ misericordiâ recordabitur,* Habac. 3. vers. 12.

Denique, cum magnæ calamitates populo superveniunt, non repugnat aliquibus in illo populo, aut vicino populo bene esse. Ut enim in naturâ gene-



generatio unius est corruptio alterius, & vice versâ: sic in rebus humanis diminutio aut depressio unius, est accretio aut exaltatio alterius. Particulares tamen illæ sive aliquorum in populo, sive vicinorum, sive extraneorum à malis illis immunitates, aut etiam benedictiones, cum publicis & gravibus calamitatibus in staterâ appensæ, non præponderarent; non magis quam terræ Gosen immunitas, plagis totius Ægypti; & enatio unius toti naufragio; aut aliquot domus intactæ, totius urbis incendio.

Quod ad historiam & experientiam, non possum satis mirari eximii illius, sed nimis sceptici & desultorii ingenii Dudithii insolentiam, qui effutire ausus, *experientiam ab adversariâ parte flare proque eâ multo veriora, ne dicam omnia, testimonia dicere.* Quis ferat hæc contra omnem historię lucem scribi ab illo, quem in historicorum lectione minimè hospitem fuisse credendum est.!

Sed hæc prurigo novitatis, & paradoxię, hæc ἀμελπίς τῆς ἀνθελίας, hæc fatalis ejusmodi ingeniorum scabies. Si juxta seriem & catalogum Cometarum, singulis prosperos suos exitus adscripsisset, sub solitâ inductionis clausula, *Nec ullum, aut vix ullum poterit dari dissimile exemplum:* historicarum periti ad lucernam suam historicam ea lustrassent. Sed cum hoc factum non sit, dicam cum *ισχυράτα* philosopho Isacio Pontano: maluisse me ut hoc ab illo probatum fuisset, quam assertum.

Quibus tantum à rebus suis otii est, paucarum horarum spatio perlustrant Cometas in chronico Calvisii annotatos, & cum singulis conferant graves calamitates ad proximum aut proximos cujusque Cometæ annos ibidem notatas.

Si cui ad manum est catalogus Cometarum *Layateri*, aut catalogus prodigiorum *Lycosthenis*, aut *Petri Johannis Twisk* vernaculo sermone conscriptus, is exigui temporis lectione hiatum Dudithii, & sectatorum ejus facillimè obstruatum videbit.

Ego cum initio statuissem historicorum exhibitionem crassæ & audaci isti ἀνισογνῆς opponere: postea consilium mutavi, imprimis, quod innotuisset Clariss. & Amiciss. Collegam nostrum Berchringerum Philosophię Practicæ & Eloquentię Professore in eo esse, ut hunc Dudithianum fastum retunderet: cujus tractatus de Prognosticis Cometarum propediem in lucem iturus est. Quia autem aliquoties, datâ occasione, ad duo peculiariora exempla Cometarum tempore Augusti, & Neronis nulla adversa, sed prospera nuatiantium, coram respondi; non pigebit responsiones hic intexere. Polyistor Voslius loc. cit. utrumque exemplum cum simplici rejectione aut præteritione dimisit. Ad prius exemplum respondeo, Cometam illum in imperio Romano ingentes illas mutationes & calamitates

L

secutas



secutas fuisse, quas ab ipso illo Augusto illatas nemo ignorare potest, qui ex historiis didicerit, quibus artibus & quam perfidè sub specie atque umbrâ antiquæ alicujus libertatis ac potestatis senatui relictæ, omnem potestatem sibi usurpavit, & cuncta discordiis civilibus sessa, nomine Principis sub imperium accepit: sunt verba Taciti annal. 1. Audivimus olim (a. 1637.) à Clariss. collega nostro Antonio Æmilio τῷ ὄντι ἐν ἀρχαῖς elegantissimâ & πολιτικώτερῃ oratione artes politicas Augusti depictas fuisse: quam anno 1651. cum aliis ejusdem orationibus editam optarem legi ab illis, qui per Cometam Augusti nil nisi tantam prosperitatem Romanis significatam velint.

Felicitas scil. erit, cum infelices infelicitatem suam non ita sentiunt, aut si sentiant, profiteri non audent.

*Strangulat inclusus dolor & magis aestuat intus.*

Ne dicam jam Imperio Romano & ipsi Augusto tam prosperè omnia non fluxisse, cum Vari legionibus ab Arminio cæsis Romæ trepidarent ac si Hannibal ad portas fuisset, & Augustus (teste Suetonio) moriens ac solitarius audiretur ingeminare: *Quintili redde legiones.* Insuper sub eodem Augusto, bella & commotiones in Dalmatiâ atque alibi imperii Romani tranquillitatem turbârunt. Vide Melanthonem in chronico.

Ne autem primus aut solus contra Cometam hunc tanquam felicitatis prodromum excepisse videar: indico Vossium, qui Achillem hunc nullo responso dignatur; & Tholosanum lib. 21. Politicæ cap. 6. *Quod signum jucundum Augusto fuisse ait Plinius, verum certè illi; sed habuit mutationem Reipubl. Romanæ, quæ libertatem & statum, quem oppresserat Julius Cæsar, tyrannicè tunc sponte delatam per decem annos singulos primum, in perpetuum deinceps amittit.* Sed quærat ex Rebus publicis, Venetâ, Helveticâ, fœderatâ Belgicâ, an si nuperum Cometam sequatur imperium cujuscunque Augusti, prælagium ejusdem sibi benignum & faustum esse dicerent.

Dominus de Chavigny pag. 172. & seqq. præconio Augusti & felicitate imperii ipsius ex Paterculo, poëtis, & scriptoribus istius temporis exhibitâ ostendit quantum hac in parte adulationi datum sit ex nummis Adolphi Oeconis medici Augustani. Quibus imperante Diocletiano inscriptum erat: *Letitia Augusti.* Et, *providentia Deorum, qui ex Aug.* Et, *genio populi Romani,* &c. Quin ipse Dominus de Chavigny cum hanc adulationem detegit, ab eâ non abstinuit pag. 181. 186. & seqq. in benignis & felicitibus Cometis Regum Gallie Henrici 3. & Henrici 4. explicandis; quorum tamen exitus, per scelera paricidarum, fuit infelix. Novimus quomodo mendaces panegyrici, mercenarii historici, esurientes poëtæ, καὶ λακκοὶ ἀνὰ χάριτας αὐλικοὶ vento pascant eos, à quibus pasci desiderant.

*Quia*



Quis expedit pſitraco ſuum ægis, &c.  
 Magiſter artus, ingenique largitor venter, &c.  
 Quod ſi doſoſi ſpes refulſerit nummi,  
 Corvos poëtas & poëtridas picas,  
 Cantare credas Pegaſejum melos.

Ad ſecundum exemplum, quod Seneca Neroni aut ſibi blandiens adfert lib. 7. cap. 17. de Cometâ, qui ſub Nerone Caſare apparuit, & Cometis detraxit infamiam: Reſpondemus, imperium Neronis poſt exactum quinquennium probaſſe, quam benigna & felicia hic Cometa nuntiârit: cujus felicitatis (ita dictâ) ipſe Seneca pars fuit. Et dato non conceſſo, hunc unum à regulâ exceptum, lærum fuiſſe nuncium: quid hoc ad axioma de felici Cometarum denuntiatione conſtituendum? Una hirundo non facit ver.

III. *Objeſt.* Cometæ non ſunt cauſæ malorum, nec occidunt Reges, &c. *Reſp.* futili huic objectioni nobis non eſt reſpondendum: qui Cometæ tantum ſigna gravium calamitatum in genere, non vero earum cauſas ſive in genere, ſive in ſpecie, ex univerſali experienciâ, de communi conſenſu agnoſcimus. Dudithius promiſcuè ſigna & cauſas nominat, & indiſtinctè adverſarium hunc in pariete pictum oppugnat. Atqui ipſe, & ſi qui eum ſequentur, meminiſſe debebant, homonyma ante factam diſtinctionem nihil ſignificare, & conſequenter nihil certi pugnari aut propugnari poſſe. Supra cap. 3. communem ſententiam de Prognſtico Cometæ explicuimus: & exſertè rejecimus, omnes ſpeciales prædictiones ex decem in eo obſervandis. 1. magnitudine. 2. colore. 3. ſplendore. 4. formâ. 5. duratione. 6. ſitu. 7. loco. 8. motu. 9. habitudine ad ſolem 10. ſitu in mundo, in regione ſcil. aëriâ, aut ætheriâ.

IV. *Objeſt.* Fuerunt mortes regum, & inde ſecutę mutationes, fuerunt alicubi aliæ calamitates; quas nulli præceſſerant Cometæ. *Reſp.* Hinc nihil contra communem ſententiam concludi poſteſt. Eſt enim conſequentia inconſequens à particulari ad univerſale. Hanc aut iſtam calamitatem non præceſſit Cometa tanquam ſignum prognſticon: ergo nunquam graves & publicas calamitates, Cometæ tanquam earum prognſtica præcedere credendum eſt. Deinde tota hæc ἀντιλογία nititur falſâ hypotheſi, quaſi ſcil. communi ſapientum ſententiâ ſtatuaretur, Nullum in hoc mundo grave aut publicum malum evenire, quod ante per Cometæ non denuntiaretur. Cum ſolummodo, docente experienciâ, ſtatuant, Nullum aut fere nullum Cometam apparere, qui gravium & publicarum calamitatum præambulum & nuntium non præſtet. Apage iſtam ſive ἀντιπίπτειν, ſive morbidam ſubtilitatem, quæ hinc τὸ ἀντιπίπτειν reciprocum extraheret. Nullus Cometa



sine malo, consequenti scilicet: ergo nullum malum sine Cometâ, antecedente scilicet. Non sequitur: non magis, quam ex lætalibus signis mortem denuntiantibus apud Hippocratem lib. 2. aphor. 12. & 13. lib. 3. aphor. 10. 12. lib. 4. aphor. 22. 23. 24. 26. 34. 35. 46. 48. &c. & similibus ubi suum τὸ θανάσιμον, τὸ κακόν, τὸ μέγιστον, τὸ ἄριστον appingit, concludi potest; Ergo nullius mors sine isto aut isto signo antecedenti. Enuntiatio quælibet affirmans seu ἡ παντός, non est exclusiva: ut omnis canis, aut omnis leo est animal; Ergo solus canis, aut solus leo est animal; & nullum est animal, quod non sit canis aut leo. Cor gladio pertusum mors sequitur: Ergo nemo moritur, nisi pertusio cordis præcedat.

Denique in exemplis illis malorum, quæ evenisse dicunt, sine præambulis Cometis: meminerint attendere, an non alia σημεῖα, τέρατα, φοβητέα (utor phrasibus scripturæ Luc. 21. Act. 2.) in cœlo aut in terrâ præcesserint, quæ scripturâ & experienciâ dictante, calamitatum istarum & iudiciorum Dei præambula & prænuntia fuissent. Deus enim non tantum per Cometas, sed etiam per terribiles ignes, per terræ-motus, aliaque insolita terculamenta iram suam de cœlo manifestare solet: uti supra cap. 3. argum. 2. & 3. ostensum est.

Nec contemnendæ numeratoribus calamitatum sine portentis antecedentibus, Corn. Gemma, Milichii & aliorum limitationes supra exhibite. Oracula, denuntiationes, & conciones Cometarum quorundam, comparata cum prædicatione Jonæ, cap. 3. v. 4. *Ahuc quadraginta dies*, &c.

V. *Obiect.* Multi aut saltem aliqui apparuerunt Cometæ, quos nullæ calamitates secutæ sunt. Ergo vanum aut superstitiosum omne præsagium. *Resp.* Consequentiam à particulari ad universale non procedere. Ad antecedens respondeo, attendendum esse ad ea, quæ ad objectiones 2. & 4. jam dicta sunt: ut feliciores hac in parte historicos se præbeant. Deinde falsò præsupponi, à sapientibus ἡγεῖν πάντας, hoc est, de omni Cometa, magnarum calamitatum præambulum & prognosticon ita prædicari, ut nullum possit dari dissimile exemplum. In quo graviter hallucinantur. Theologi non tantum, sed & philosophi atque astronomi (inter quos *Peuererus*, *Gemma*, *Milichius*, *David Christiani*, supra citati) non faciunt Cometas ἀνυπόθετα seu signa prognostica necessaria: sed signa iræ Dei, & signa comminatoria ac comminitoria (detur venia technologematis, quamvis in Cicerone non compareant): quale signum erat prædicatione Jonæ, cap. 3. v. 4. *ahuc quadraginta dies, & Ninive subvertetur.* Quale nuntium per prophetam factum regi Hiskie: *Sic dixit Dominus Deus domui tue, quia morieris tu & non vives.* Jera. 38. v. 11. Qualia monita & nuntia quomodo accipienda sint, quodque in vanum facta non sint, ideoque minimè contemnenda,



nenda, ante annos unum & triginta differuimus in responso epistolico de termino vitæ ad ampliss. senatorem & literatissimum medicum *Beyerovium*; quod postea cum aliorum eruditorum ad eandem questionem responsis editum est in 4. & anno 1641. seorsim reculum in 8. Addo minime versatos videri in logicorum διατριβαίς de τῷ κατὰ πᾶντι, hoc est de necessitate enuntiationis in primo gradu necessitatis, qui est, de omni; & de apodixi necessaria quæ haberi potest ac debet in Ethicis, œconomicis, politicis, atque artibus De quo egregiè monuit *Aristoteles in Ethicis ad Nicomachum lib. 1. cap. 3.* ubi paraphrastes ejus *Andronicus Rhodius* à clariss. *Heinsio* a. 1607. primum, & denuo a. 1617. gr. lat. editus addit disciplinas logicas & physicas; solâ necessitatis ἀκριβεία ac subtilitate disciplinis mathematicis relicta: additâ hac ratione, Quod res istic aliter se habeant; hic vero minimè. Nam secundum subjectam materiam hic sufficit τὸ κατὰ πᾶντι haberi, quod sit ὡς ἐπὶ τὸ πλῆν, id est, quod communiter aut ut plurimum aut plerumque tale sit. Sic prognostica medica medicorum, politica prudentissimorum politicorum, militaria veteranorum militum, tempestatum aëria aut elementaria (astrologica hic volens non tango) agricolarum & nautarum: sic multi aphorismi Hippocratis, multa axiomata politica, multæ gnomæ Ethicæ, œconomicæ, politicæ. (in proverbiiis Salomonis.) accipiendæ sunt. De *Richter*i collectaneis axiomatum, deque *Erasmi* & aliorum quamplurimis adagiis, idem esto iudicium. Quid quod ejusmodi gnomæ aliquot ab ipso *Servatore* prolatae e. gr. de prophetâ contempto in patriâ *Luc. 4.* exponibiles sint (ut scholasticorum termino utar), per τὸ ut plurimum aut plerumque. Idem dicendum de axiomatis naturalia signa tempestatum *Servatori* nostro probata *Math. 16. Luc. 12.* continentibus. Simili fere modo exponendum illud *Epimenidis* ab *Apostolo Tit. 1.* probatum, Κρήτες αἰεὶ ψεύσαντες, *Cretenses semper mendaces*, &c. Et sic sententia illa, de affectu matrum erga liberos, exponibilis ostenditur *Jes. 49.* Sed quid ultra de necessitate propositionum apodicticarum, & de agitatâ illâ lege ac conditione *de omni*, (quam *Ramus* omnibus disciplinarum præceptis fixam volebat) explicando me & lectorem fatigo: cum ante annos complures *Philippus Scerbius* Medicus, philosophiæ Professor *Argentinen*sis in diatribis suis contra *Ramum* doctè & plenè hoc egèrit; eundemque postea contra *Henningum Rennemannum* pro *Rameâ* methodo certantem, defenderit celebris medicus & philosophus *Andreas Libavius* in schediasmatis contra *Rennemannum*. Video *Scherbii* vestigiis complures eum secutos, in explicatione τῷ κατὰ πᾶντι instituisse. Dimitto hanc objectionem, desumptam ab uno atque altero Cometa (palmarium exemplum hic plerumque facit Cometa *Augusti*) mala non portendente, verbis philosophi 1. Ethic. μετὰ γὰρ χαλιδῶν ἐὰν εἴ ποτε ἑὶς ἑῶν ἑῶν una hirundo non facit



facit ver: aut si mavis, axiomate Practicorum, *Exceptio confirmat regulam.*

VI. *Obiect.* Cometæ sunt naturales & habent causas naturales, ergo nihil portendunt? *Resp. 1.* ad antecedens: si causas intelligunt philolophis perspectas & explicatas, negari posse. Supra citavi judicium Vossii ex lib. 3. cap. 9. cujus sententiæ & alii adstipulantur. Et certè variantes physico- rum & astronomorum sententiæ, (apud Keckermannum in *dispp. physicis*, Vossium cap. cit. Libavium in *declamatione de Cometâ* & in 2. part. Singula- rium, Froymundum in *Meteorolog.* Davidem Christianum in *tract. de Cometis*) & non pauca de eorum materiâ, loco, moru, duratione, consumptione ha- ætenus vix explicata non dissuadent de *re dicti* eorum posse nos hætenus *invenire* aut doctam ignorantiam profiteri; & in *re dicti*, id est, quod sint & quod aliquid portendant, experientia cogente, tantisper quiescere. Mathe- maticus Philippi 2. Regis Hispaniar. Hieronymus Mugnoz (apud D. de Cha- vigny pag. 162.) juxta metriam & calculum suum, Cometam quem decies toto orbe terrarum majorem fuisse asserbat. Quo hiatu, cum eum obstrue- re nolim, multo minus admittere, tantisper uti licebit, ad maxima & por- tentosa ejusmodi opera Dei sive in coelo sive in aëre extra ordinem produ- cta summâ cum admiratione observanda; & iisdem aliquid amplius tribuen- dum, quam ordinariæ dierum & noctium, marini fluxus & refluxus, tem- pestatum anni vicissitudini, avium volatui, piscium natatui, &c. Plinius lib. 2. cap. 84. titulum præfigit de *miraculis terræ motus*. Quidni nos Come- tis, quamvis quod ad ortum, quantitatem, figuram, motum, &c. naturali- bus, aliquod *naturæ miraculum*, aliquod *hæc* (non minus ac Hippocrates pesti) tribuamus? Quidni cum divino Psalte Psal. 92. ad conspectum Cometarum, exclamemus: *Quam magna sunt facta tua Jehova! valde profunda sunt cogitationes tua. Vir brutus non agnoscit, & stultus non anim- advertit istud.* Quibus scilicet placet illud Epicurei Poëtæ,

*Nil admirari prope res est una Nimyæ,*

*Solaque quæ possit, facere & servare beatos.*

Qui in naturâ tantum naturam naturatam contemplantur, & supra eam ægrè ad Deum naturæ autorem & moderatorem, mentem animumque at- tollunt. Audi alterum Epicureum Poëtam, Lucret. lib. 1.

*Hunc igitur terrorem animi, tenebrasque necesse 'st*

*Non radii solis, neque lucida tela dici*

*Discutiant, sed naturæ species ratioque:*

Et paulo post,

*----- jam rectius inde*

*Perfpiciemus: & unde queat res quæque creari,*

Et



*Et quo quaque modo fiant operâ sine Divum.*

Qui idem ferè sub finem ejuldem libri musis suis & sibi tanquam primo inventori applaudit :

*Avia Pieridum peragro loca, nullius ante*

*Trita solo, &c.*

*----- iuvatque novos decerpere flores,*

*Infigemque meo capiti petere inde coronam*

*Unde prius nulli velârint tempora Musæ,*

*Primum quod magnis doceo de rebus, & arctis*

*Religionum animos nodis exsolvere pergo.*

*Resp.* 2. infirmitas hujus consequentiæ, jam à theologis & philosophis ostensa est, exemplo iridis. Miror hodiernos opposcentes hactenus ex nullo eorum hoc didicisse. Videant inter alios Zanchium *part. 1. de oper. creat. lib. 3. cap. 2.* Pezelium in 2. *part. obj. & respons. Melanth p. 81. Reckermann. lib. 6. system. phys.* qui iisdem fere Zanchii verbis idem respondet. Andr. Osian- drum in notis ad Luc. 21. in fine preced. capituli cit. Froymundum in *meteorolog. p. 196. Alsted. part. 2. theolog. natur. p. 360. Sennerdium lib. 4. phys. cap. 2. in fine; Hottingerum loco supra cap. 5.* Quamplurimæ instantiæ dari possent, de rebus naturalibus in sensus incurrentibus, quæ tamen signa sunt, & præter se aliud aliquid intellectui nostro ostendunt. Inundatio, incendium, horrendæ tempestates, siccitas, fertilitas, morbi, mors; terre-motus, monstra, pestis, fames, cibus, potus, fœtura gregum, depastio locustarum aliorumque insectorum naturalia sunt; & tamen in iis Dei ira, maledictio, iudicium, justitia, poena, castigatio, clementia, misericordia, benedictio considerari possunt; quippe eorum effecta, testimonia, signa. Actor. 14. v. 17. *Quamquam non passus est se esse expertem testimonii bona tribuendo dans nobis cœlitus pluvias ac præstituta tempora fructibus perferendis, implens cibo & delectatione corda nostra.* Hose. 2. v. 21. *Et erit etiã in die illo, ut ego exaudiam te.* Jos. &c. Levit. 26. v. 19. *reddam cœlum vestrum tanquam ferrum, terram vestram sicut as.*

Et de omnibus illis calamitatibus & maledictionibus Deus exfertè loquitur Deuter. 28. v. 46. *Eruntque in te pro signo & pro prodigio, atque in semine tuo u. que in seculum.* Atqui omnia illa, aut saltem pleraque habebant causas naturales.

Non dicam jam de agno paschali, de aquâ, de pane, de vino, de oleo effuso super caput Aaraonis; quæ omnia sunt naturalia, nihilominus rei sacræ sunt signa divina & supernaturalia. Sic etiam Cometæ in suo genere sunt signa iræ Dei, & magnarum calamitatum: idque ex Dei voluntate & ordinatione: uti factorum experienciâ docemur. De quâ mox ad object. 7.

*Resp.*



*Resp.* 3. Dato naturales esse Cometas & causas eorum naturales: non tamen extraordinaria & insolita hæc Dei opera ac phasmata eodem in gradu collocari debent, cum operibus & effectis perpetuis, ordinariis, quotidianis, e. gr. ortu solis, cursu fluminum, aliisque in regno minerali, vegetabili, animali actionibus & passionibus.

VII. *Object.* Si Cometæ sunt signa aut naturalia sunt aut thetica. Si thetica, aut ex humanâ, aut ex divinâ ordinatione. Atque nullum istorum dici possunt. *Resp.* propositio major disjunctiva negari potest. Signa astrorum *Genes.* 1. v. 14. sunt & naturalia, & positiva divina; idque ex ordinatione divina. Si omnes Cometæ aut saltem aliqui sunt elementares, aliquarum calamitatum, in elementaribus & causæ naturales & signa esse possunt: uti hoc à Cl. *Senguerdio loc. cit.* explicatur. Sed hoc aliis calamitatibus, ubi intercedunt actiones hominum, applicari nequit. Et quia nititur hypothesis, quod Cometæ omnes aut aliquot sint elementares, (quam alii negant): volens nunc prætereo, & generali malorum denuntiationi aut comminationi infisto. Ad minorem respondemus, esse signa supernaturalia ex ordinatione divinâ, quarumvis calamitatum supra *cap.* 3. enumeratarum. Sed hic forte quærent, ubi Deus hoc significarit esse talia signa, idque ex suâ voluntate & ordinatione. *Resp.* Ipsis factis & eventibus significavit. Qui elementa theologica inspexit, (ad Thomam cum scholasticis *p.* 1. *qu.* 19. *artic.* 11. 12. nunc non ablegabo) ignorare non debet, voluntatem Dei distingui in beneplaciti, & signi: & circa divinam voluntatem duo poni signa, *verbum* seu revelationem sive ordinariam sive extraordinariam, & *factionem* seu impletionem. Scholastici cum Thomâ ponunt quinque, hoc versiculo comprehensa,

*Præcipit, & prohibet, permittit, consulit, implet.*

De quo jam non libet ἀπιστολογεῖν, nec est hujus loci. Sufficit facto ipso, aut eventu certo mihi significari hanc esse Dei voluntatem & ordinationem: Quandoquidem Deus omnia facit secundum consilium voluntatis suæ *Ephes.* 1. v. 11. & omnia quæ voluit fecit, *Psal.* 115. v. 3. A posteriori ergo ex facto concludo Dei voluntatem. Uti Prosper Alpinus, aliique medici præsagia mortis & vitæ ægrotantium ritè quærent & collocant in talibus aut talibus antecedentibus, de quibus per experientiam comperitum est, quod plerumque ad ea mors aut convalescentia sequantur, idque ex Dei omnia gubernantis ordinatione & voluntate; quam per antecedentia illa notificat, & medici ex multiplici observatione & communi experientia perceperunt: sic & nos signis, terculamentis, ostentis Cometarum tanquam antecedentibus, præsagium collocamus consequentium malorum. Deus est qui antecedentia & consequentia illa conjungit, & ut plurimum con-



conjuncta vult, à nobis non separanda. Cassiodorus lib. 12. variar. epist. 25. *Nihil enim sine causâ geritur nec mundus fortuitis casibus complicatur: sed quidquid venire videmus ad terminum, divinum constat esse consilium.* Cum res ipsa loquitur, cum experientia testatur Deum hunc ordinem antecedentium & consequentium ordinare, quid logis otiosè contra contendimus? *Cælum triste rubet* matutino tempore: Hoc antecedens & signum: *Hodie erit tempestas*: hoc consequens & signatum. *Matth. 16. v. 3.* Quidni ex tali signo quis metuat tempestatem & greges suos ad stabula compellat; ut periculo illi subducat. Qui purulentis expuitionibus pulmones, vires, vitam paulatim exspuit & indies contabescit; serius aut citius venturam mortem expectet, & ad eam se præparet. Palliatâ aut quâcunque aliâ medicorum curâ antecedens & lætale illud signum à morte ordinariò consequente separari non poterit: nedum ut argutiis aut verborum globulis hoc agerent philosophi & rhetores. Quamvis autem sapiens atque expertus medicus hanc specialem Dei in hoc casu ordinationem non legerit in bibliis; legit tamen in libro naturæ & experientiæ; qui libro scripturæ & juris divini tabulis non repugnat. Idem dico de speciali Cometarum juxta divinam voluntatem ordinatione ac coordinatione ad sequentia Dei judicia & magnas calamitates. Non repeto hic quid & quantum juxta *Aristotelem* locis supra cap. 3. cit. & juxta *Galenum* à *Melanthone* in *physicâ* cit. aliosque philosophos & medicos (inter quos *Erastus* c. *Statmionem* pag. 175.) experientiæ tribuendum sit.

VIII. *Object.* Dato Cometæ sæpe aut aliquando præcurrere magnas calamitates: inde tamen non sequitur esse signa prognostica; sed tantum antecedentia. *Resp.* Sequitur. Unum enim idemque est & antecedens & signum prognosticum: haut aliter ac aurora quæ ortum solis antecedit, ejusdem prognosticum est, & rubor cœli vespertinus serenitatis postridianæ, & rubor matutinus pluriæ & tempestatis hodiernæ antecedens & signum est. Signum duplicem habet habitudinem & respectum: unum ad rem signatam; alterum ad potentiam cui signum est, & cui aliquid significat aut signat. Ne quis autem putet signum esse meram mentis nostræ fictionem atque imaginationem: is discat, esse aliquod fundamentum à parte rei, quamvis actualis applicatio signi ad signatum, & collatio signi cum signato perficiatur à facultate cognoscente; cui signum illud & res signata, seu antecedens e. gr. aurora, & consequens e. gr. ortus solis offeruntur. Sed Medici in parte illa medicinæ, quam semioticam appellant, & theologi in tit. de signis, symbolis, typis, sacramentis, omnesque logici cum metaphysicis facile ostendent, antecedentia sive purè talia sive etiam causas, esse consequentium suorum signa prognostica. Vide & signa *Genes. 1. 14. Et Luc. 21. v. 7. 10. 11. 25. 28. 30. 31.* & antecedentia.

M.

IX. *Object.*



IX. *Object.* Ante lapsum in statu integritatis, Cometæ non erant nec unquam potuissent esse (si per peccatum status ille non fuisset mutatus) prognostica magnarum calamitatum, ut fames: pestis, seditionum, cladum, &c. Ergo nunc non sunt. *Resp.* 1. præsupponitur, non probatur Cometæ futuros fuisse in statu integritatis. Si generantur & sunt in aëre ibique dissolvuntur, juxta plerorumque physicorum descriptionem, jam nego eos illo in statu futuros fuisse; non magis quam spectra, terræ-morus, cœlum æneum, aut cœlum clausum abique terræ humectatione & foecundatione; aut terram ferream; aut solem & Syrium ardorem, agros, segetes homines, pecudes urentem; aut eundem ita obtenebratum, ut nox diei substitutus videretur; aut aquas maris extra & ultra terminos ita exundaturas ut magnas terrarum partes cum hominibus, pecoribus, &c. haurirent; aut deformia ac terribilia monstra ex hominibus nascitura; aut catharos suffocantes; aut aëris intemperiem, atque infectionem; aut horribiles tempestates, ac procellas, aut Vesuvii aliorumque montium perniciofa incendia. Hæc enim pertinent ad vanitatem & servitutem corruptionis, cui creatura propter peccatum subiecta. *Rom. 8. v. 20. 21.* Quod antehac explicuimus in 1. part. sel. diss. tit. de Creatione part. 2. §. 11. Sin vero cum non paucis astrologis in cœlo omnes Cometæ collocas, & in mundo cœlesti æque ac in elementari mixtiones, alterationes, generationes admittas; jam pariter probandum esset à primævâ integrâ ac sanâ (itâ loquar) & inimpeditâ naturâ simpliciter hæc omnia ita proventura fuisse, absque intercedente diminutione naturæ, & vanitatis ac servitutis corruptionis symptomate. Sed hoc probabitur ad Kalendas Græcas, æque ac mortem homini naturam esse (ut vult Seneca) non poenam. *Resp.* 2. consequentiam non valere, ab eo quod in statu integritatis fuit aut fuisset, ad illud quod in statu peccati fuit, aut futurum est. Do instantiam hanc, in statu integritatis iris non fuit aut fuisset signum mundi non perituri per aquas: & tamen in statu peccati tale signum est.

X. *Object.* Nunquam ita comparatum est, cum rebus humanis, ut nusquam in orbe terrarum sint calamitates belli, famis, pestis, &c. Ergo nunquam non apparerent Cometæ mala & judicia illa Dei significantes. Sed posterius est absurdum. Ergo. *Resp.* Argumentum hoc duabus nititur hypothesibus. Prior est, nullas unquam hominibus obvenire calamitates, quæ Cometæ alicujus apparitione non prænuntientur. Sed hoc falso præsupponi, & communi sententiæ affingi supra dictum est, ad *object. 4.* Posterior est, Cometæ omnibus & singulis per universum terrarum orbem gentibus, regionibus, hominum ordinibus, familiis, magnas calamitates eventuras semper prænuntiare. Quod communis sententia non tenet: sed potius



tius oppositum, quodcum gentes, quibus apud prophetas passim denuntiantur dies tenebrarum, attris illis tempestatibus involvuntur; gens Deo dilecta, aut aliæ gentes, aut in eadem gente civitates, familiæ in lumine ambulant: quod dum illic jejunia, hic eucharistica, dies bonos & lætos celebrant: hic sacrum exuunt, illic induunt: hic domus est luctus in morbis aut morte charorum; istic thalami nuptiales, ubi sponsus gaudet super sponsâ suâ. Huc applica *Psal.* 91. & 97. *Jesa.* 25. & 51. In exitu ex Ægypto Israel lætatur, Ægyptus luget.

XI. *Object.* Cometæ sunt ornamenta cœli: ergo nihil mali significant! *Resp.* Straminea consequentia. Politicæ ornamentum est administratio justitiæ, defensio bonorum, & punizio malorum: ergo improbis & maleficis non portendit malum; siquidem modo in manus custodum legis & judicium incidant. Ecclesiæ ornatus est scriptura, est fax & lucerna pedibus nostris, & lex est lux (quid præstantius & amabilius luce?): ergo scriptura nihil mali peccatoribus denuntiat, aut minatur. Stellæ sunt ornatus cœli: nihilominus pugnabant contra Sileram *Judic.* 5. v. 20. ad quem textum exstat erudita lectio Georgii Aboti tunc Academici, postea Archiepiscopi Cantuariensis.

XII. *Object.* In libro scripturæ nihil de Cometis, eorumque præsagiis legitur: ergo fabulosa, aut incerta omnia, quæ de iis narrantur. *Resp.* 1. Immo legitur *Math.* 24. & *Luc.* 21. territamenta & portenta illa in cœlo aut in terrâ esse antecedentia & signa eversionis Hierosolymæ & populi Judaici; quæ exsertè ad discipulorum postulatam à Christo designantur. *Resp.* 2. Dato autem hoc ita esse, non concessio: quid tum? Multa alia sunt, quæ in libro scripturæ non leguntur: sed tamen vera sunt, quia leguntur in libro naturæ, ac habentur per experientiam, & rationem: ut e.g. multa præsentia mathematica, physica, nautica, medica; præsertim quæ *Hippocrates* passim in aphorismis de signis lætalibus & *Prosper Alpinus* in libro de præsagiendâ vitâ & morte ægrotantium, idemque de medicinâ Ægyptiorum: Idem de reliquis omnibus medicorum dictatis de virtutibus herbarum, succorum, lapidum, &c. de signis in morborum cognitione, deque his aut illis chirurgicis operationibus juxta methodum medendi adhibendis, judicandum est. Jam vero librum naturæ pervolvere Deus jubet *Jesa.* 40. *Job.* 38. 42. & veritatem duce observatione, experientiâ, ratione ex eo libro haberi scriptura affirmat *Rom.* 1. v. 19. ubi quod de Deo cognosci potest, à Deo revelatum esse dicitur. Dicam verbo, & ex libro scripturæ & ex libro naturæ ejusmodi portenta haberi; eaque signa dici posse & naturalia & supernaturalia: haut aliter ac Deum esse, & providentiam esse & naturaliter & supernaturaliter cognoscitur.



XIII. *Object.* Sententia communi opposita, magis facit ad errores & superstitiones populares, vanitates divinatorias atque astrologicas extirpandas: atque una nimium metum, qui aliquos coquit & versat sub pectore fixus, revellendum. *Resp.* Scitè sane & opportunè! Quasi quis Empedoclem ardentem Ætnam insulturum, opportuno importuno clamore, ab aquà & submersione retrahere satagat. Superstitiones cavendas esse sciunt doctrinam scripturariam professi: Astrologicarum divinationum, vanitatibus jam pridem in scholis Christianis renuntiatum esse, literati quilibet & semiliterati vel ex resonantiâ parietum in auditoriis philosophicis, theologicis, juridicis percipere potuerunt. Frustra specifica antidota parari videntur, ubi nulli tali morbo laborant: Contra Scepticismum, Epicureismum, numinis ἀφοβίαν, admirandorum Dei operum ἐξοθυσισμόν, libri scripturæ & naturæ neglectum, si non contemptum, spiritus fortitudinem (ut utar atheorum technologemate) forte utilius antidota conquirerentur. Si quis profanum hoc sæculum novarum opinionum ferax virtutis & pietatis sterile circumspiciat, si mundi nosocomia tot stultorum & fanaticorum catervis repleta perambulet, videbit aliis nunc auxiliis aliis defensoribus tempora nostra egere.

XIV. *Object.* Si autoritatibus & testibus agendum: non desunt viri eruditi hujus sententiæ autores. Quandoquidem ergo in varias sententias itum, & adhuc sub iudice lis est; quid ni pro libertate philosophicâ aut ἐπιχειρῶν, aut in alteram sententiam eamus? *Resp.* Exceptio hæc Scepticis, novatoribus, paradoxis, Epicureis, Lucianis, viris de hoc sæculo, omnibusque glebæ suæ (hoc est, peccato in delictis) affixis perquam familiaris & parata est; ut scripturæ, experientiæ, rectæ rationi & vel totius Christianismi consensui, sive inventam sive quæsitam & subornatam unius atque alterius subleſtam opinionem opponant; immo & in æquilibrio cum universali rectè sentientium & sapientum consensu component; dicendo, opinionum divisio est; ergo ad problemata dialecticâ seu topica hæc rejiciantur, de quibus in alterutram partem probabiliter sub umbra differunt, quæ vacat & lubet. Aliter si sentiant, & loquantur viri justî & receptæ veritatis tenaces; ilico ἄπορι, φάσιν, vitæ & societatis humanæ suavitati onerosi judicantur.

*Resp. 2.* De autoribus quibusdam, quos ab aliis citatos cognovi, hæc tamen mihi videre non contigit, supra cap. 2. respondi: ut & de iis, quos legi. Postquam istud & proximè seqq. capita essent excusa, suppeditatur mihi ab amico, concio sîderalis doctiss. Phelavii habita Dantisçi anno 1653.; ex cujus lectione pag. 32. (in notis marginalibus) disco, Eliam Majorem Uratislaviensem etiam censuisse, *Cometas omnia bona*

por-



portendere. Quis vir ille fuerit nescio: hoc saltem scio audax illud asser-  
tum à Dudithiano non abludere. Et forte Dudithii fama & in orbe Eu-  
ropeo per tot annos æstimatio, cum specioso ratiuncularum & dictio-  
num choragio, virum hunc incautum & Dudithianæ apostasiæ ignarum,  
à suorum viâ tritâ viâ tutâ, in avia ista abduxerunt. Sed multiplex eru-  
ditio, alięque insignes Dudithii dotes, non magis veritati, pietati, &  
Christianismi consensui præjudicare debent; quam Juliani apostatæ Græ-  
canica literatura, cum prudentiâ politicâ, fortitudine militari, & apice  
imperatorio conjuncta. In quem duæ orationes invektivæ piissimæ & di-  
fertissimæ Nazianzeni ab historiarum studiosis aliquando legi poterunt. Ut  
verbo dicam nihil tam absurdi in philosophiâ aut theologiâ excogitari po-  
terit, quod aliquis, aut aliqui non fuerint amplexi: uti constat ex *Plutar-  
chi* libris de placitis philosophorum, & *Epiphano*, *Augustino* aliisque hæ-  
resiologis alibi indicatis. Conjungat quis forte pauculis illis paradoxolo-  
gis Origenem lib. 1. contra Celsum, qui Chæremone Stoicum in com-  
mentario de Cometis, adducit dicentem, quod interdum etiam exoriri  
Cometæ res bonas futuras præsignaverint; idque declarantem exemplis ex  
historiis petitis. Ad hoc responderi posset cum Davide Hoefschelio in no-  
tis ad Origenis libros c. Celsum: „Non rectè igitur paroemiæ illi *διδάσκει*  
„*καὶ τὸν θεὸν ἐκ τῆς κοίτης ἐκείνης* & adjectum est hoc acroteleution à Joach. Camer. *ἡ ἀπόδοσις*  
„nisi accipiamus *ὡς ἐπὶ τὸ πλάσσειν*, quum hujus tot exempla suppetant.  
Aliter etiam & convenientius cum textu & scopo Origenis responde-  
mus: Origenem istic præsupponere & præmittere magnas res, insignes-  
que mutationes in terris significari per Cometæ, translationes scil. regno-  
rum, aut bellæ, aut quicquid apud homines potest contingere ad commoven-  
das res terrenas validum. Stellam Magis nativitatem Christi significan-  
tem ibidem statuit, non fuisse novam, nec ulli è notis istis similem, quæ vel  
in firmamento sunt, vel in orbibus inferioribus: sed ejus generis, quales Co-  
metæ visuntur temporanei, docides, pogonia, pitbi, aut quomodocunque li-  
bet Græcis, variis nominibus signare horum differentes figuras. Hinc præ-  
missio testimonio Chæremonis Stoici, quo ad hominem (ita loquar) con-  
tra Celsum & Gentiles utitur, sic infert: „Ergo si ad regnorum nova-  
„tiones aliosque insignes casus terris stella quæ vocatur crinita exoritur,  
„aliudve sidus simile, quid mirum si id factum in nativitate renovaturi  
„genus humanum, &c. Vides ergo, poni ab Origene, sed trepidè, stellam  
illam Magorum *Math. 2.* fuisse Cometam aut Cometis similem: saltem  
non fuisse ex stellis in principio creatis; & magnam in mundo mutatio-  
nem, novi scil. regis ac regni ortum portendisse. Sed nos cum plerisque  
commentatoribus ad *Math. 2.* Cometam esse negamus: & dato fuisse Co-



94 EXERCITATIO DE PROGNOSTICIS COMETAR.

metam, bonum ac felicitatem regni spiritualis portendentem, negamus una illâ exceptione universale istud axioma, *Nullus Cometa, qui malum non ferat*, infringi: uti supra ad *Object. 3.* ostensum est. Vide & *Thomam 2. 2. qu. 9. a. 1. ad 2.* Ut jam non dicam bonum ac felicitatem regis & regni spiritualis Christi longè aliud quid esse, quam bonum & felicitatem mundi ejusque populorum & regnorum. Ita ut simul consistere possint bonitas, felicitas, *εὐτυχία*, pulchritudo, gloria (quæ interna & spiritualis est *Psal. 45. v. 14. Cantic. 4. v. 7.*) regni Christi, quod non est de hoc mundo *Joh. 18. 36.* cum turbatione, deformatione confusione, ingloriâ, omnibusque populorum & regnorum hujus mundi calamitatibus. Vide *Actor. 2. v. 17. - 22.* Ante diem unum atque alterum cum datâ occasione in *Melchioræ Adamo* legerem vitam *Quirini Reuteri* theologi Heidelbergensis, deprehendebam etiam ab illo refutationem epistolarum Rodingeri & Monavii de prognosticis Cometarum conscriptam; idque postulante Dudithio, cujus filiorum studiis domi ipsius tunc præfectus erat. Miratus sum ab aliquo autorum, quos hæcenus videre contigit, tractatum illum Reuteri, non indicatum fuisse. Cogor dicere, cum poëta,

*Ἐν δὲ μὲν ἡμῶν*

*Animus valde in dubio est.* An forte refutatio illa non sit edita? An vero tract. qui exstat sub nomine *Dudithii* sit *Reuteri* sive quod ad materiæ compositionem, sive quod ad styli exornationem? Quod ad Reuterum, si tale quid inductione *Dudithii* tunc ab illo factum, putarem astrologicas divinationes & speciales applicationes ab illo fuisse impugnatas; aut si ulterius progressus sit, in juvenili ætate in domo & sub anhelitu ac ductu patroni sui *Dudithii* scriptum fuisse: sed alium & longè mutatum fuisse ab illo Reutero præfectum collegii sapientiæ, & theologiæ professorem Heidelbergensem: tunc præsertim, cum *Nicolai Cisperi* opuscula (ex quibus tam luculentum pro prognosticis testimonium supra *cap. 5.* exhibemus) Heidelbergæ ederet.

*Resp. 3.* Quod ad libertatem & subtilitatem philosophicam, illi hac in quæstione vix ullus relictus locus: cum in factorum historiam & experientiam ultima sit analysis.

F I N I S.



---

E R R A T A

Pag. 14. l. 20. lege *sati*.  
Pag. 17. l. 1. lege *reperi sint*.  
Pag. 18. l. 17. lege *Catalogis*.  
Pag. 20. l. 38. *pone. post memoratur.*  
Pag. 24. l. 39. lege *prænuntiantia*.  
Pag. 25. l. 8. lege *prænuntiant*.  
Pag. 26. l. 19. lege *adferunt*.  
Pag. 74. l. 19. lege *Lampertus*.      l. 20. lege *Vab*.

---



E R R A T A







005643878



